

WANTOK



OCEAN BLUE

Tuna in oil
Rait teist
yah!



Wan Wik, Desemba 1 - 7, 2005 NAMBA 1637 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30

11,852 i gat HIV/AIDS

Namba bilong ol pipel i gat sik AIDS i wok long go antap



KISIM BEK NAIT: Minista bilong Komyuniti Dvelopmen, Dame Carol Kidu i bin bung wantaim ol meri, mama, famili na pikinini las wik Sarere nait long wanpela bung bilong ol long soim olsem nau em i taim bilong ol meri na famili long kisim bek nait bai i no bilong ol man nogut tasol. **Lukim Pes 12 long moa stori.**

NAMBA bilong ol pipel i kisim sik HIV/AIDS insait long Papua Niugini i wok long go antap yet, na sapos i nogat strongpela wok long daunim, bai PNG i ken painim bagarap wankain olsem ol kantri long Afrika.

I kam inap mun Mas long dispela yia, toksave i kam long Nesenel AIDS Kaunsel i soim olsem:

- 5685 man i kisim pinis sik HIV/AIDS;
- 5525 meri i kisim pinis sik HIV/AIDS;
- 642 pipel i no tok klia sapos ol i man o meri.

Ol bikpela rot we sik HIV/AIDS i wok long kalap:

- Taim manmeri i siip wantaim;
- Taim papa i givim sik long mama na i kalap i go long bebi long bel.

Dispela sik i wok long bikpela long:

- Ol meri krismas bilong ol i namel long 15 na 29;
- Ol man krismas bilong ol i namel long 25 na 55;

Long wan wan mun:

- I gat 201 nupela manmeri i kisim HIV/AIDS - mak bilong ol meri wantaim sik i winim mak bilong ol man i karim dispela sik.

5-pela provins i gat bikpela mak tru long ol pipel i gat sik HIV/AIDS:

- Nesenel Kapitel Distrik (NCD) - 6678
- Westen Hailans Provins - 1854
- Isten Hailans Provins - 770
- Morobe Provins - 690
- Enga - 537

Samting olsem 80,000 manmeri insait long kantri i karim dispela binatang (HIV) i save kamapim sik AIDS na ol i no save.

- LUKIM WOL AIDS DE SPESOL

LONG SAVE MOA - PES 21-24.


- Australla glvim K11,000 long

pait agensim HIV/AIDS - PES 4

- KOMENTRI: Ol lida i mas soim

rot - PES 14

AVAILABLE FOR IMMEDIATE DELIVERY NATIONWIDE



PRE-CHRISTMAS SALE

YAMAHA AG100 Bike

RIDE-AWAY PRICE!
K9,630
PRICE INCLUDES GST

- ✓ 2 Stroke, Single Cylinder Air-Cooled
- ✓ Displacement 97(cm3)
- ✓ Max. Power Output 8.5hp @ 6,250rpm
- ✓ 5-Speed transmission
- ✓ Kick Start
- ✓ 11.0 litre Fuel tank capacity
- ✓ 235mm ground clearance

Ela Motors

For more information contact: James Novak
Ph 3228408 Fax 3217268 - Port Moresby

Offer Expires: 31/12/2005 or While Stocks Last!

- ✓ Built Tough
- ✓ Easy Manoeuvrability
- ✓ 100% Reliability

PORT MORESBY PH 3228408 • LAE 4761000 • KOKOPO 6839100 • MADANG 6922188 • GOROKA 7321844 • MT. HAGEN 5421888 • VEVAK 8562255 • KAVIENG 9842788 • KIMBE 9835155 • TABUBIL 5489060 • VANIMO 8571254 • PORCERA 5479367 • BUKA 9739915 • LIHA 9868099 • ALOTAU 6410100

Wokmanmeri nogat gutpela luksave - Wollom

OL WOKMANMERI insait long ol kain wok bilong hotel, ol naitklab, supamaketa na ol liklik haus kaikai na ol arapela wok tu i no save kisim gutpela luksave long ol bosman bilong ol.

Dispela em i wanpela hevi we Mema bilong Mosbi Not Is ilektoret, Casper Wollom i autim taim em i singaut long Dipatmen bilong Leba o wok long sekim dispela hevi na stretim kwiktam.

Mista Wollom i tok sampela hap insait long praivet bisnis i no save bihainim stret ol wok lo insait long kantri.

"Mi gat bikpela wari long kain pasin nogut ol bosman i save mekim long ol liklik wokmanmeri. Ol pipel insait long ilektoret bilong mi i wok long kam

...Gavman mas stretim hevi kwik

lukim mi wantaim ol komplek long ol i no kisim luksave long wok ovataim na ol i no save kisim pei long mak bilong wok ol i mekim. Sampela i save wok long wok ples we i no fit long ol manmeri long wok long en," Mista Wollom i tok.

Em i tok ol samting olsem ol ovataim wok, hevi pe, kaikai, sekyuriti, trenspot, haus slip, ol moni seving skim bilong bihain taim bilong ol wok manmeri na mak bilong pe em ol bosman i no save givim long ol wokmanmeri na ol yet tu i save pret long opim maus long ol bosman bilong ol.

Mista Wollom i tok sampela indastri i gat bikpela nem nogut long ol dispela kain pasin na ol

gavman opis i no luksave na stretim yet.

Em i tok sampela long ol kros i kam agensim sampela bikpela kampani insait long Mosbi siti yet.

Em i tok tu olsem planti taim ol lain manmeri bilong arapela kantri husat i save wok long kes rejista masin o i kuk insait long hotel i wok long kisim moa potnait pe we i winim ol as ples Papua Niugini manmeri i mekim wankain wok.

"Olgeta dispela kain hevi i stap ples klia, tasol ol as ples manmeri i save daunim tasol na wok isi isi nogut ol i pinisim ol long wok," Mista Wollom i tok.

Strongim save long wok

Paulus Tali
i raitim

OL MANMERI bilong kantri i mas lainim ol rot bilong sanap ol yet na karim kantri i go het, Gavana Jenerel Sir Paulus Matane i tok long greduesen bilong ol manmeri husat i kamap long Pesenel Vaiabiliti Skim (PVS) kos las wik long Pot Mosbi.

Em i tok kantri bilong yumi i sanap namel long tupela bikpela rot, rot bilong kisim gutpela sindaun na bilong sindaun nogut.

Tasol em i wok bilong ol manmeri long kisim i go long gutpela sindaun sapos ol i laik na i wok hat.

"Nau em i taim bilong yumi yet i mas go het long strongim ikonomi bilong yumi na i noken tingim tumas ol ausait lain," Gavana Jenerol i tok. "Yumi mas tingim bihain taim bilong ol lain bilong yumi na wok hat long sevim ol. Mi sori tru long kantri bilong yumi. Yumi stap turangu yet long askim tumas ol lain ausait long moni we dispela i no stret."

Em i tok kantri em i gutpela kantri tasol rot

yumi mekim, ol samting i ken bagarapim em sapos yumi no lukaut.

"Yumi noken lusim taim nating yumi mas wok hat nau. Na long yupela ol greduet mi askim yupela long go bek na kamapim ol gutpela wok long ol samting em yupela i lainim long dispela taim."

Sir Paulias i tok em i greduet tu long wanpela wankain skul long Kokop long sampela taim i go pinis.

"Mi skul long Kokopo long Gras Ruts Yunivesiti na mi yet i lukim em i wok long helpim planti manmeri nau. Long go het long liklik bisnis bilong ol, las mun i go pinis yumi bin amamasim 30 anivesari bilong yumi long kantri bilong yumi na yumi noken i stap long bipo taim. Yumi mas senis."

"Mi amamas long gavman bilong tude i brukim baset we bikpela hap i go long rurel pipel. Dispela i ken helpim ol manmeri long mekim wok bilong ol."

Inap olsem 30 manmeri i kamap long dispela kos we 9-pela em ol Gret 12 sumatin, wanpela yunivesiti sumatin na sampela ol

wok lain.

Bihain long tu wik kos dispela ol lain i bin greduet wantaim ol setifiket.

Dispela PVS we ol i save kolim tu olsem Gras Rut Yunivesiti i save helpim ol gras rut lain long lainim gutpela na nupela rot long mekim na kamapim samting.

Kamap tu long dispela greduesen em Ledi Kalaudia, meri bilong Sir Paulias.

Long makim maus bilong ol sumatin, Marianville Hai Skul Gret 12 sumatin Michalin Raussi i tok em i amamas long kamap long dispela skul we dispela bai helpim em long bihain taim.

Na Richard Maru husat i makim maus bilong Rurel Developmen Beng i tok Beng i amamas long kamapim kain kos olsem.

"Mipela bai wok klostu wantaim Pesenel Vaiabiliti Skim long helpim long liklik moni long lukautim bisnis bilong ol. Dispela bilong helpim long kamapim ol wok bilong ol," Maru i tok.

Givim luksave long ol meri

Stephanie Gimo i raitim

OL man insait long kantri i mas mekim gut long ol meri olsem ol i wankain long ol na tu givim luksave. Tu, yumi i mas rausim pasin bilong mekim nogut long ol meri insait long opis.

Dispela toktok i kam long Minista bilong Jastis Mark Maipakai taim em i bin toktok long opim bung bilong Konvensen long Rausim olgeta kain pasin bilong Rabisim ol Meri (CEDAW).

Minista i tok olsem diskriminesen o pasin bilong mekim nogut ol meri i stap long olgeta hap na em i ken kamap insait long ples yet na tu long ol opis insait long kantri.

Insait long ples, pasin bilong kastom marit i no wokim gut ol meri long wanem em i stopim rait bilong ol meri long kisim wanem man ol i laikim na tu em i stopim ol meri long go het wan-

taim edukesen bilong ol.

Minista i tok tu olsem i no wokim gut long ol meri long hap bilong wok i kamap taim ol meri we i gat save long mekim wok, i no save kisim dispela wok bilong wanem ol i no ting ol i fit long mekim dispela wok long opis.

"Ol meri i save kisim tingting olsem ol i liklik insait long ples bilong wok bilong wanem i gat planti ol man long hap we ol i wok, na planti taim ol man i save askim ol long kainkain samting, long mekim ol (meri) i gat luksave long opis."

Jastis Minista i tok olsem yumi i mas stopim dispela kain pasin insait long ol opis bilong wanem dispela i wok long bagarapim rait bilong ol meri.

Minista Maipakai i tok "Mi amamas long tokim yupela olgeta long hia nau olsem Gavman long sait bilong Intenesenel Lo Brens nau yet i wok long kirapim wanpela Humen Raitis Komisen insait long Papua Niugini."

Pablik mas lukautim haus sik

Salome Vincent
i raitim

PABLIK i kisim askim long lukautim gut Pot Mosbi Jenerel Haus sik i stap klinpela ples long grafiti na spet buai na ol arapela pipia olsem.

Sief Eksekutyutiv opisa (CEO) bilong Pot Mosbi Jenerel Haus sik, (PMGH) Dokta Alphonse Tay i wokim dispela toktok long Open de bilong PMGH taim sampela memba bilong pablik i bin autim wari long sampela hevi olsem grafiti

o raitim na droim ol kain samting long wol bilong haus sik, buai spet insait long haus sik.

Na wari long ol stilman i save wokim stilpasin long haus sik na i mas putim planti sekyuriti long lukautim ol samting bilong haus sik long ol stil manmeri.


Dokta Tay i bekim olsem pablik yet i mas mekim wok bilong lukautim haus sik long sait bilong mekim ples i luk gutpela na long sait bilong stil pasin long ol marasin o wanem kain

samting bilong wok insait long haus sik.

Dispela Open de i bilong skulim pablik long wanem kain wok haus sik i save mekim.

Ol wok manmeri bilong ol wan wan seksen long haus sik i bin soim pablik long wanem samting ol i save mekim long helpim ol sik manmeri.

Sampela arapela wari we pablik i bin autim long dispela de em, ol dokta i salim ol i go long praivet dokta taim ol i go kisim eksrei.



The PNG Media Council 2nd Annual Awards

Saturday 10th December 2005 at the Port Moresby
Country Club 6pm - till late
Tickets - K20.00 per person
(POM CC MEMBERS F.O.C)

Music provided by the Freelancers Band
&
Next of Kin Productions

Media fashion parade

Heaps of fun & door prizes to be won and
presented by Santa

So hurry come meet your favorite media personality
Tickets sold at the gate...don't miss this great
Media Christmas party of the year.

Lukim yu...Wantok!

Gavman toktok wantaim tupela man Fiji

Veronica Hatutasi,
Salome Vincent na
Stephanie Gimo
i raitim

OL ATORITI bilong PNG i kisim ol toktok nau long tupela man Fiji husat i bin kamap long Tunde apinun long Mosbi.

Sammy Baroi na Fereti Rokodi em tupela lidaman bilong 8-pela man Fiji we Noah Musingku, papa bilong kon kwik mani bisnis i no wok- U-Vistrak, i bin kisim ol tripela wik i go pinis long wok long Tonu insait long Siwai eria long Sautwes Bogenvil.

Wantok i bin laik kisim sampela moa toktok long Fiji Hai Komisina long Pot Mosbi long

tupela man na wanem samting gavman bilong PNG na Fiji i wokim, tasol Fiji Hai Komisina Ratu Inoke Kabuabola i tok em i no inap wokim moa toktok yet bikos ol PNG atoriti i mekim wok painimaut yet bilong ol long dispela samting.

Fes Seketeri long Fiji Hai Komisina, Emosi Rakai, i bin lusim Mosbi wanpela wik i go pinis long kisim 8-pela Fiji soldia we Mista Musingku i bin kisim long trenim ol sekyuriti bilong em long Tonu, Siwai. Ol lain bilong Musingku i no bin larim em i go long Tonu tasol bihain long gutpela wok bung na sapot bilong Me'ekamui grup, Otonomes Bogenvil Gavman na Sir Peter

...Misinari na sekyuriti trena long Tonu



Foto: NICKY B...

STRONGPELA BANIS: Kamap bilong tupela eks sevisman bilong Fiji husat i bin stap long Bogenvil (wanpela i putim ai glas long het bilong em) i bin pulim bikpela sekyuriti tru long ol Foren Afes na Imigresen sekyuriti opisa taim ol i pundaun long Jacksons ples balus long Tunde

barter wantaim Nesanel Gavman lain, Musingku na lain bilong em i bin tok yesa long em i go insait na em i kisim tasol tupela man i kam olgeta long Mosbi.

Long Tunde taim tupela man i stret long ples balus, ol i bin kamaut wantaim ol wok man bilong Imigresen Dipatmen, husat wantaim ol opisel bilong Fiji Embasi na Trensesenel Kraim (polis) i bin hariap tru long kisim dispela tupela man i go long wanpela bas bilong Foren Afes na Imigresen na kisim ol i go long wanpela seif haus.

Ol opisel bilong Mista Rokodi na Sammy

Baroi. Long wankain taim, Eking Praim Minista, Sir Moi Avei na Minista bilong Inta-Gavman Rilesens, Sir Peter Barter i tokim midia long wanpela pres konfrens nesanel gavman i tok amamas long Hai Komisina Ratu Kabuabola na namba tu seketeri Rakai long wok wantaim ol long bringim dispela ol man. Otonomes Gavman bilong Bogenvil (ABG) na Me'ekamui Muvmen tu i wok wantaim ol.

Sir Moi laikim bai midia i wok wantaim ol na noken traim long mekim wanem kain samting long bagarapim dispela operesen bilong ol long bringim narapela 6-pela man Fiji i stap yet

long Tonu i lusim dispela ples na kam long Mosbi.

Ol i putim tupela man long wanpela lukaut haus we Hai Komisen bilong Fiji na Nesanel Gavman i ken toktok wantaim ol. Dispela em long askim long as bilong kam bilong ol long PNG na long painimaut long wanem ol samting ol sasim ol long em. Sir Moi i tok gavman i laik kisim olgeta 8-pela man Fiji i kam aut long Bogenvil.

Sir Peter Barter i tok em i nambawan taim bilong gavman long wok bung wantaim ABG, na Me'ekamui long stretim dispela kain hevi.

Long wankain taim, ripot i kam long U-

Vistrak niusleta ol i kolim long Papala Chronicles i tok 8-pela Fiji eks soldia i memba bilong wanpela praivet sekyuriti kampani long Fiji, Ronin Hai Risk Sekyuriti na ol i kisim ol long Bogenvil long tupela samting. Wanpela em long autim Tok bilong Bikpela olsem ol misinari na namba tu em long trenim ol Me'ekamui soldia na ol sekyuriti bilong lukautim "King bilong Papala na Prinsipel Dairekta bilong U-Vistrak sistem, HM king David Pe'i 11.

Ripot i tok insait long tupela yia, ol bai gat 300 Fiji soldia i wok long Bogenvil. Ol dispela 8-pela soldia i bin wok olsem ol intenesenel pis kipa long ol ples we hevi i kamap long en olsem long Sinai, Kuwait, Kosovo, Lebanon, Bosnia, is Timor, Iraq, Zimbabwe na wanpela long Bogenvil.

Mista Musingku i wokim meknais we i ken kamapim hevi long gutpela wok ol pipel yet bilong Bogenvil wantaim helpim bilong PNG na ol intenesenel komyuniti ol mekim long stopim pait na kamapim gutpela sindaun na kaikai bilong em long Otonomes Bogenvil gavman Bogenvil i bin amamas long kisim long dispela yia Jun.

- Lukim ABC NIUS - Ol Fiji i bin laik kisim bek moni bilong ol-PES 26



TUDE em i Wol AIDS De. Dispela sik nogut i tromoi han i go insait long PNG pinis na groa bilong em i no isi isi. Tasol bai yumi daunim olsem wanem? I tru olsem ol lida i kisim singaut long soim rot. Na em i wok ol i mas mekim long wanem ol em ol lida bilong yumi. Tasol i no bilong ol lida tasol long stretim. Dispela hevi em mipela olgeta wan wan man, meri, pikinini bilong PNG i mas bungim han na daunim.

SAPOS yu save long wanpela poro bilong yu husat i save indai kirap long go pati olgeta pot-nait Fraide, givim liklik stia tok long en long wok-about gut na bihainim ol rot bilong banis agensim dispela sik nogut.

SAPOS yu save long ol lain husat i wok long mekim pasin pamuk na i no klia long ol hevi dispela kain pasin i ken kamap long laip bilong ol yet, skulim ol long binatang HIV na man i save bihainim em, AIDS. Tokim ol olsem ol i gat wanpela laip tasol na ol i noken pilpilai long en olsem samting nating.

LONG wankain taim, mipela i mas skulim tu ol arapela manmeri long dispela sik na wanem ol hevi ol pipel i karim dispela binatang nogut i save karim. Tru tumas, i nogat inap toksave long dispela sik, na planti manmeri na famili i save bruk long em tasol. Wanpela rot long daunim strong bilong HIV/AIDS em long klia long rot bilong kisim na rot bilong banis agensim. Painim aut moa long dispela sik na strongim save na laip bilong yu. Opim tingting, na opim ai.

NA bikpela stia tok tru we mipela i mas givim long ol pipel bilong PNG, em - sapos yu no save sapos yu karim binatang bilong sik AIDS raun, yu mas go long haus sik na sekim blut bilong yu. Sapos yu no save, bai yu ting olsem yu stap orait. Nogat. Dispela sik i save hait gut tru. Na taim wanpela liklik sik i holim yu, em nau bai yu paia. Sapos yu save long sindaun bilong yu, tingting bilong yu bai klia, na bai yu save long rot bilong banisim yu yet. Laip bilong yu i stap long han bilong yu yet nau.

Nonggorr strongim moa meri long 2007 ileksen

Philip Kepson
i raitim

KONSALTEN loya bilong Iktorel Komisina, Profesa John Nonggorr, i askim ol meri insait long kantri long wok hat long winim moa sit long 2007 nesanel ileksen.

Profesa Nonggorr i bin tokim sampela manmeri i bin kamap long wanpela woksop ol i holim long yunivesiti long lukluk long sampela hevi bilong kamapim gutpela ileksen olsem, ol meri bai bungim hevi yet long winim moa sit long

ileksen bikos ol man ino wanbel yet long kamap ikwol wantaim ol.

Em i tok olsem inap long taim yumi kisim indipendens 30 yia i go pinis na i kam nau, ol trangu meri bilong yumi i bin traim hat long kamap ikwol wantaim

man tasol bikpela tinting long kastom we ol man i save ting olsem politiks em bilong ol tasol na ol meri no gat strong yet long Papua Niugini.

Emi bin kamapim dispela tok taim em i bekim askim bilong sampela meri long

dispela woksop husat i bin laik save long sapos i gat sampela we long stretim dispela hevi bipo long yumi ken go insait long 2007 ileksen.

Profesa Nonggorr i tok i luk olsem dispela tingting nogat o pasin bilong griti

bilong ol man, we i bikpela moa long Hailans rijen na tu long ol narapela hap bilong kantri bai ino inap long senis o pinis hariap bikos i nogat planti skul na aweanes long dispela eria bipo long 2007 ileksen.

Stackable Chairs!

Great for Church, Banquets, Schools, Offices, Waiting Rooms, Restaurants and Conventions.



Stackable Chair

- ▶ Product Code: 820NSB
- ▶ Royal Blue Colour
- ▶ Durable Plastic Shell
- ▶ Ergonomically Contoured for Increased Comfort
- ▶ Sturdy Steel Frame
- ▶ Stackable and Gangable

K81.40



Stackable Chair w/ Arm Rest

- ▶ Product Code: 8201NS
- ▶ Black Colour
- ▶ Durable Plastic Shell
- ▶ Ergonomically Contoured for Increased Comfort
- ▶ Sturdy Steel Frame
- ▶ Stackable and Gangable

K100.65

Prices are inclusive with GST

Waigani Drive, Port Moresby

PH: 325 6500

Fax: 325 0302

Email: sales@theodist.com.pg



K11,150 kam long Australia long pait agensim HIV/AIDS

Salome Vincent i raitim

HAI KOMISINA bilong Australia long PNG, Michael Potts i bin givim samting olsem K11,150 i go long Igat Hope na Salvesen Ami, tupela lain husat i save mekim wok long pait agensim HIV/AIDS insait long PNG.

Mista Potts i tok em i gat bilip olsem dispela tupela ogenaiesen bai yusim gut dispela moni long mekim wok bilong ol.

Lt Kenol James Condon bilong Salvesen Ami i bin stap long kisim hap mani, K5 575, bilong ogenaiesen bilong em.

Kenol Condon i tok Salvesen Ami i mekim wok bilong lukautim ol manmeri i gat HIV/AIDS na ol famili husat i gat dispela sik.

Em i tok ol memba bilong sios bilong ol i save givim sapot long ol manmeri husat i gat HIV/AIDS na i stap nating long ples.

Kenol Condon i tok wanpela

bikpela wok bilong Salvesen Ami nau, em long lukluk long bihain taim we ol i laik mekim wanpela haus bilong ol turangu pikinini husat papamama bilong ol i dai long sik AIDS. Ol i lukluk long opim dispela haus long 2006.

Vais Presiden bilong Igat Hope, Peter Momo i stap long kisim donesen bilong ol K5 575, long dispela de.

Mista Momo i tok em i namba wan taim bilong ogenaiesen bilong em long kisim dispela kain helpim. Taim ogenaiesen bilong ol i stat long tupela yia i go pinis, ol i bin wok hat tru long kisim ol kain helpim olsem.

Ol memba bilong Igat Hope grup i gat HIV na ol i save lukautim na givim sapot long ol arapela manmeri i gat HIV/AIDS. Ol i save wok wantaim Ret Kros na Nesanel AIDS Kaunsel long skulim ol manmeri long HIV/AIDS.

Hai Komisina Potts i tok ol i

mekim dispela mani (K11,150) long wanpela sereti fanresing we AusAID i bin go pas long em long namba 18 de bilong mun Septemba. Dispela fanresing i bin kamap long tok welkam long ragbi tim bilong Australia na PNG Kumuls ragbi tim.

Dispela pilai i bin olsem presen bilong Australia i kam long PNG, we ol i bin pilai wantaim long independens sefebesen, long givim awenes long HIV/AIDS na vailens agensim ol meri insait long PNG.

Deputi Siaman bilong PNG Ragbi Futbol Lig (PNGRFL), Mista Albert Veratau i bin stap tu long dispela bung na em i mekim wanpela K10 000 donesen i go long Anglicare Stop Aids ogenaiesen.

Progam menesa bilong Anglicare, Mista John Sil i stap long kisim dispela mani. Mista Sil em wanpela man husat i save pilai ragbi bilong PNG.

Airways Hotel kisim luksave long helpim PNG turisim



Salome Vincent i raitim

"YUMI amamas tete wantaim Airways Hotel long wanem ol i mekim PNG i kisim luksave bilong ol arapela ausait kantri," dispela tok i kam long Ekting Praim Minista na Minista bilong Petroleum na Eneji, Sir Moi Avei.

Airways Hotel, wanpela bikpela grup bilong ol hotel insait long kantri, i kisim wanpela awot long kamap memba bilong wanpela ogenaiesen ol i kolim Butik Hotel na Risot Intanesenel.

Dispela ogenaiesen i stap long America na i save mekim wok long

go aut na painim ol ples we ol i lukim i nais na i ken pulim ol turis. As tingting bilong ol em long helpim na givim luksave long ol dispela ples. PNG i bin wanpela ples ol i lukim olsem em i gutpela long pulim ol turis.

Vais Presiden na Sif Opereting Opisa bilong Butik Hotel, John Sears, husat i stap long America i bin kam olgeta long Mosbi long givim dispela awot long Jenerel Menesa, Kevin Yaxley na papa bilong Airways Hotel George Constantino Junia.

Mista Sears i tok ol i makim PNG long wanem, ples em i stap long em i gutpela long

LUKSAVE:

Ol bosman bilong gavman, turisim, na Airways Hotel i kisim piksa wantaim awot o luksave ol i winim long sait bilong strongim nem bilong PNG turisim.

pulim ol turis i kam. Em i tok ol i lukluk long ol bikpela siti olsem Los Angeles, Miami, London na Taipei, tasol ol i makim PNG.

Em i tok Airways Hotel nau i stap aninit long Butik Hotel na Risot Intanesenel we PNG nau bai kisim luksave na i ken helpim kantri long strongim turisim indastri.

Sir Moi i tok ol i makim Milen Be na Is Nu Briten provins long statim promosen o strongim nem bilong PNG turisim. Em i tok ministri bilong Trensport na Sivil Eviesen bai go pas long stretim Gurney na Tokua ples balus aninit long dispela nupela bikpela wok turisim.



Air Niugini Toksave

Festive season travel advice

- > Purchase your ticket by the stated payment deadline
- > Ensure to advise phone contact details in case of scheduled changes
- > Check the flight times and dates on your ticket
- > Reconfirm your travel at least 3 days prior to your travel date
- > Your check in baggage weight is 16 kgs per person
- > Cabin baggage is restricted to one piece weighing 7kgs per person



> Be at the airport at least one & a half hours before departure

Be a wise traveller!

Gavana Ling-Stuckey agensim ol rebel pablik seven

NU AILAN Gavana Ian Ling Stuckey i autim strongpela tok lukaut long ol pablik seven husat i no kisim stretpela toksave na go bek long wok olsem ol bai kisim bikipela mekimsave.

Gavana Ling-Stuckey i wokim tok lukaut i go long ol "rebel" woklain husat i no kisim toksave pastaim long Pesenel Menesmen na Provinsel Etministreta Robinson Sirambat na go bek long wok bilong ol.

Gavana i tok ol dispela pablik seven long Kavieng em ol bin tokim ol long lusim wok tasol ol bin go bek gem wantaim nogat toksave i kam long ol atoriti long Pablik Sevis Komisn na ol bai kisim mekim save.

Gavana Ling-Stuckey i tok ol pipel bilong Nu Ailan i les pinis long ol bikhet pasin we ol profesenel pablik seven husat i no laik luksave long disisen ol i wokim aninit long lo na i go het sakim tok long Nu Ailan Provinsel Gavman tasol yusim nogut PEA.

Em i tok i no long taim ol pipel bai mekim samting bikos ol dispela pablik seven i wok long kisim pe nating.

Em i tok opis bilong em i kisim pinis planti komplem long dispela samting na em i les pinis.

Em i tok i no stret long PEA presiden long Kavieng, Darius Meksen long sapotim ol dispela rebel pablik seven wantaim ol toktok em i wokim long Redio Nu Ailan na ol niuspela.

TI Pasifik Rijinel Kibung long PNG

**IS NU Briten bai provins we
Transparensi Intanesenel (TI)
Rijinel Konferens o kibung
bai kamap long en long mun
Mas neks yia.**

Tok orait bilong PNG long lukautim dispela bikipela kibung bilong olgeta Transparensi Intanesenel opis insait long Esia Pasifik rijen i bin kamap

long Esia Pasifik Rijinel kibung long biksiti Belin long kantri Jemeni.

Dispela Pasifik Rijinel Konferens i save bungim wantaim ol manmeri bilong TI insait long rijen long paitim toktok long ol samting olsem akauntabiliti o i gat ol ripot i stap long ples klia long rot bilong yusim moni long em, gutpela kontrol na transperensi insait long Pasifik.

Siaman bilong Transparensi Intanesenel long PNG (TI PNG), Michael Manning i tok olsem, dispela TI Esia Pasifik kibung long Berlin i toktok long ol samting ol i lukim long wok bilong ol, ol hevi ol i bungim na rot bilong stretim ol hevi, dispela i givim ol manmeri husat i bihainim narapela rot long lukluk long ol samting.

Mista Manning i laikim olsem dispela pasin bilong serim tingting na gutpela wok bung wantaim bai go het yet insait long Pasifik Rijinel Konferens.

"Long holim dispela Pasifik Rijinel Konferens insait long kantri em gutpela, bilong wanem em bai givim sans long ol arapela wanwok bilong yumi long Pasifik long lukim wanem kain wok TI PNG i mekim insait long kantri," Mista Manning i tok.

Dairekta bilong TI Esia Pasifik, Peter Roke i bin givim bikipela luksave long Mista Manning long wok bilong em olsem Ekting Siaman bilong Akreditesen Komiti o komiti bilong givim tok orait.


Mista Manning i go insait olsem ekting siaman bilong komiti long mun Ogas bilong dispela yia. Em bin go long Jemeni long mun Novemba na stap tu long Enuel Membasip kibung bilong TI, we TI PNG i bin kisim luksave long kempen bilong em agensim ol bil o pepa bilong kamap lo bilong tupela memba bilong palamen, Kappa Yarka na Andrew Kumbakor.



STAIL BILONG BILAS PLES: Ol yangpela meri sumatin bilong Nu Ailan i raun lukluk long kaiserel so. *Fail Piksa*



Air Niugini Toksave



Itambu tru long salim na baim tiket bilong narapela man.
Yu noken kisim balus wantaim tiket bilong narapela man.
Sapos yu holim tiket bilong narapela man Insurance i no inap long karamapim yu.
Ol wok man long ples balus bai askim yu long ID card long soim olsem tiket em i bilong yu.
Ol i ken kotim yu na yu ken kisim bikipela hevi aninit long lo.

Tingim gut taim yu laik kisim balus!

Lukim Air Niugini Sales lain or Travel Agent.

Madang lonsim nupela video

Veronica Hatutasi i raitim

TUDE em i Wol AIDS De na ol toktok long PNG na wol tude i sut long HIV/AIDS.

Planti samting i kamap long PNG long makim dispela de.

Bethany Volunteri Tes na Kaunseling Senta bilong Katolik Asdaiosis long Madang i lonsim nupela

HIV/AIDS edukesenel video tude long makim dispela de na autim gem salens long PNG long bihainim tok promis em na ol arapela memba bilong Yunaitet Nesens i bin wokim long 2000 long stopim kalap bilong binatang bilong AIDS long yia 2015.

Opis bilong Madang Asdaiosis i tok Caritas Australia i kamapim dispela

...PNG mas inapim promis

video we i fokus long sik i go nogut long Saut Afrika na bikos PNG i wok long bihainim wankain rot olsem ol kantri long Afrika, PNG i mas wok hat long abrusim wankain hevi long kantri.

Opis i tok ol i makim Madang long lonsim video bikos em bin gat bikpela wok long kamapim video na wok

long etresim HIV. Bethany VTC em i namba wan klinik long PNG we i save karimaut kwik tes. Pipel i ken toksave sapos ol i gat binatang bilong AIDS o nogat insait long 15 minit tasol.

"Wol i bin promis long stopim na daunim kalap bilong HIV/AIDS long yia 2015. Wol i mas givim helpim

long ol kantri olsem PNG na Saut Afrika hariap. Yumi wokim pinis promis na yumi mas inapim," Asdaiosis opis i tok.

Long wankain taim tu, ol sumatin tisa na leksera long Madang Tisa Kolis i karimaut ol trening na riben long HIV/AIDS bilong redi long Wol AIDS De tude.

Ol i raun i go long 30 skul long karimaut ol wok redi na

trening na 12,000 sefti pin long putim ol retpela AIDS riben bilong makim Wol AIDS De.


Leksera Caroline Balane i tok sampela taim, ol tisa i save painim hat long toktok long HIV/AIDS na olsem, ol i putim wantaim At na Kraf olsem hap long aweanes bilong ol. Madang bai kamapim ol samting i sut long het tok bilong tude.

BSP

HOUSING LOANS

Bank South Pacific's new low, low interest rates offer Papua New Guinea

truly affordable home loans



Bank South Pacific

7.75%
INTEREST PER ANNUM

REPAYABLE OVER 25 YEARS*

ONLY A NATIONALLY OWNED BANK LIKE BSP UNDERSTANDS PNG BANKING NEEDS

Bank South Pacific

bsp.com.pg

Ask us how to include and finance your rates, land tax and insurance in one easy monthly payment.

Just imagine - no worries about any of these financial responsibilities - for the term of your loan.

We're ready to help: For fast Home Loan answers, just phone our Personal Lending Call Centre on

180 12 12

Our friendly staff will discuss the options available to you and explain our requirements in more detail.

*Conditions Apply

Ol Morobe papagraun laik rausim ol setelmen

Bustin Anzu i raitim

OL papa graun bilong Lae siti i tingting long rausim ol man meri husat i stap long ol blok long wanem ol i wokim planti trabel na bringim nem nogut bilong ol Morobe.

Ol papa graun i laik rausim ol man na meri husat i save stap long ol setelmen stat long 2 Mail na i go pinis long 6 Mail

Dispela tingting i kamap bihain long ol stiiman i laik hensapim wanpela bikman bilong Lae siti, em Benson Nablu. Ol stiil manki i blokim rot long 5 mail na laik stilim ka bilong em taim em na famili i ron i go long ples bilong ol long Yalu. Dispela birua i mekim na klostu em wantaim ol famili bilong em i lusim laip bilong ol.

Em i tok namef long dispela hap, planti birua i bin kamap pinis olsem stilim ka, kilim idai man meri, bagarapim meri na ol narapela hevi. Dispela hevi i kamap long ol yangpela man husat i save kisim spak brus o dring bia na karim gan na ol narapela samting bilong pait na save wokim dispela birua pasin.

Olsem na em i tok em bai holim wanpela bikpela bung long ples Yalu na olgeta man i mas kam bung long dispela taim 5 mail na Gavena bilong Morobe, Luther Wenge tu mas kam long dispela kibung.

Em i wokim strongpela toktok olsem sapos ol i wok long mekim yet, em bai kisim ol lain bilong em yet na kam rausim ol setelmen.

Kot bai go aut long ol ples

Bustin Anzu i ratim

Nesenel Kot long Lae bai harim ol kot bilong ol outsait long Lae siti stat long neks yia.

Dispela em long daunim planti keis i pufap stap na yet long harim.

Sampela nesenel kot seket long dispela yia i soim olsem taim ol i wokim dispela kain raun, em i daunim planti hevi bilong keis i save stap long kot haus. Dispela tu em long soim ol pipel olsem kain kot olsem em bilong ol man meri long ples na ol tu mas kamap long harim na lukim au kain ol bikpela kot i save kamap, residen jas bilong Lae Jastis Nicholas Kirriwom i bin tok.

"Rekot bilong ol kes i soim olsem Lae i gat planti ol keis we ol ino harim na pulap i stap. Planti long ol dispela keis em kastomari na long kisim kot i go harim ausait long Lae i soim olsem planti bilong ol dispela namba ol i daunim," Jastis Kirriwom i mekim dispela tok bihain long wanpela kibung long Sarere, ol i kolim long Kot Yusas Forum (court users' forum).

Em i tok ol i bin gat moa long 250 keis long harim, sampela 5-6 yia i go pinis tasol taim ol i go aut long ol dispela ples, namba i surik kam daun. Neks yia bai ol i go harim kot gen long ples olsem long Finsafen na Bulolo. Long dispela yia ol i holim wan wan nesenel kot seket long dispela tupela hap ples na i luk olsem i gat nid moa long go aut long ples we ol pipel i stap long em.

Ol wanpisin i les long wanbel pasin

TUPELA birua wanpisin i kisim singaut long lusim tingting long ol kros pasin bilong ol na wok strong long kamapim gutpela sindaun insait long komyuniti bilong ol.

Siaman bilong oge-naising komiti long wok bilong kamapim gutpela sindaun Reveren Moses Kar i tok ol yang-

pela manmeri long wanpisin bilong em i kamap wantaim dispela tingting bilong tok sori, na ol i les long kamapim narapela pait gen namel long ol, bilong wanem, em i samting bilong bipo

Koiblika wanpisin insait long Mul Distrik long Westen Hailens Provins i bin les long

kisim K62 000, 29 pik na tupela kau olsem tok sori long Munjika wanpisin long Sarare.

Dispela mani na pik em long bekim wanem samting ol bik man long Koiblika i wokim long ol bilong soim tok sori.

Reveren Kar i singaut long ol lida bilong tupela wanpisin long putim olgeta be! hevi

bilong ol long baksait na kamap wantaim wanbel tingting long stretim gutpela sindaun bilong ol insait long komyuniti.

Dispela kompens-esen pei bin kamap long makim pinis bilong pait namel long dispela tupela long graun long Ninkintawe i stap moa long 25 yia i go pinis.



EM STAIL TRU YA... em ol dres ol i wokim long stail bilong ol yet ya. Em i nupela kain stail we ol lokal mama grup bilong Gepaine Haus lain long Kama viles arere long Goroka taun, Isten Hailens, i lainim long mekim. Ol bilum klos ya i luk nais tru. na planti ol spots manmeri na ol arapela lain husat i bin kamap long Papindo Nesenol Gem long NSI, Goroka i amamas tru long lukim olsem ol mama ken mekim kamap ol gutpela samting bihainim ol bilum na ol arapela henkraf wok. Dispela tingting, skul na trening long wokim ol kain bilum klos em lokal kaun-sela na meri grup lida Florence Yaukae i kamapim na ol gras rut mama bilong haus lain stret i kisim gutpela save long mekim ol kain stail bilas.

Waghi soim agrikalsa na kalsa

NAMBA wan agrikalsa so bilong Waghi Veli i bin kamap pinis long Minj.

Waghi Veli Agrikalsa na Kalsa So i bin kamap gut tru long olpela Minj ples balus long Sarere Novemba 3 na i pinis long namba 5.


Dispela tripela de so i bin kamap aninit long stia bilong Anglimp, Saut Join Distrik Plening na Praioritis Komiti wantaim sapot bilong Hailans Fama na Setla Asosiesen o HFASA.

Stia man na Saut Wahgi memba, Jamie Maxton Graham i tok as tingting bilong dispela so em i bilong strongim wok bilong Agrikalsa na

long givim sampela save long o aweanes long wok bilong agrikalsa, na tu ol arapela wok olsem turisim, edukesen na skil developmen.

Mista Maxtone-Graham i tok dispela so i mas kisim bikpela promosen bilong wanem Saut Wahi i gat web-sait bilong em o ples bilong em yet long Intanet we olgeta hap long wol i ken lukim na save.

HFASA i bin putim dispela tingting we em i bungim ol fama pasta, na ol liklik bisnis man long ples. Ol i bin statim dispela grup long 1953, long promotim, lukautim na developim ol bisnis bilong ol ruel manmeri.



Bank of Papua New Guinea


BOOK SALE

The public is advised that the book titled **MONEY & BANKING IN PAPUA NEW GUINEA** published by Bank of Papua New Guinea is on sale for K15.00.

The scope of the book is broader than it's title would suggest.

Sale is between Monday - Friday from 9.00 am to 2.00pm either by order, cash or bank cheque. **Strictly No Personal Cheques.**

Topics Cover
 • Banks and banking, monetary policy and economic conditions in PNG



This book is a recommended text book for top-up schools, high schools and universities

Contact
 Head Office: 1st Floor, Finance Department, 3rd Floor, Tolman Plaza, Casuarina Drive, P.O. Box 121, Port Moresby, Papua New Guinea. Telephone: (675) 322 7328/322 7332/322 7336 Facsimile: (675) 320 0757/321 1617
 Email: www@bankpng.gov.pg Website: www.bankpng.gov.pg

OFFICIAL ORDER FORM

TO: Public Information Unit
 Bank of Papua New Guinea
 P. O. Box 121 Port Moresby, Papua New Guinea
 Telephone: (675) 322 7328/322 7332/322 7336
 Facsimile: (675) 320 0757/321 1617

Name _____ Mr. Mrs. Ms. Dr.

Address _____

Telephone _____ Facsimile _____
 _____ Email _____

Please accept my payment for Money and Banking Text Book as follows:

Quantity	Price	Postage Charge	Total Price
1	K15.00	K20.00	K35.00
2	K30.00	K40.00	K70.00
3	K45.00	K60.00	K105.00

I enclosed a cheque for K_____ payable to Bank of Papua New Guinea for _____ copies of the book.

Signature: _____ Date: _____



TOYOTA HIACE

3.0 Litre Diesel, 15 Seater Bus

FROM K593*

Per Week

OFFER INCLUDES

- GST Inclusive
- 18 Months Comprehensive Insurance
- 18 Months Servicing

**Weekly Payments (Payable Monthly over 18 months). To Approved Purchasers & Subject to Bank/Finance Approval.*

Offer Extended to 31 / 12 / 2005 or While stock Last!

Ela Motors

www.elamotors.com.pg

Payable Monthly Over **18 Months**

*Conditions Apply

AVAILABLE FOR IMMEDIATE DELIVERY NATIONWIDE

PORT MORESBY PH 3229100 • LAE 4781800 • KOKOPO 9829100 • MADANG 8522188 • GOROKA 7321844 • MT. HAGEN 5421888 • WEWAK 8562255 • KAVIENG 9842788 • KIRIBE 9836155 • TABUBIL 5489060 • WANIMO 8571254 • PORCERA 5479367 • BUKA 9739915 • LIHIR 9864099 • ALOTAU 6410100

Namba wan greduesen bilong ol Ensisi mama

Stephanie Gimo i raitim

OL Sios insait long kantri i wok long helpim planti mama long kisim save na kamapim gut laip na sindaun bilong ol.

Bikpela helpim i kamap long kisim skul long ol laipskil kos we ol mama i lainim long somap, kuk, wokim henkraf na tu lainim long rit na rait na wok long lukautim gut famili long sait bilong gutpela kaikai

na rot bilong lukautim bodi.

Wanpela grup we i kisim gutpela skul long ol dispela eria na bai greduet tumora (Fraide) em ol Ensisi Katolik mama long Waigani Peris.

Dispela grup, we ol i bin statim long mun Febueri bilong dispela yia i lukim ol mama insait long NCC veli i lainim long somapim ol siot, sket, meri blaus na ol arapela ol samting.

Presiden bilong Ensisi

Katolik Samap Grup, Grace Tom i tok olsem ol i bin amamas tru long kisim helpim long Britis Hai Komisin, husat i bin givim ol laplap na masin bilong somap long manimak klostu long K16, 000.

Helpim ol i kisim bihain long tupela kodineta bilong ol, Tony Miva na Elizabeth Bunbun i bin go pas long toktok wantaim Britis Hai Komisin long givim helpim i go long ol mama insait long Ensisi.

Taim em i tok amamas long helpim bilong Britis Hai Komisin, Misis Tom i tok dispela somap grup i no bilong ol Katolik mama tasol, em i op tu long ol mama bilong ol arapela sios.

"Dispela grup we i save bung olgeta Trinde i lukim tu ol mama husat i no save kam stap wantaim mipela long ol arapela sios wok. Tasol nau i lukim ol i kam bung wantaim mipela," Benedette Ivoa, Seketeri bilong grup i tok.



Nek i stap yet... HENI SISIA bilong Hanuabada viles insait long Mosbi siti em man bilong singsing na gutpela nek bilong em i bin pulim ol manmeri i kam lukluk taim em i sindaun na paitim kulele wantaim poro bilong em Labby Roba long Tabari Ples long Pot Mosbi. Tupela man ya i save mekim ol kain samting olsem kulele, tebol na ol narapela liklik samting bilong bilas na salim long hap. Mista Sisia em i wanpela long ol bipo ben memba bilong "Waves of Gabi" na i no westim taim long traim han bilong em long string bilong nupela kulele.

PUBLIC ADVERTISEMENT



**The Measurement Standards Laboratory
National Institute of Standards and
Industrial Technology**



NISIT is pleased to announce that as of 14 October 2005, its Calibration Laboratory (Measurement Standards Laboratory) has been accredited by the National Association of Testing Authorities, Australia.

By being accredited, the Measurement Standards Laboratory of NISIT has demonstrated and fulfilled the International requirements of ISO/IEC 17025 for its technical competence of operating a Calibration laboratory in Papua New Guinea.

Being given NATA accreditation status through the NATA Accreditation #: 15225, this Facility is accredited in the field of; *Physical and Dimensional Metrology as per its service provision to all interested clients in Papua New Guinea.* At present, MSL is pursuing an extension to its current scope of accreditation to cover all its calibration services. Calibration Certificates issued by MSL are recognized both regionally and internationally. MSL customers are assured that services provided are traceable to International Organization for Legal Metrology (OIML) Recommendations.

Hence, MSL - NISIT wishes to inform the public, industries and firms that the facility also provides the following services:

- Calibration and Certification of Laboratory and Industrial Masses (Accredited for),**
- Calibration and Certification of Laboratory and industrial Weighing Devices (Accredited for)**
- Calibration and Certification of Torque Wrenches and Tools (0 - 1500 Nm)**
- Calibration and Certification of Pressure Gauges and Systems (0 - 700 bar/10000 psi)**
- Calibration of Temperature sensors (-30 to 250 °C)**
- Calibration of Provers up to 2070 L**

In seeking the above calibration services from the MSL-NISIT, please contact:

Mr. Victor Gabi / Ms. Debbie Taitarae
NATA Approved Signatories
Ph : (675) 323 1852
Fax: (675) 325 8793
Email: vgabi@nisit.gov.pg/dtaitarae@nisit.gov.pg



Authorized by
Mr. Ronald Paita
 Director General

**Siti Misin
glasim
wok bilong
ol long PNG**

Paulus Tali i raitim

SITI Misin long PNG i bin holim wanpela wik kibung long glasim ol wok kamap insait long 12-pela krismas em i wok long PNG na ol arapela wok ol i save mekim.

Ol man i makim Siti Misin long Amerika, Australia, Solomon Ailan na Fiji i bin sindaun long dispela bung.

Siti Misin i bin kirapim wok long Mosbi siti long Koki long Novemba 1993. Na long Janueri 2002, bipo Praim Minista Sir Mekere Morauta i bin opim nupela na bikpela opis bilong ol. Long dispela yia tasol, ol i opim nupela opis long Lae, Morobe provins.

Wanpela bikpela wok Siti Misin i wokim em long lukautim ol yangpela pipel, sampela i kisim trabel long senisim laip bilong ol na kamap ol gutpela manmeri bilong komyuniti na kantri. Misin i skulim tu ol lain bilong mekim ol wok we bai ol i kisim save na yusim long kamapim mani long helpim sindaun na laip bilong ol.

Olsem hap bilong senis na givim save long ol yut, Siti Misin i gat wanpela fam projek we ol i save groim kumu na ol arapela kaikai na salim long pablik. Dispela i helpim ol tu long stap bisi na ol i noken painim trabel nabaut.

Long Lae, Misin i mekim bikpela wok long skulim na helpim ol lain long komyuniti, go autim tok bilong God we bai givim gutpela sindaun long ol manmeri. Misin i gat Ruth Haus projek long Mosbi bilong helpim ol meri na pikinini husat i kisim hevi long famili na seksuel vailens.

Narapla misin tu em Living Lait, we ol i save karim aut wok bilong em long helpim ol lain i save sot long samting.

Komyuniti Develop-men Minista Dame Carol Kidu long toktok bilong em i bin autim tok amamas long wok bilong Misin na ol gutpela wok na sevis em i mekim long ol yut na komyuniti i stap long hevi insait long siti na kantri.

Wanpela bikman bilong Siti Misin long Australia em Don Robinson i tok Australia i save givim bikpela mani helpim long Misin long PNG tasol em i amamas long lukim kaikai bilong wok i kamap.

TOK LUKAUT



wantaim

DAVID EPHRAIM

Yumi mas senisim pasin

INSAIT long wol tude, i gat planti stadi i go insait long pasin bilong man long lukim wanem as tru na man i save wokim ol kain kain pasin nogut olsem stil, pamuk na ol narapela moa.

Long kirap bilong HIV/AIDS na bikpela teroris pasin, planti manmeri i wok long wokim planti stadi long tingting bilong man. Long kantri yet ol save man i tok olsem pasin bilong ol manmeri i hat tru long senisim taim bikpela hevi olsem HIV/AIDS i wok long go bikpela.

Kain samting olsem pasin tumbuna wantaim pasin kristen na ol narapela kain rupela pasin we i kamap taim yumi stap insait long wol we nau i gat kain kain ol stall teknoloji olsem TV na radio.

Taim i kam long mekim aweanes tasol planti taim ol manmeri i no kisim stret ol toktok. Planti i tok bikos planti manmeri i no save long rit na rait.

Tasol tru tru em olsem yumi Papua Niugini i gat pasin bilong noken bisi, dispela i mekim na planti ol samting olsem HIV/AIDS i go bikpela moa yet.

Nau yumi lukim planti manmeri i sutim toktok long Gavman long i no wokim sampela kain rot bilong helpim pipel. Tasol tru tru hevi i stap wantaim pipel long ol yet i no traim helpim ol yet. Yumi gat dispela kain pasin bilong laikim mani pastaim yumi wokim wok o yumi mekim disisen.

Na wanem rot tru bai yumi bihainim long senisim dispela hevi? Nambawan rot em yumi husat i gat gutpela pasin mas soim rot long helpim ol narapela husat i stap yet long dispela kain hevi.

Ripot bai helpim long AIDS plen

Stephanie Gimo i raitim

....UNICEF bai helpim PNG

PNG i lonsim wanpela ripot bilong helpim wok plening bilong HIV/AIDS insait long kantri.

Minista bilong Lens na Fisikel Plening na Minista husat i helpim Praim Minista long HIV/AIDS, Dokta Puka Temu taim em i lonsim Nesenel AIDS Kaunsel Provinsel Sosel Mapping ripot i tok dispela projek i wanpela bikpela eksasais long kamap insait long Papua Niugini.

Na em i tok ripot bai helpim Nesenel HIV/AIDS Rispons long mekim isi long provinsel etministresen, ol NGO na ol dona kantri na ogenaísesen long plenim ol streteji bilong ol

long lukluk long HIV/AIDS long kantri.

Dispela Sosel Mapping plen i bin kamap bihain long kamapim wanpela databeis o rekot

I ken helpim NACS, NHASP, Nesenel Dipatmen bilong Heit (NDoH) na ol dona na stekholda husat i stap insait long HIV/AIDS rispons long plenim ol streteji bilong ol.

Dokta Berit Gustaffson husat i bin go pas long NACS/NHASP tim eksasais long kisim ol infomesen long ol samting i kamap insait long Afrika na Esia i soim olsem pasin bilong ol manmeri na ol arapela samting i mekim na

namba bilong HIV/AIDS i wok long go antap."

"Planti ol stadi bilong bipo i lukluk tasol long seksuel pasin bilong ol manmeri na i no tumas long pasin bilong nogat wok, nogat mani (poveti), vaiolens na ol arapela samting we i soim pasin bilong ol pipel na i bagarapim lukluk bilong ol pipel long HIV/AIDS," Dokta Gustaffson i tok.

Dispela ripot ol i lonsim em ol ripot we i kam long wanwan provins insait long kantri na ol Provinsel Etministreta bilong wanwan kantri i stap long dispela lonsing i kisim ripot i go long provins bilong ol.

Long wankain taim tu,

Asisten Etministreta na Rijinel Biuro Dairekta, Dokta Hafiz Pasha wantaim ol bik manmeri bilong UNICEF long Pasifik rijen i bin kam sindaun long wanpela bung long Pot Mosbi na toktok wantaim Gavana Jenerel, Presiden bilong Otonomes Gavman bilong Bogenvil, Joseph Kabui, Minista bilong Inta Gavman-Rilesen Sir Peter Barter, Minista bilong Sosel Welfea Dame Carol Kidu na Minista bilong Fainens na Treseri Bart Philemon.

Wanpela bikpela samting we ol bin toktok long en em long wei HIV/AIDS i wok long go

bikpela insait long kantri na ol i lukluk long ol wei bilong helpim PNG i stretim dispela

hevi. Dokta Pasha i tok olsem olgeta dipatmen insait long Yunaitet Nesen (UN) bai bung wantaim long helpim PNG long traim daunim dispela hevi.

Dokta Jacqui Badcock husat em UN Residen Kodineta na Residen Reprisentativ bilong UNDP insait long PNG, i tok, "Yunaitet Nesen bai wok klostu wantaim gavman bilong PNG long kamap wantaim ol rot long daunim HIV/AIDS insait long kantri."

Em i tok tu olsem toktok bilong HIV/AIDS aweanes i mas go aut long komyniti level.



Saint Joseph's International Catholic School ENROLLING Grade Nine Students for 2006. A dream come true. PNG School Certificate & New South Wales School Certificate.

IT IS HERE !! GRADE NINE



Few vacancies for children in Pre School, Grades Seven & Eight.

Enrolment for other Grades has closed.

Quality Education for life in a Christian Disciplined Environment.



Email: joseph.ed@triton.com.pg
Phone: 325 3733
Fax: 325 3237
PO Box 5784
Boroko, NCD.

STORI TASOL

wantaim



FR. PAUL LIWUN, SVD

Kendel bilong Krismas long windua

OL manmeri bilong kantri bilong Ireland i save lukautim gut wanpela pasin bilong ol long taim bilong Krismas. Ol i save laitim kendel bilong Krismas na putim long windo bilong haus bilong ol.

Stori bilong dispela pasin i bin kamap long taim ol England i bin bosim kantri Ireland. Ol Katolik bilong Ireland i bin karim planti hevi na pen long han bilong ol England. Katolik bilip bilong ol tu i bin karim pen na hevi. Long dispela taim ol Ireland i nogat haus lotu bilong wokim misa na lotu bikos ol England i bin tambuim ol.

Ol pris na wokman bilong Katolik sios i save stap hait long bus na keiv nabaut. Long hait tasol ol pris i bin go na lukim ol manmeri long gaden na long wan wan haus bilong ol na wokim misa wantaim ol. Dispela misa i save kamap long nait tasol.

I gat wanpela bikpela laik tru i winim ol narapela laik bilong wan wan famili bilong Ireland na dispela em long wanpela taim long laip bilong ol, wanpela Pater i kam na wokim Misa bilong Krismas Nait long haus bilong ol. Long kisim dispela kain blesing, ol i mas hop na prea inap long tulait.

Long taim bilong Krismas nait i kamap, ol i no save lokim dua bilong haus bilong ol. Ol i save laitim na putim kendel long windo bilong haus, olsem na taim wanpela Pater i wokabaut long dispela hap, laim bilong kendel bai lidim em i kam long haus. Isi tasol Pater bai opim dua ol i no bin tokim long en na go insait long haus. Ol famili memba bai welkamim pater wantaim wanpela trupela tenkyu prea. Sampela bai krai long soim amamas bilong ol bikos haus bilong ol nau i kamap olsem: Haus Lotu bilong Misa bilong Krismas Nait.

Long strongim trupela pasin bilong ol, long pes bilong ol ami bilong England, ol manmeri bilong Ireland bin tokim ol soldia olsem: "Mipela i save laitim kendel long windo na i no lokim dua bilong haus o larim dua i op, olsem na taim Maria na Joseph, husat i hatwok long painim ples bilong slip, ol i bai painim wanpela rot i go long haus bilong mipela. Mipela bai welkamim ol wantaim dua na bel i stap op".

Ol bik man bilong England i lukim olsem dispela pasin bilong manmeri bilong Ireland i no bringim hevi long kantri, olsem na ol i larim dispela pasin i kamap laip. Kendel i stap long windo long taim bilong Krismas em i samting bilong tingim bek gutpela pasin bilong manmeri bilong Ireland, maski planti bilong ol i bin lusim tingting na i no praktis moa dispela gutpela pasin.

Sampela manmeri bilong Ireland i bin lusim Ireland na go long Amerika long 19 senseri, i bin bringim dispela gutpela pasin wantaim ol. Olsem na inap tude i gat kain kain laim bilong Krismas i save pulapim haus slip na pablik ples long taim bilong Krismas.

Laitim wanpela Krismas kendel na putim long windo bilong haus bilong yu, long soim ol narapela manmeri olsem haus bilong yu em i wanpela ples bilong welkamim manmeri wantaim dua na bel i stap op.

Ol sios i mas toktok long HIV/AIDS

Stephanie Gimo i raitim

MINISTA bilong Lens na Fisikel Plening na Minista husat i helpim Praim Minista long HIV/AIDS, Dokta Puka Temu, i singaut long ol sios tu i mas givim helpim bilong ol long daunim hevi bilong HIV/AIDS insait long kantri.

Dispela singaut bilong Dokta Temu i kam bihain long sampela painimaut we Nesanel AIDS Kaunsel

Sekeiteriet (NACS) na Nesanel HIV/AIDS Sapot Projek (NHASP) i bin tokaut long ripot bilong ol Sosel Maping Ripot olsem wanpela painimaut bilong ol i soim olsem HIV/AIDS i wok long go bikpela long taim ol pipel i bung long ol naitklab, vidio haus, hap bilong betim mani na pilai, spot graun na ol nait maket long ol ples em ol "high-risk" o ol hap we HIV/AIDS i ken kalap hariap tru i

go long narapela.

Em i tok olsem ol sios i mas mekim wok bilong em long toktok strong long mekim ol manmeri i klia long HIV/AIDS, bilong wanem em i kamap olsem bikpela samting pinis insait long kantri na olgeta sios, ogenaísesen, gavman na ol pipel i mas wok bung wantaim long lukluk long dispela samting.

Dokta Temu i tok olsem

yumi i mas kisim ol lain insait long ol wimen o meri na yut grup na ol sios long givim skul long ol long HIV/AIDS na bihain ol i ken go bek na toktok ol ol manmeri insait long wanwan hap bilong ol.

"Ol sios i stap long olgeta hap bilong kantri, ol i stap long ol ples na em long dispela na ol i mas lain long toktok long ol pipel bilong ol nau yet," em i tok.



GREDUESAN LOTU: Bilip manmeri i kisim komyunio long pater long greduesen misa.

Ol seminari greduet kisim salens

OL greduet bilong St. Fidelis Kotes Seminari long Madang i bin kisim salens olsem ol i gat bikpela wok long mekim long sik HIV/AIDS, famili vailens na ol arapela sosel hevi insait long komyuniti.

Planti manmeri, papamama na ol narapela bikman bilong Katolik misin long Madang i bin lukim greduesen bilong 52 sumatin i greduet we 8-pela i pinisim Gret 12 na ol narapela i

kisim ol diploma pepa pepa bilong ol.

Bisop Austin Crapp bilong Aitape Daosis i tokim ol sumatin olsem bihain taim, ol i holim wok pater, bai ol i kamap wantaim planti hevi nau ol i lukim. Bihain dispela ol hevi bai kamap bikpela na ol i mas redi long stretim sampela bilong ol dispela hevi.

Kain ol hevi olsem HIV/AIDS, seksual asalt, ronowe igo long taun na siti, spak brus na ol narapela wankain hevi.

"10-pela yias bihain yupela bai holim wok pater. Na nau yet yu luksave pinis long ol dispela hevi nau i kam. Yu mas bilip strong long wok bilong yu na mas pait strong long daunim dispela. Kainkain hevi bilong graun bai bungim yu na dispela em i wanpela bikpela wok bai yu wok long en. Yu mas redi long fesim dispela bikpela salens," Bisop i tok.

Em i tok planti pater tu ino mekim wok bilong ol gut bihain long kain hevi olsem dring tumas na pasin bilong seksuel asal i bungim ol olsem na ol i mas wokabaut insait long laim long abrusim dispela ol birua nogut.

Sumatin i makim maus bilong ol greduet Leo Joseph i tok olsem ol lain bilong ol (famili) i mas noken ting olsem ol i holim wok seminari pinis.

"Rot bilong holim ol dispela wok em longwe na hat tumas. I gat planti hatwok long kisim ol wok olsem na bihain kisim wok pater", Leo i bin tok.

Misinari na Yut ministri sip long Madang ...Etministreta luksave long ol sios

Veronica Hatutasi i raitim

OL Sios long PNG i kisim luksave long helpim wantaim wok developmen bilong kantri na kamapim ol gutpela manmeri husat i helpim long ol wok bilong go hetim kantri long 30 yias i go pinis.

Etministreta bilong Madang Provins, Joseph Dorpar i bin tok olsem taim em i welkamim wanpela Misinari sip na ol trening grup bilong em taim ol i go kamap long Madang long dispela mun.

Misinari sip bilong Korea i save karimaut wok misin long givim trening na aweanes i go long ol pipel long develop long olgeta eria na long wokabaut na stap bihainim Bikpela. Em i save givim trening tu long ol yangpela pipel i autim Tok bilong Bikpela.

Long dispela misinari ministri, i bin gat ol yangpela bilong Indonesia, Filipins, Korea na Palau.

Dispela yut sip misinari ministri i bin kamap long Madang na bai karimaut wok wantaim ol yut na ol arapela Kristen pipel inap long Janueri 15, 2006.

Taim Etministreta Dorpar i welkamim ol yut misinari, em bin tok em i bilip olsem kamap na wok bilong ol long Madang i ken kamapim moa aweanes na helpim ol pipel long strongim Kristen bilip bilong ol. Na planti gutpela samting bai kamap long dispela wokabaut we Bikpela yet i pinim long em.

"Yupela i kam wantaim as tingting na plen long pre na apim men bilong Bikpela wantaim, toktok long ol samting i sut long Kristen bilip na serim ol dispela wantaim ol narapela. Na tu, long givim humaniterien helpim long mipela.

Mi bilip olsem taim yupela i pinisim wok na stap bilong yupela long kantri, bai yupela i kisim strong na luksave long trupela velyu na mining bilong laip na laikim narapela olsem yu laikim bai em i mekim long yu.

Mi bilip olsem kamap bilong yupela long hia bai helpim long strongim bilip bilong ol pipel bilong mipela hia long rot we Bikpela yet i bin plenim long em," Mista Dorpar i tok.

SONG BILONG MARIA

Marla i tok olsem, "Bel bilong mi em i litimapim nem bilong Bikpela. Na spirit bilong mi i amamas long God, em i helpim bilong mi na em i save mekim mi i stap gut tru. Mi wokmeri bilong en, mi samting nating, tasol em i lukim mi na em i marimari long mi. Nau na bihain tu bal olgeta lain manmeri i tok long God i bin givim bikpela amamas long mi. God i gat bikpela strong, em i bin mekim narakain samting tru bilong helpim mi, na nem bilong en i stap holi. Em i save marimari long ol manmeri i aninit long em. Em bai i mekim olsem tasol long ol manmeri i stap nau, na long ol manmeri i kamap bihain, inap oltaim oltaim. Han bilong en i bin mekim strongpela wok. Ol man i save ting ol i nambawan tru na i litimapim nem bilong ol yet, em i bin rausim ol i go nambaut. Em i daunim ol strongpela king, na em i litimapim ol man i nogat nem. Em i givim planti gutpela samting long ol man i hangre, na bel bilong ol i pulap tru. Tasol ol man i gat planti samting, em i rausim ol i go nating. Em i helpim wokman bilong en, Israel, na em i tingim yet promis em i bin mekim long Abraham na long ol tumbuna bilong yumi, long em bai i marimari oltaim long ol lain bilong ol i kamap bihain." Marla i stap wantaim Elisabet inap trupela mun samting, na bihain em i go bek long ples bilong en.

LUK 1: 46-56

Ol Katolik long Kainantu i selebret wantaim stail

James Kila i raitim
MOA long 1000 ol Kristen manmeri bilong Sen Rita Peris long Kainantu taun long Isten Hailens provins i bin bung long

las wik Sande long pinisim amamas long 2005 Yukaris yia insait long peris.
Ol Katolik manmeri husat i bin bung long dispela selebren i bin kam long Kainantu

taun yet, Yonki, Aiyura na Bundaira na bung long amamasim dispela dei.
Bikpela samting ol lain Katolik manmeri i amamasim em long luksave long, "Yia

bilong Famili" na "Krais em King" pestode we ol manmeri long Sen Rita Peris i luksave moa olsem "Krais em King" i stap olsem wasman bilong sios na Kristen wokabaut bilong ol.

Bishop bilong Goroka Daiosis, Bishop Fransesco Sarego i bin o pas long dispela misa we em i tok aut strong long gutpela skul we ol Kristen manmeri i mas wokabout long rot Jisas Krais i save bihainim taim em i stap long graun.

dispela de i kamap gut tru wantaim dispela lotu, drama na mumu kaikai bihain long lotu.

Tasol sampela gutpela samting we i lukim ol Katolik i mekim long strongim wok bilong sios long Kainantu em traim givim sampela presen i go long sios.

Dispela program i lukim ol Katolik mama i givim wanpela PA sistem em prais bilong em i moa long K1, 500 i go long sios.

Em i tok tu olsem ol kristen manmeri i mas soim rispek o luksave long ol sakramen bilong sios.

Ol lain peris Kaunsel bilong Sen Rita i bin wokim program bilong

Ol lain Katolik yut i givim wanpela nupela kibot i go long sios na

ol lain Katolik papa i wokim wanpela Groto o eria bilong beten we i gat Statyu bilong Santu Mama Maria.

Olgeta dispela ol projek em ol lain peris kaunsel yet i oge-naisim.

Long dispela taim tu peris pris bilong Sen Rita em Pater Harry Gahare i bin stap skul long ovasis.

Dispela bung na gutpela wok bung wantaim, i soim tru olsem Katolik bilip namel long ol lain Kristen long Kainantu i strong yet.



GUTPELA PILAI DRAMA: Ol sumatin bilong Sen Joseph's Intenesenel i ektim drama pilai ol i kolim long Jisas Krais Supasta. Planti papamama na memba bilong pablik i bin go lukim dispela pilai long las wiken long Sen Joseph's skul eria long Boroko.

Holim strong long bilip

Paulus Tali i raitim

OL yangpela Kristen i kisim salens long holim strong bilip bilong ol long Bikpela na bihainim ol gutpela pasin we Bikpela i laikim long en.

Long wankain taim tu, ol Luteran Kristen i kisim strongpela toktok long go aut na helpim ol arapela na long strongim pasin bilong givim, laikim na sori long ol arapela we em ino pren na Wantok. Pasta Gundu Karl Guenu, em Asisten Distrik Presiden bilong Papua Distrik Luteran sios i wokim dispela toktok long Konfemasio na Baptismo lotu long Maun Zion Luteran Sios long 9 Mail Morobe blok.

Samting olsem 34 yangpela i bin kisim Sakramen bilong Konfemasio na narapela wankain namba pikinini i bin kisim Baptismo we Pasta Yoba Moepe i bin go pas long em wantaim helpim bilong Pasto Guenu.

Pasto Guenu i bin tok tu olsem ol kristen bilong tude i noken haitem save ol i gat long em tasol yusim dispela save long go mekim wok we bai helpim ol narapela husat i sot long Tok bilong God na ol arapela samting.

"Yupela ol lain i kisim blesing, yupela mas save olsem laip bilong yupela i bikpela samting long ai bilong God Papa.

Na Tok bilong God tasol i gat pawa na glori we inap helpim arapela. Nau kingdom bilong bikpela we yupela i kisim em yupela i mas holim pas oltaim long en," Pasto Guenu i tokim ol yangpela na ol pikinini.

Ol Kristen manmeri i bin amamas long gutpela tok we Pasta bin autim.

Moa long 1,500 ol Kristen kamap long stap insait long selebren bilong dispela spesel de bilong kofemasio.

Ol yangpela i bin pinisim wanpela yia skul na save long Tok bilong Bikpela pastaim bipo ol i kisim Sakramen bilong Konfemasio.

Misinari na Yut ministri sip long Madang

Veronica Hatutasi i raitim

...Etministreta luksave long ol sios

OL Sios long PNG i kisim luksave long helpim wantaim wok developmen bilong kantri na kamapim ol gutpela manmeri husat i helpim long ol wok bilong go hetim kantri long 30 krismas i go pinis.

Etministreta bilong Madang Provins, Joseph Dorpar i tok olsem taim em i welkamim wanpela Misinari sip na ol trening grup bilong em taim ol i go kamap long Madang long dispela mun.

Misinari sip bilong Korea i save karimaut wok misin long givim trening na aweanes i go long ol pipel long develop long olgeta eria na long wokabaut na stap bihainim Bikpela. Em i save givim trening tu long ol yangpela pipel i autim Tok bilong Bikpela.

Long dispela misinari ministri, i bin gat ol yangpela bilong Indonesia, Filipins, Korea na Palau.

Dispela yut sip misinari ministri i bin kam kamap long Madang na bai karimaut wok wantaim ol yut na ol arapela Kristen pipel inap long Janueri 15, 2006.

Taim Etministreta Dorpar i tok welkam long ol yut misinari, em i tok em i bilip olsem kamap na wok bilong ol long Madang i ken kamapim moa aweanes na helpim ol pipel long strongim Kristen bilip bilong ol. Na planti gutpela samting bai kamap long dispela wokabaut we Bikpela yet i makim.

"Yupela i kam wantaim as tingting na plen long pre na apim men bilong Bikpela wantaim, toktok long ol samting i sut long Kristen bilip na serim ol dispela wantaim ol narapela. Na tu, long givim helpim long mipela. Mi bilip olsem taim yupela i

pinisim wok na stap bilong yupela long kantri, bai yupela i kisim strong na luksave long


trupela mining bilong laip na laikim narapela olsem yu laikim bai em i mekim long yu.

Mi bilip olsem kamap bilong yupela long hia bai helpim long strongim bilip bilong ol pipel bilong mipela hia long rot we Bikpela yet i bin ptenim long em," Mista Dorpar i tok.

Em i tok tu olsem ol sios i mekim bikpela wok long daunim planti ol hevi PNG i bungim long taim em i develop.

"Ol sios i wokim bikpela kontribusen long resim aweanes long gutpela pasin na long kamapim ol gutpela manmeri husat i mekim bikpela wok long kamapim kantri, na ol bai go het yet long wokim dispela," Mista Dorpar i tok.

Em i bilip olsem kamap bilong sip na wok bilong ol yut long misinari ministri long sotpela taim long Madang bai i gutpela blesing na tu, helpim long kamapim ol gutpela senis long ol pipel.



PINIS: Sister Lourdes Hummes bilong kantri Brasil, Saut Amerika i bin wok 15 yias long PNG long Katolik Famili Laip Sevis bai lusim kantri na go bek. *Lukim stori bilong em neks wik.*

Ol bel mama mas gat haus bilong wet

Stephanie Waide
i raitim

WANPELA bikpela kibung bilong ol meri ol i kolim long CEDAW konferens o kibung bilong Konvensen bilong rausim pasin bilong rabisim ol meri i bin kamap long Mosbi long glasim sindaun bilong ol meri insait long PNG.

PNG i bin kamap memba bilong CEDAW agrimen aninit long Yunaitet Nesen (UN) long 1995.

Dispela yia PNG i lukautim dispela bikpela bung we planti bik manmeri i bin givim toktok.

Insait long dispela konferens, bikman bilong Skul bilong Marasin, Helt na Klinikel Saiens long Taurama Yunivesiti, Dokta Mathias Sapuri i askim strong gavman long givim bikpela luksave long helt bilong ol mama na pikinini insait long kantri.

"Olgeta yia, 2,100 meri i save dai long ol hevi i save kamap taim ol i laik karim pikinini. Na tu, rekot bilong ol namba i soim olsem, long olgeta 1000 meri i gat bel insait long PNG, 370 i save dai taim ol i painim hevi long karim pikinini," Dokta Sapuri i tok.

Em i tok gavman i mas stop nau long lus tingting long helt bilong ol

meri na pikinini.

Em i tok, em i sori long tok olsem, sapos i gat gutpela helpim long sait bilong helt, planti bilong ol dispela mama i no inap long dai.

Long wankain taim tu, Dokta Polume, wanpela meri Dokta bilong PNG tok gavman i mas traim na wokim ol haus long ol haus sik we ol meri we i gat bel bai i stap long en na weitim taim bilong ol long karim bebi.

Long PNG yet sampela haus sik i gat tasol gavman i mas i mekim olsem lo long gat dispela haus long olgeta hap haus sik bilong PNG.

Dokta Polume i tok planti meri long ples i save stap long ples na karim bebi long ples we i no gat gutpela haus sik na wokman long helpim ol.

Planti pikinini na mama i save dai bilong wanem, i save hat long go long haus sik taim ol i pilim olsem ol bai karim.

Sampela taim i save nogat ka o planti taim i no gat gutpela rot na haus sik i stap long we tumas.

Em i tok sapos gavman i gat luksave long dispela hevi na i wokim ol haus bilong ol mama long kam na stap, taim ol i save olsem taim bilong ol long karim i kam klostu, bai i no gat planti dai bai i kamap.

Dokta Polume i toktok strong tu long, jenda inekwaliti o pasin bilong nogat luksave long ol meri olsem wankain long ol man.

Em i tok planti taim i no gat luksave long meri long edukesen na helt. Gavman i toktok long luksave long ol meri long PNG, tasol kain ol liklik samting olsem haus bilong weit i luk olsem i no bikpela samting tumas long gavman.

Long wanpela, presentesen bilong Dokta Sapuri, we i mekim skin bilong olgeta manmeri i kirap, i soim wanpela meri long wanpela rurel ples long Milen Be we i gat bebi i dai pinis long bel na bel bilong em i solap.

Sapotim wokabaut long nait

Veronica Hatutasi
i raitim

OL meri na ol man wantaim i mas gat fridom long i no pret long wokabaut long nait na long ol arapela taim tu. Na moa meri i mas stap insait long wokabaut long kisim bek nait olsem ol meri i ken wokabaut wantaim bel isi long dispela taim.

Komyuniti Developmen Minista Dame Carol Kidu i bin wokim dispela toktok long Sarere nait taim em bin wokabaut wantaim ol kendel wantaim liklik grup bilong ol meri na pikinini insait long Sir John Guise Stadium long "Kisim bek Nait" program we Nesenel Kaunsel ov Women na Komyuniti Developmen Dipatmen, Jenda seksen i bin go pas long em.

Dame Carol wantaim 10-pela mama na 20 pikinini man na meri na ol yangpela i bin wokabaut wantaim raunim Stadium wantaim ol kendel na singsing long strongim poin olsem ples i mas fri na ol meri na man wantaim i ken pilim fri long nait na wokabaut wantaim nogat pret pasin.

"Tru long tunait, liklik lain tasol i kamap long dispela wokabaut tasol mi hop olsem long neks yia bai moa meri i kam insait," Dame Carol i tok. Stat long las wik, ol meri ogenaiesen insait long Mosbi na kantri i karimaut ol wan wan samting bilong tokaut long rausim pasin bilong paitim na bagarapim ol meri na strongim luksave, raits bilong ol meri olsem ol i stap long wankain level olsem ol man. Long las Fraide, Famili na Seksuel Vailens Komiti i bin go pas long wokabaut raunim Boroko wantaim bikpela tingting long strongim poin bilong daunim pasin bilong paitim na bagarapim ol meri na pikinini.

Ol dispela samting i hap long 16-pela de we bai ol meri grup na ol arapela ogenaiesen i sapotim rait na developmen bilong ol meri, pikinini na famili na daunim pasin bilong paitim na bagarapim ol i karimaut olsem aweanes wok long kisim luksave long ol dispela pasin i mas pinis.



PIKININI SAPOT: Ol pikinini i bin wokabaut wantaim ol mama long soim sapot bilong ol.

LAIKIM TRU FRIDOM

LONG NAIT:

Dame Carol Kidu na ol mama na pikinini i wokabaut raunim Stadium wantaim ol kendel long autim long ples klia i mas gat fridom long wokabaut long nait.

Sotpela Tok Lukaut Skruim Tok long HIV/AIDS

LONG planti ol sik, ol helt woka bai givim yu marasin long yu bai kamap orait na tu, bai helpim long stopim sik i go bikpela.

Olsem na sapos yu kisim kus, go lukim ol helt woka. Noken larim sik i go bikpela na kamapim ol arapela sik olsem niunomia na TB. Sapos yu katim yu yet o samting i katim yu, karamapim na putim marasin long em. Noken larim sua i go bikpela. Bikpela samting em long yu kisim marasin long dokta, nes na helt woka stret. moa gut long ol komyuniti i lukim olsem i mas gat wanpela etpos o helt senta klostu long ples we ol i ken kisim tritmen. Sapos wanpela man o meri we yu laikim tumas i gat AIDS na em i no strongpela, noken penik o wari bikpela tumas. Strongim em long lukim dokta bikos marasin i ken mekim ol i kamap gut gem na ol i pilim strong.

Moa long neks wik.



Kuk Kona wantaim MERI WANTOK

Kokonas Rais

Yu mas I Gat:

- 2-pela kap rais
- 1-pela tispun sol
- 3 na 1/2 kap kokonas milk

We long Kukim:

- 1- Boilim kokonas i gat sol long em.
- 2- Yusim spun ol i wokim long diwai (wooden spoon) na tanitanim milk. Milk i noken mas abrusim taim long boil.
- 3- Wasim rais na putim long milk i boil i stap. Karamapim sospen.
- 4- Taim milk i boil gem, daunim stov na larim i kuk isi isi.
- 5- Narapela rot em long putim rais na kokonas milk long aven na larim i kuk aninit long mak bilong hot long stov long 200 F.

Dame Carol i toktok strong long reip

Natasha Bodger
i raitim

SINGAUT i go long olgeta man na ol Palamen memba long sanap na sapotim rait bilong ol meri long stap gut wantaim ol man long ples graun.

Minista bilong Komyuniti Developmen Dame Carol Kidu i wokim dispela toktok bihain sampela man nogut i go insait long skul banis bilong Onerungku Hai Skul insait long Kainantu

Distrik Isten Hailens Provins na reipim 12-pela Gret 8 meri sumatin.

Dame Carol i tok ol dispela man i no luksave long ol meri insait long ol wan wan komyuniti bilong ol.

Minista i tok dispela i no namba wan taim long kain pasin bilong reip long kamap long meri na tu dispela pasin i wok long kamap bikpela insait long kantri.

"Mi lukim olsem dispela ol man nogut i wok long bikhet tru long

wanem lo bilong kantri i wok long givim sans long ol na tu i no soim trupela pasin long mekim save.

Ol narapela memba insait long palamen i soim bel kros bilong ol long dispela pasin na tok ol bai sapotim wanem kain mekim save we bai i kamap long dispela ol man nogut.

Dame Carol i laikim olgeta man long wok bung wantaim na toktok strong long rausim dispela pasin ya.

Ogenaiesen long helpim meri kirap

Stephanie Gimo
i raitim

WANPELA nupela ogenaiesen i save helpim ol meri i kirapim opis bilong em long Mosbi long las wik tasol.

Em long Soroptimist Intanesnel (SI).

"Nupela bilong Tumora," em nem bilong nupela opis bilong SI we bai mekim wok long helpim long ol mama long haus sik husat i go karim pikinini.

"Wok bilong mipela i no wankain olsem ol arapela ogenaiesen insait long kantri na long wol, bilong wanem wok

mipela i wokim i save kisim luksave bilong em i kam long Yunaitet Nesenens," dispela toktok i kam long Presiden bilong Soroptimist Intenesenel (SI) Saut Wes Pasifik Federeen Presiden, Eileen Mitchell.

Mis Mitchell i bin kam long kantri long opim nupela opis bilong ol long Pot Mosbi long Sarere.

"Bai mipela i givim helpim long ol samting olsem nepi na kaikai i go long ol mama na ol pikinini i sot long ol samting long ol long taim ol i stap long haus sik," Annie McPherson, Presiden bilong SI Pot Mosbi i

tok.

Em i tok olsem bai ol i wok klostu wantaim haus sik long lukim wanem mama laikim tru helpim.

Dispela em namba tu opis bilong SI insait long Papua Niugini. Narapela na fes opis i stap long 20 krismas long Lae.

Lae opis em wanpela sapot senta bilong ol meri husat i save kisim hevi long domestik vailens na ripot bilong kantri long dispela samting em ol i save givim i go ol bik manmeri long Yunaitet Nesen.



Salim ol pas i kam long
WANTOK NIUSPEPA:
P.O. Box 1982, Boroko
N.C.D 111
Fax: 325 2579
Email:
word@global.net.pg

Wanem taim bai ol stilman i go kalabus

Dia Edita

Mi LAIK rait i go long *Wantok Niuspepa* na komplem i go long Opis bilong Praim Minista Sir Michael Somare long tokim ol pipel bilong Is Sepik wanem taim bai ol sinia pablik seven bilong dipatmen husat i stap long korapsen pasin we planti milien kina i lus i go kalabus o sanap long ai bilong kot.

Planti bilong ol i stap raun long Wewak taun na ol i wok long draivim nupela ol ka na raun long taun we dispela mani ol i stilim long em ol i baim dispela ol ka we i dia tumas.

Mi yet siaman bilong Sepik Solidarity Grup na mi laik askim Praim Minista long wanem taim em i ken bungim mi na ol grup memba bilong mi long tok-

tok long korapsen na long kirapim nupela opis bilong dispela was dok na stretim sindaun long Sepik.

Wanem wok mi kirapim mi laik pinisim na mi askim Sir Michael long wanpela miting.

JOHN KRISOAKI
WEWAK

Planti stil pasin i stap long Nipa Kutubu Opis

Dia Edita

Mi WANPELA mangi long bus Askam ples. Planti man i stap long opis olsem palamen, distrik opis, LLG olgeta i stap long dispela opis i stilman.

Olgeta mani bilong ol liklik lain long ples ol i save bihainim i kam na paofim mipela gut tru. Ol i save tingim bel bilong ol na pulumapim bel bilong ol long Mendi 4 Kona taun. Mi save wari tru long dispela pasin ol i save mekim.

Ol i no save givim stret sevis na mani bilong ol stret. Yupela biksot na smol biksot yupela i mas poret long ol pipel na God tu wantaim.

Wanem man yu lukim ol pablik seven yupela i mas lukim ol olsem stil man stret noken tok ol stretpela man. Dispela mi no tok long ol gutpela boi bilong mipela i stap long Mosbi, nogat. Mi tok long Mendi, Nipa, Plato, Poroma na Kutubu tasol.

Sapos yu wanpela long ol dispela stilman i lukim dispela tok, orait yu mas sem na tanim bel na mekim stret wok bai ol manmeri i amamas long yu.

Yupela kisim mani aninit long nem bilong Gavana na Open Memba na hambak tasol taim mipela i rausim pawa taim bai yupela painim taim tu ya.

Nogat sem bilong yupela long dispela stil pasin.

Lusim dispela pasin na wokim samting stret. Sapos yu wanpela mangi ritim dispela pas na i laik sapatim mi, mi wanbel tru long harim pikinini bilong Nipa, Kutubu tasol.

MANGI ASKAM

MENDI

SAUTEN HAILANS PROVINS

IS SEPIK PROVINS

Bekim bilong askim long kompensesen

Dia Woka bilong Wasu LLG

SAPOS yu raitim wanpela pas na salim i go long niuspepa long ai bilong pablik i gutpela sapos tok-tok bilong yu i stret. Ol toktok bilong yu i bin kranki tru.

Pikinini i bin dai long dispela birua i bin wanpela pikinini man, nem bilong en Clement. Sapos yu no save long dispela yet, long wanem yu raitim wanpela pas long kompensesen?

MP bilong Kabwum, Hon. Bob Dadae, i no stap insait long Kawa Developmen Koporesen. Sapos yu laik painim aut moa long dispela tokok mipela givim long yu, yu ken go long IPA opis long hap long IPI Biding long Lae na askim long wanpela painimaut long kampani. Sapos yu mekim olsem bai yu ken lukim Koporesen i gat tupela seaholda tasol - DA Kabwum makim nem bilong Kabwum Distrik na Presiden bilong Ukata Distrik bilong ELC-PNG makim nem bilong Sios Distrik. Hau yu tingting MP bilong Kabwum i stap insait long Koporesen, mi no save.

Birua we liklik Clement i bin dai long en i bin kamap long wanpela Sande. Draiva bilong ka i bin yusim ka long laik na bisnis bilong em yet na em i bin i go raun lukim ol wantok bilong em. Ol lain bilong liklik Clement. Draiva i no bin ron long wok bilong Kawa, em i bin raun long wok bilong em yet. Olsem na MP o Kawa i nogat asua long dispela birua i kamap.

Olsem na asua i no stap long Memba o Kawa kompensesen na mekim pasin bel kol em samting bilong tupela famili - bilong Clement na bilong draiva.

Trafik polis bilong Lae/Nazab i bin lukluk long dispela birua na i bin mekim wok painimaut long en. Polis i sasim draiva na em i stap long kot nau. Kot i no tokaut yet long birua i kamap long asua bilong husat tru.

Tu, yu toktok long neks ileksen. Olsem wanem na toktok bilong ileksen i kam insait long pas bilong yu? Pas bilong yu em bilong politiks na bilong pulim bikpela moni i go long husat husat o em i bilong sori bilong liklik Clement?

Em tasol tok bilong mipela. Sapos yu laikim moa tok klia, askim tasol.

MENESMEN

KAWA DEVELOPMEN KOPORESEN
LAE, MOROBE PROVINS



Kukim kondom bai senis i kamap

Dia Edita

Mi laik sapatim bras James A. Kenzu bilong Kimbe long no ken saplain kondom na kukim kondom, we i kamap long *Wantok Niuspepa* long 20/10/05.

Mi wanbel bikos planti manmeri nau ol i yusim kondom long pasin pamuk. Long dispela as tasol na sik AIDS i go bikpela. Australia Gavman i givim planti tausen mani long pait agensim sik AIDS. Gavman bilong PNG, long wanem hap kona yu ken lukim toksave olsem lukautim yu yet long AIDS tasol ol manmeri i go wantaim kondom na tok, banis i stap pinis no waris. Yumi wokim tasol. Olsem na AIDS i go bikpela na tu dai bilong ol manmeri long

AIDS i go antap tru. Nogat wanpela man bai stopim sik AIDS.

Gavman wantaim ol dokta i ken putim stop long givimaut kondom na sapatim ol sios long mani bai ol ken i go aut long tokaut long ol i ken lusim pasin pamuk na kam givim laip long Jisas Kraist. Long dispela rot mi ting AIDS bai nogat long kantri bilong yumi.

Em tasol na mi amamas long yu husat laik sapatim o agensim dispela tok, rait tasol long *Wantok Niuspepa*.

JACK B. EMMA
KIMBE

WES NU BRITEN PROVINS

Autim tok bilong God

Dia Edita

Mi WANPELA pasto bilong Luteran sios na mi laik autim sampela tok bilong Buk Baibel long helpim ol manmeri i klia long sampela wari o askim ol i gat.

Wanpela yangpela i bin rait i go long edita na autim wari bilong em long pasin bilong autim tok bilong God long rot na ol maket samting. Hia nau mi traim long helpim ol manmeri long save: Wok bilong autim tok bilong God em i bilong husat, na wan wan Kristen i gat wanem kain wok tru?

Husat i stap papa: Bekim bilong dispela askim i stap ples klia. Em God yet. Yumi kolim Tok Bilong God em Buk Baibel. Long yumi lain Talatala, i gat 66 wan wan buk olgeta. Olpela Testamen i gat 39 na nupela Testamen i gat 27. God yet i kirapim ol man na holi Spirit i givim ol tok long raitim. 2 Tim 3:16; 2 Pita 1:21; 1 Korin 2:3. Olgeta tok i stap long Buk bilong God i tru olgeta, inap long olgeta man i ken bilip tru long en. Buk Song 119:105; Gutpela Sindaun 30:5-6;

Jon 10:35; 17:17; Kamapim Tok Hait 22:6.

God i givim Wok long Husat: God i givim wok long Sios bilong autim tok. Matyu 16:18; 28:16-20; Jon 20:21-23; 1 Pita 2:9. Long Olpela Testamen God yet i singautim wan wan man long i stap mausman na profet. Kisim Bek 3:4-10, Aisaia 6:8; Jeremaia 1:4-5. Na long Nupela Testamen God Jisas Kraist i makim ol Aposel. Aposel 1:8, Hibu 1:1-2; Efesus 2:19-22. Aposel 9:15-16; 13:1-3. Olsem na wok bilong autim Tok bilong God em God yet i putim long han bilong sios.

Olsem wanem long wan wan Kristen: Sios em i bung bilong olgeta bilip manmeri na em i holi. Kristen Sios. 1 Korin 1:2; 2 Korin 1:1; 1 Tes. 1:1. sios em i no wanpela man. Nogat. Em ol manmeri i bung na i save lotu na harim tok bilong God. Aposl 13:1-3. Wan wan Kristen i gat wok olsem ivenjelis. Aposel 8:26-40; 9:36-43. Planti pasin nau yumi save lukim i kamap long PNG na long arapela hap graun i no bihainim tok bilong

Baibel. Nogat manmeri yet i save bihainim laik na tingting bilong ol yet. Na ol i lusim tingting long pesenel ivenjelisim o wok ivenjelisim bilong wan wan. Long wanem ol save les long serim bilip na tingting long arapela Matyu 10.

Olsem wanem long ol i save autim tok long bikrot, srit na maket: Dispela i no nupela samting. Nogat. Baibel i bin mekim tok lukaut long en. Lo 13:1-3; 1 Jon 4:1-3. Baibel i bin kolim ol lain i save Autim Tok bilong God long laik na tingting bilong ol yet em giaman profet Jeremaia 14:14; 23:16-17, 21 na 31; 29:31; Maika 3:11. Tok bilong ol i no tru na em i tok bilong ol yet. Jeremaia 5:31; 23:16 na 26; Esekial 13:2; Sefanaia 3:4.

Narapela tupela lain long taim bilong Jisas em ol Farisi na ol turangu lain. Jisas i no save amamas long ol na em i kolim ol 'man bilong tupela maus' o long tok inglis ol i save kolim ol 'hipokrit'. Matyu 23:13-15, 23, 25, 27, na 29. Tasol long ol lain turangu, em i save amamas long helpim ol. Luk

6:35. Long PNG sampela lain i nogat nem Sios, ol i stap han wok bilong Sios, tasol ol i kolim ol yet Sios. Jisas i tok lukaut long Matyu 7:15-23.

Wanpela pasin Baibel i soim yumi i stap long Aposel 3:1-16. Taim ol Aposel i helpim dispela turangu, ol i helpim em long dua na larim em i stap a? Nogat. Ol Aposel i helpim em na kisim em i go insait long Tempel na em i kalap na amamas long nem bilong Bikpela. Olsem na yu husat i tingim yu yet olsem wanpela turangu, em i gutpela yu go bek long Sios bilong yu na amamas na litimapim nem bilong God, em i God Triwan. Em i laik yumi stap wanpela lain aninit long wanpela wasman em Jisas Kraist. Efesus 4:5-6; Jon 17.

Long Wok misin eria Sios i stat pinis long Palestain, tasol i mas i go long olgeta hap long graun. Aposel 1:8; Matyu 28:16-20. God, Jisas Kraist i makim Pol i kamap Aposel bilong arapela lain na i no ol Juda. Aposel 9:15-16. Tasol bipo em i stap birua bilong ol Kristen.

Olsem na Sios i mas save olsem em i tanim bel tru na em i no giaman. Olsem na em i go long presisen bilong Sios na kisim wanbel bilong sios long stap olsem Aposel. Aposel 21:18, Jut 1:1. Nau Sios i makim na salim Aposel 13:1-3.

Olgeta hap Pol i go long en, em ol haiden ples tasol. Nogat Kristen Sios, olsem na Pol i save go long ol ples bung olsem maket, rot bung na wara na ol pilai graun long autim tok bilong Jisas. Long dispela taim ol Juda i go stap pinis long i kantri i raunim Mediterenien si. Olsem na Pol i save go long haus lotu bilong ol long autim tok. Aposel 16:11-15, 16-40; 17:1-5, 22-23.

Nau yumi mas save. Wok bilong Autim Tok bilong God, em i stap long han bilong Sios. Na wok ivenjelis i go long wan wan kristen.

REV. WALTER A. YALAMU
MARTIN LUTHER SEMINARI
LAE

WANTOK
KOMENTRI

Ol lida i mas soim rot

TETE em i Wol AIDS De. Em i de we olgeta kantri long wol we dispela sik nogut i kamap pinis long en i save makim long skulim ol pipel long hevi bilong dispela sik nogut.

Dispela singaut i pairap strong pinis insait long Papua Niugini. Toksave long ol rot bilong kisim dispela sik nogut i wok long kamap bikpela nau na dispela yia, singaut i go long ol sios na tu ol lida insait long Nesenel Palamen long soim rot long pait agensim na daunim dispela sik insait long kantri.

Planti save manmeri insait long kantri i wok long singaut strong long i mas i gat planti moa luksave i kam long ol lida long wok bilong daunim strong bilong sik insait long kantri.

Dispela hap askim i strong moa long het tok bilong Wol AIDS De em "Stopim AIDS - Inapim Tok Promis"

Dispela tok promis insait long het tok long Wol AIDS De long dispela yia i sut long tok promis we ol gavman bilong wol i bin mekim long strongim save long dispela sik namel long ol pipel bilong ol na skulim ol long luksave long ol hevi dispela sik i ken kamapim.

Bikpela hap wok i kamap pinis long inapim dispela tok promis, na nau em i taim we Nesenel AIDS Kaunsel i strongim moa yet wantaim het tok bilong ol long dispela yia.

Bikpela toktok i kamap pinis, na nau em i taim bilong ol lida bilong yumi long karim dispela tok promis na strongim long wok bilong ol.

I mobeta ol lida i mas go daun long mak bilong ol pipel na luksave long hevi bilong dispela sik nogut. Ol liklik manmeri insait long kantri husat i wok long karim dispela hevi i save moa long bagarap bilong dispela sik, na ol i luksave tru olsem dispela sik i ken bagarapim kantri moa yet.

I tru olsem i gat luksave i kam long sampela memba pinis long sait bilong givim sapot na taim bilong ol long kisim tingting na toktok bilong pablik. Dispela wok i gutpela. Tasol yumi abrusim pinis mak bilong kamapim ol strongpela polisi bilong daunim dispela birua. Hatwok bilong senisim pasin i mas stat long ol bikmanmeri. Pasin i mas senis long ol bikman husat i save karim kesmoni raun i go long ol naitklub na arapela hap we dispela sik i save kalap i go kam namel long ol manmeri.

Sapos ol lida yet i soim olsem luksave long ol ples nogut i stap, bai ol pipel yet i bihainim.

Sapos ol lida i go het yet na pasim ai long ol rot we dispela sik i wok long pinisim win bilong kantri bilong yumi, bai yumi ken kamap wankain tasol olsem ol turangu kantri long Afrika we dispela sik i pinisim stret strong bilong ol pipel bilong ol.

Tingim tok promis, na inapim. Sapos i nogat luksave, bai mipela i lus.



Pinisim ol lida i asua

NAU ol memba na ol bosman bilong gavman opis i ken stil o paulim bikpela mani bilong kantri na pinis long wok o go kalabus tasol na bihain bai ol i kisim wok gen wantaim gavman opis.

Lo i tok ol dispela lain olsem i ken holim gen gavman opis bihain long tripela krismas kalabus o mekim save i pinis.

Tasol wanem samting bai gavman o kot i mekim long amas mani ol i paulim na holim i stap long pasbuk o stap olsem sea wantaim sampela bisnis nabaut?

Toktok bilong memba bilong Laigap Porgera Karpa Yarka i no klia tumas long dispela bil o lo em i laik kamapim long palamen.

Pastaim bikpela komplek na petisen i kamap olsem memba i laik kamapim wanpela lo we i tok long ol memba i noken pinis long opis sapos kot i painim ol asua long brukim lo. Tasol nau memba i tok sapos

Putim God i go pas long olgeta wok bilong yu

KLOSTU long 30 yia long 16 Septemba 2005 - 3 o 4-pela mun i stap yet na sampela lida bilong kantri i bin lonsim wanpela logo bilong 30 yia. Na dispela logo i kamap gutpela tru na kalaful tru. Tasol aninit long logo ol i bin raitim sampela tok. Dispela tok i olsem: Putim PNG pes o putim PNG i go pas.

Ol Lida husat i bin kamapim tingting na putim dispela tok-tok, ol i no bin pret long God. Ol i no rispektim God olsem Lida tru bilong ol na God bilong ol. Lo bilong God long Lo 5:6-7 i tok:

Yupela noken putim wanpela god i go pas long yupela na yupela noken lotu long wanpela god nogut tru. Mi wanpela i God husat i bin wokim heven na graun na wokim yu tu. Sams o Buk Song 148:1-14 i tok olsem: Olgeta samting antap long heven na hia long graun na insait long graun na insait long biksolwara i mas litimapim bik nem bilong God wanpela tasol.



dispela lo em i laik kamapim i karim kaikai, bai ol memba husat i stil o paulim ol samting na mani bai pinis olgeta long wok bilong ol na i no inap kam bek moa olsem nau we ol i ken kam bek bihain long tripela krismas.

Em i tok sapos lo i holim ol dispela lida na bikman tu bai kot i rausim olgeta mani na bisnis ol i gat long nem bilong ol na givim i go bek long gavman.

Sapos memba i bin mekim klia olsem long pablik, mi bilip em bai kisim sampela gutpela sapot long ol pipel na komyuniti.

Mista Yarka em bilong Pipels Eksen Pati (PAP) na pati bilong em tu i no sanap

gut wantaim. Ol i bruk nabaut olsem na taim memba i laik kamapim wanpela gutpela lo bilong helpim kantri, i nogat sapot long surukim toksave i go moa na mekim klia tru long ol pipel na kantri olgeta. Olsem na turangu memba yet i mekim na kisim planti ston i sut i kam long em.

Moabeta wanpela strongpela lo i mas kamap olsem husat lida o bosman i paulim mani na ol samting bilong kantri, ol i mas pinis olgeta. Noken kam bek moa. Dispela bai givim gutpela piksa long husat arapela lida o bosman i kamap na kisim opis long pret long mekim nabaut na mekim gut wok bilong ol.

Nau yumi harim gavman i komplek olsem planti graun bilong gavman em ol wel dok i raun ausait na pulim pinis. Tasol ol i no pulim nating, ol wokman bilong gavman yet i mekim rot i op long graun i go nating. Sapos olgeta samting i

bihainim lo, bai graun i no inap lus nating. Olsem na olgeta bosman bilong ol gavman opis na dipatmen i mas bekim gut askim long dispela kain samting i kamap olsem wanem?

PNG nau em braiberi o gris mani i bikpela samting long mekim wok bilong arapela. Tasol ol i no inap bihainim rot stret. Ol bai kalapim ol rot na sot kat.

Olsem na lo i mas kamap olsem husat i asua, em i mas go kalabus na pinis olgeta. Sapos em i gat sampela mani o bisnis em i kisim long dispela wok stil bilong em, orait kot i mas rausim na givim long han bilong gavman.

Yumi kamap 30 krismas pinis na yumi bikhet yet long planti pasin bilong yumi. Olsem na yumi mas mekim-save long yumi yet long painim sampela stretpela rot na gutpela tingting.

Orait bilong wanem na PNG i bin kisim 30 krismas na dispela tok ol Lida bilong Kantri i lus tingting long God na putim PNG i go long pes bilong ol na tok putim PNG i go pas.

Ol Lida, sapos God i laik rausim save na blesing em i bin givim yu na yu ronim dispela kantri i stap. Sapos God i laik rausim em i ken. Olsem na yupela ol gutpela lida i mas lukaut gut, nogut God bai bagarapim dispela graun tu olsem na inap lida o praim ministra bilong PNG rausim dispela tok na singsing na etvataismen i stap nau na tok sori long God na putim God i go pas.

Save God i givim na blesing God i givim na sapos God i laik rausim em i ken rausim olsem na yumi mas lukaut.

Long 2 stori 1: 9-13 King Solomon i bin kamap king na em i bin prea long God long givim em save na tingting long em na em bai lukautim ol Israel. God i givim Solomon planti save na blesim wok king bilong em tu.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

A/General Manager
Elizabeth Konga

Editor
Neville Choi

Published at Section
58, Allotment 3, Office
2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Long ves 11-12 i tok: King na Gavman na olgeta manmeri yumi mas litimapim nem bilong Bikpela em yet i God.

King na Gavman na bikpela na liklik saveman na yangpela manmeri olgeta i mas litimapim bikpela em i wanpela na em i God tru.

Lukim, God em yet i bin makim Praim Minista Sir Michael Somare taim em i no kamap yet. Buk Song 139 ves 1-6 i tok olsem: Bikpela i ske-lim pinis bel bilong yu na givim yu dispela wok nau yu holim i stap.

Bikpela i save dispela kantri bai go olsem wanem bihain, em yet i save pinis na i stap. Olsem na dispela tok: Putim PNG i go pas o putim PNG pes em i no stret.

Ramandu nambis em i paradais

I GAT wampela nupela albam i kamaut pinis we i laik strongim nem bilong Ramandu insait long Sentrel Baining eria bilong Is Nu Briten olsem wampela gutpela ples bilong pulim ol turis. Na ol musik man bilong dispela hap nambis yet i tok nambis na ol rip long hap em i wampela naispela paradais tru we turisim indastri i no luksave long en yet.

I kam inap nau, Ramandu Nambis i stap wampela ples we ol as ples manmeri i wok long haitim yet long ol ausait lain. Long wanem i gat ol waitpela nambis i ron i go long we tru na klipela wara bilong en em ol lain bilong swim na glas bai laikim tumas.

I gat kain kain pis i save raun long dispela nambis, na ol naispela win bilong Bismark Si i save kam raun long dispela nambis.

Wan wan manmeri tasol ausait long ol as ples i save long dispela naispela ples bilong maloio long Vunamarita long Lasul Be eria bilong Is Nu Briten. Na ol ples manmeri yet, wantaim halivim i kam long wampela bisnisman na ben bilong en nau i redi long strongim nem bilong nambis bilong ol olsem wampela namba wan ples long go lukim insait long Not Baining eria.

Off-cuts ben

Off-cuts Ben em wampela ben i gat tripela man i stap husat i bin statim long stat bilong 1990s tasol ol i no bin mekim gut nem bilong ol inap nau taim ol i rilisim nupela albam bilong ol, Ramandu Beach (Nambis) we ol i rekodim wantaim Quakes Prodaksen studios long Mosbi.

"Mipela kolim nupela albam bilong mipela, Ramandu Beach long wanem mipela i laik autim sikret bilong mipela long olgeta arapela manmeri bilong PNG na wol bai ol i save olsem mipela i gat wampela naispela ples i stap we ol turis bai laik long kam lukim long ples bilong mipela," Ben lida na Ramandu bisnisman Thomas Vavana i tok.

"Mipela i stap long ples, tasol mipela i gat planti moa samting we i ken pulim ol turis long planti hap long Is Nu Briten."

Vavana i tok namba wan bikpela singsing long dispela albam i stori gut tru long Ramandu Nambis olsem wampela nambis tasol insait long Is Nu Briten we em i klin, ol wara bilong en i nogat pipia na ol kambang i gro strong tru long laik bilong ol. Na ol lain manmeri husat i go raun long nambis i ken amamas long gutpela ples na sekyuriti i stap long hap.

Nogat planti manmeri i save long en

"I nogat planti manmeri i save long dispela nambis na ol lain husat i bin kam hia bipo i tokaut olsem ol i laikim tru raun bilong ol olsem na mipela i luksave olsem Ramandu Nambis i gat strong long kamap wampela ples bilong glas, kaikai na malolo bilong ol lain i kam raun lukim na ol lain husat i laik ronawe long laip na hevi bilong taun," Vavana i tok. "Olsem ol as ples mipela i nogat moni long mekim ol bikpela kempen bilong strongim nem bilong Ramandu Nambis na ol arapela naispela samting, olsem na mipela i pasim tingting long mekim wok pablisiti na promosen long dispela ples long singsing na musik bai TPA na Is Nu Briten Turisim Biuro bai luksave na halivim ol pipel long hia."

Vavana i tok olsem Ramandu Nambis em i wampela namba wan ples we ol waitman i save go malolo long en, olsem ol Saina manmeri long Rabaul na Kokopo husat i save ronawe long ol wiken long go malolo long hap na kisim gutpela tingting.

"Ramandu Nambis i ken givim bel isi long ol visita long wanem ples em i stap isi tru na i nogat telepon, o TV na ol pipel em ol gutpela lain tru husat i save lukautim gut ol turis



i save go raun long ples bilong mipela." Em i tok ol lain i save go long hap i save go wan wan taim. Tasol sapos TPA i givim halivim na ENB Turisim Biuroi halivim bai dispela ples i ken soim tru tru strong bitong em long sait bilong turisim.

Ramandu Nambis i nais tumas

Yu no inap abrusim stail bilong dispela nambis long wanem em i namba wan hap yu bai kam long en taim yu lusim Baining na yu ron i go olsem long Lasul Baining. Ai bilong yu bai op tru long ol bikpela kakao na kokonas plantesin we i go olgeta long nambis na i go olgeta long bik bus tu.

Ramandu Nambis em i wampela 10 trek albam we ol i rekodim long mun Jun long dispela yia long Quakes Prodaksen Studios na ol i rilisim wantaim Chin H Meen long mun Ogas. Patti Potts Doi yet em i produsa bilong albam na em i tok ol dispela lain manki i gat strong long musik tu.

"Ol dispela mangi i gat gutpela taim bihain long musik bisnis sapos ol i ken raitim moa gutpela musik na singsing," Patti i tok. "Ol i no inap sot long ol stori bilong singsing long wanem dispela ples Vunamarita i gat planti samting bilong raitim musik na ol singsing long en."

Ol pipel sindaun strong wantaim pasin tumbuna

Ramandu viles em i wampela liklik komyuniti na ol pipel bilong ol i sindaun strong wantaim pasin tumbuna na kalsa we ol i save yusim long raitim musik we i ken stori long kantri long laip long Vunamarita. Nem bilong ples em ol i givim bihainim diwai marita we i pulap tru long dispela ples na long Ramandu nambis. Toktok 'Vuna' long tok ples Kuanua em 'Ples' olsem na Vunamarita em i 'ples bilong marita'.

Yu ken go long Ramandu Nambis taim yu ron tupela aua samting long wampela gutpela karanas rot long Kerevat i go olgeta long Vudal na i go long Baining.


Potts i singsing long albam

King bilong PNG na Pasifik musik, husat i wok long stretim wampela solo albam bilong em yet, i no produsim tasol albam bilong Off-Cuts, em i singsing long wampela long ol singsing long dispela albam. Singsing ya em ol i kolim Tavue.

"Taim Thomas Vavana i givim mi olgeta singsing em i laik rekodim, em i makim pinis ol man bilong singsing long olgeta singsing. Na singsing Tavue, yet em i tok mi yet bai singsing," Patti i tok. "Em i wampela naispela liklik singsing long tok ples Baining yet."

Singsing i bin go long Quakes long stringben stail. Tasol Potts i kisim na tok em bai singsing tasol em i mas stretim liklik pastaim.

Ben i bin wanbel tasol na Potts i stretim bek gen dispela singsing na ol i halivim Potts long tromoi sampela nupela regei stail musik



I GAT STAIL: Kava bilong Ramandu Beach albam bilong Off-Cuts Ben. Ol i tokaut long strong na stail bilong Ramandu Nambis.

i go insait.

"Tavue we mining bilong en em i 'kandre' o 'ankol' em i wampela bikpela singsing tumbuna long ol pipel bilong mipela long ples bilong mipela na ol tumbuna bilong mipela i bin save singsing," Vavana i stori. "Tete, i no klia moa husat tru i bin kamapim dispela singsing, tasol mipela i save olsem olgeta lain famili save karim dispela singsing i kam inap nau."

Wampela arapela singsing em singsing Namatanai long Nu Ailan ol i kolim Eitul La Hinasik we tripela meri Namatanai yet i singsing long en. Dispela tripela meri em ol wanfamili bilong ol ben memba yet.

Vavana i tok ol ben memba em planti as ples manmeri long Ramandu i gat famili wantaim ol na i gat planti famili tu i stap long Namatanai. Hapsait tasol long Lasul Baining.

Ol arapela singsing long albam em Mi Rong, wampela singsing we Off-Cuts i singsing long ol 'marit i bruk' hevi, na sem i save kamap bihain na wok bilong stretim bek marit.

Off-Cuts i rekodim pinis wampela albam wantaim ol singsing long tok ples Baining, Kuanua, Namatanai na wampela singsing bilong Manus ol i kolim Island Kali we ol ben memba i lainim taim ol i bin poromanim ol lain bilong Manus taim ol i bin liklik yet.

Namba wan ben bilong Lasul Baining

Dispela em i namba wan ben i kam long Lasul Baining eria long mekim nem long nesenei musik maket, tasol Ramandu Beach i no namba wan albam bilong ol. Off-Cuts i bin rekod wantaim Pacific Gold Studios long Rabaul bihain long ol i bin statim ben bilong ol long 1994. Ol namba wan ben memba bilong ol em Thomas Vavana, Mark Malanga na Thomas Ramit.

Tasol namba wan albam bilong ol i no bin mekim gut nem taim Tavurur na Vulkan i bin pairap na bagarapim Rabaul taun. Em nau albam i no salim gut.

Em nau PGS yet i tokim ol olsem sapos ol i laik rekod yet, ol i mas raitim gutpela singsing na musik.

Off-Cuts i bin bruk na Mark Malanga na Thomas Ramit i lusim ben.

Tasol Thomas Vavana i no bin dai olgeta. Em i kirapim bek ben wantaim nupela lainap na em i askim Potts long helpim ol. Potts i wanbel tasol.

Long mun Jun long dispela yia nupela Off-Cuts em Thomas Vavana, man Nu Ailan Isidore Kadiko husat Namatanai kasen susa bilong em i marit i go long Lasul Baining eria na John Subul. Ol i go insait long studio long rekodim ol singsing bilong albam Ramandu Beach.

CHM i rilisim albam long Ogas na tripela singsing bilong en, Ramandu Beach, Tavue na Eitul La Hinasik i wok long kisim planti rikwes o askim long redio. Narapela singsing gen, Mi Rong i redi tasol long pairap tu.

Redio Stesen Yumi FM i tokaut olsem Ramandu Beach i stap insait long Top 5 pinis na Tavue i wok long bihainim i go insait long Top 10 long Novemba 18.

Off-Cuts i redi long rekodim narapela albam wantaim Quakes Prodaksen studios long pinis bilong mun Januari 2006.

****Yu ken ritim ol stori bilong Musik olgeta Mande insait tasol long The National**

EM TV TV GAID		
FONDE	1 DESEMBA 2005	MIDNIGHT EMTV PRIME TIME LINE UP
4.59AM	STATION OPEN	
5.00AM	G CREFFLO DOLLAR	
5.30AM	G JOYCE MEYER	
6.00AM	G TODAY	
9.00AM	G EMTV PRIME TIME LINE UP	
5.00PM	G SNOBS	
5.27PM	G EMTV TOK SAVE	
5.30PM	G PRICE IS RIGHT	
6.00PM	G NATIONAL EMTV	
6.30PM	G A CURRENT AFFAIR	
6.57PM	G NEWS UPDATE IN TOK PISIN	
6.59PM	G LOTTO DRAW	
7.00PM	G CHM SUPER	
7.57PM	G EMTV TOK SAVE	
8.00PM	G SPORT S SCENE	
9.30PM	PG THE APPRENTICE	
10.30PM	G EMTV NEWS REPLAY	
11.00PM	PG LEGEND OF THE HIDDEN CITY	
MIDNIGHT	EMTV PRIME TIME LINE UP	
FRAIDE, 2 DESEMBA 2005		
4.59AM	STATION OPEN	
5.30AM	G JOYCE MEYER	
6.00AM	G TODAY	
9.00AM	G CREFFLO DOLLAR	
9.30AM	G EMTV PRIME TIME LINE UP	
5.00PM	G SNOBS	
6.00PM	G NATIONAL EMTV NEWS	
6.30PM	G A CURRENT AFFAIR	
6.58PM	G NEWS UPDATE IN TOK PISIN	
6.59PM	G LOTTO DRAW	
7.00PM	PG SURVIVOR GUATEMALA	
8.00PM	G TOK PIKSA	
8.27PM	G EMTV TOK SAVE	
8.30PM	G TOK PIKSA - WORLD AIDS DAY SPECIAL	
9.00PM	M TAKEN	
11.00PM	G NEWS EMTV REPLAY	
11.30PM	M C.S.I.	
00.30AM	EMTV PRIME TIME LINE UP	
SARERE, 3 DESEMBA 2005		
8.00AM	G PLANET FANTA	
9.30AM	PG GOOD SPORTS	
10.30AM	G SO FRESH	
11.30AM	G ING CUP- VIC/SA	
12NOON	G ING CUP	
.....continues.....		
4.00PM	G THE BOAT SHOW	
5.00PM	G ESCAPE WITH E.T.	
5.30PM	G FISHING AUSTRALIA	
6.00PM	G NATIONAL EMTV NEWS	
6.30PM	PG AUSTRALIA'S FUNNIEST HOME	
7.30PM	G EDUCATION PNG	
8.00PM	G SOUTH PACIFIC MUSIC	
8.57PM	G EMTV TOK SAVE	
9.00PM	PG XENA WARRIOR PRINCESS	
10.00PM	M WALKER TEXAS RANGER	
11.00PM	G EMTV NEWS REPLAY	
11.30PM	PG AIRLINE	
MIDNIGHT	EMTV PRIME TIME LINE UP	
SANDE, 4 DESEMBA 2005		
7.27AM	G EMTV TOK SAVE	
7.30AM	G BUSINESS SUCCESS	
8.00AM	G JAPAN VIDEO TOPICS	
8.30PM	G SEWAR BANKING OF INDIA	
9.00AM	G THE VANISHING GREY	
10.00AM	G A PUB CRAWL WITH ALTITUDE	
11.00AM	G RUNAWAY TRAINS, PART I	
12NOON	G RUNAWAY TRAINS, PART II	
1.00PM	PG MOVIE: SNOWHITE	
3.00PM	G THE PACIFIC WAY	
4.00PM	G STAYING ALIVE	
2002: THE DOCUMENTARY		
5.00PM	G TOK PIKSA WORLD AIDS DAY SPECIAL	
6.00PM	G NATIONAL EMTV NEWS	
6.30PM	G SPECIAL EVENT: MISS PNG RED CROSS CHARITY QUEST	
7.30PM	G CELEBRITY CIRCUS	
8.27PM	G EMTV TOK SAVE	
8.30PM	PG SUNDAY NIGHT MOVIE: THE WEDDING SINGER (2001) Comedy/Romance - A romantic comedy about love, destiny and other events you just can't plan for.	
Stars:	Jennifer Lopez, Mathew McConaughey, Bridgette Wilson.	
10.30PM	G EMTV NEWS REPLAY	
11.00PM	G PRAISE	
sages.		

Raun wantaim Kanage olgeta wik




YUMI FM NATIONAL WEEKLY HITPARADE NOVEMBA 19, 2005

Singsing	Musik Atis	Dispela Wik
Maten Kandiek	Twin Hok of Kavieng	1
Lavili fes biutiful bodi	Stranded	2
Queen 4 Lane	Leonard ft Anslom	3
Kinoa Eopa	Sharzy	4
Ramandu	Off Cuts	5
Rosie Marara	Sharzy	6
Ngo Oei Nei	Paeva	7
Mi Nao	Sharzy	8
Lala Tora	Sebeats of Sepoe	9
Tavue	Off Cuts	10
Keliu Ngala	Saba	11
Boina Tuna	Twin Hok of Kavieng	12
Tei Kariko	Sebeats of Sepoe	13
Lavai	Sebeats of Sepoe	14
Longlong man	Songkezx	15
Living on a prayer	Troublezone ft Sasha	16
Sorpendeng	Twin Hok of Kavieng	17
Uve Gema	Saba	18
Much Love	Justin Wellington	19
Sore Lewa	Sharzy	20

CATHOLIC RADIO 103.5 FM

Fonde	6:05	SUNDAY EUCHARIST (Repeat)
6:00	ANGELUS	7:00 HOLY ROSARY
6:05	MEDEITATION/INSPIRATIONAL MUSIC	7:30 CATHOLIC INSIGHT
7:00	VATICAN RADIO WORLD NEWS	8:00 VATICAN WORLD NEWS
7:15	VATICAN ENGLISH PROGRAM	8:15 VATICAN ENGLISH PROGRAM
7:35	NON-STOP GOSPEL MUSIC	8:40 IN THE LORD'S VINEYARD
8:00	JOURNEY HOME (EWTN)	10:00 NON-STOP GOSPEL MUSIC
9:00	VATICAN RADIO WORLD NEWS	
9:15	VATICAN ENGLISH PROGRAM	
9:40	KIDS SING-ALONG	6:00 ANGELUS
10:00	CATHOLIC JUKEBOX	6:05 MEDITATION/INSPIRATIONAL MUSIC
10:30	GOSPEL MUSIC	7:00 VATICAN WORLD NEWS
11:00	NON-STOP GOSPEL MUSIC	7:15 VATICAN ENGLISH PROGRAM
12:00	ANGELUS	7:35 NON-STOP MUSIC
12:05	VATICAN WORLD NEWS	8:00 BEST OF JOURNEY HOME
12:20	VATICAN ENGLISH PROGRAM	9:00 VATICAN WORLD NEWS
12:40	REFLECTION MUSIC	9:15 VATICAN ENGLISH PROGRAM
1:00	LAMB'S SUPPER WITH DR. SCHOTT HAHN	9:35 KIDS SING ALONG
2:00	MUSIC	10:00 CATHOLIC JUKEBOX (EWTN)
3:05	CHAPLET OF DIVINE MERCY	10:30 NON-STOP GOSPEL MUSIC
3:20	NON-STOP GOSPEL MUSIC	12:00 ANGELUS
4:00	CATHOLIC JUKEBOX (E-CORE)	12:05 VATICAN WORLD NEWS
4:30	NON-STOP GOSPEL MUSIC	12:20 VATICAN ENGLISH PROGRAM
5:00	JOURNEY HOME	12:40 AFTERNOON REFLECTION MUSIC
6:00	ANGELUS	1:00 THE WAY TO FOLLOW JESUS GOSPEL MUSIC
6:05	MADANG LOCAL NEWS	1:30 CHAPLET OF DIVINE MERCY
6:10	VATICAN ENGLISH PROGRAM	3:00 NON STOP GOSPEL MUSIC
6:30	LAMB'S SUPPER WITH DR. SCHOTT HAHN	4:00 CATHOLIC JUKEBOX (EWTN)
7:00	HOLY ROSARY	4:30 NON STOP GOSPEL MUSIC
7:30	CATHOLIC INSIGHT	5:00 MESSAGE IN MUSIC
8:00	VATICAN WORLD NEWS	6:00 ANGELUS
8:15	MADANG LOCAL NEWS	6:05 VATICAN ENGLISH PROGRAM
8:30	VATICAN ENGLISH PROGRAM	6:30 MANY FACES OF MARY
9:00	TOK STREET LONG HVAIDS	7:00 HOLY ROSARY
10:30	VATICAN ENGLISH PROGRAM	7:30 BENEDICTION
Fraide		
6:00	ANGELUS	8:00 VATICAN WORLD NEWS
6:05	MEDEITATION/INSPIRATIONAL MUSIC	8:15 CRN LOCAL NEWS
7:00	VATICAN WORLD NEWS	8:30 BEST OF JOURNEY HOME
7:15	VATICAN ENGLISH PROGRAM	9:00 CATHOLIC JUKEBOX (EWTN)
7:35	NON STOP GOSPEL MUSIC	10:00 VATICAN ENGLISH PROGRAM
8:00	RADIO ST. JOSEPH PRESENTS	11:00 NON-STOP GOSPEL MUSIC
9:00	VATICAN WORLD NEWS	
9:15	ENGLISH PROGRAM	
9:35	KIDS SING-ALONG	6:00 ANGELUS
10:00	CATHOLIC JUKEBOX	6:05 MEDITATION/INSPIRATIONAL MUSIC
10:30	NON STOP GOSPEL MUSIC	7:00 VATICAN WORLD NEWS
12:00	ANGELUS	7:15 VATICAN ENGLISH PROGRAM
12:05	VATICAN WORLD NEWS	7:35 NON STOP MUSIC
12:20	VATICAN ENGLISH PROGRAM	8:00 RADIO ST. JOSEPH PRESENTS
12:40	REFLECTION MUSIC	9:00 VATICAN RADIO WORLD NEWS
1:00	OUR FATHER'S PLAN	9:15 VATICAN ENGLISH PROGRAM
1:30	AFTERNOON GOSPEL MUSIC	9:40 KIDS SING-ALONG
3:00	CHAPLET OF DIVINE MERCY	10:00 CATHOLIC JUKEBOX
3:20	NON-STOP GOSPEL MUSIC	10:30 GOSPEL MUSIC
4:00	CATHOLIC JUKEBOX (EWTN)	12:00 ANGELUS
4:30	NON-STOP GOSPEL MUSIC	12:05 VATICAN WORLD NEWS
5:00	WAVE FACTOR (EWTN)	12:20 VATICAN ENGLISH PROGRAM
6:00	ANGELUS	12:40 REFLECTION MUSIC
6:05	VATICAN ENGLISH PROGRAM	1:00 SUPER SAINTS GOSPEL MUSIC
6:30	FATIMA	3:00 CHAPLET OF DIVINE MERCY
7:00	HOLY ROSARY	3:20 NON STOP GOSPEL MUSIC
7:30	STATIONS OF THE CROSS	4:00 CATHOLIC JUKEBOX
8:00	VATICAN WORLD NEWS	4:30 NON-STOP GOSPEL MUSIC
8:15	CRN LOCAL NEWS	5:00 RADIO ST. JOSEPH PRESENTS
8:30	VATICAN ENGLISH PROGRAM	6:00 ANGELUS
9:00	TOK STREET LONG HVAIDS	6:05 ATAPE LOCAL NEWS
10:00	CATHOLIC JUKEBOX	6:10 VATICAN ENGLISH PROGRAM
10:30	VATICAN ENGLISH PROGRAM	6:30 MOTHER OF REDEEMER
Sarere		
6:00	ANGELUS	7:00 HOLY ROSARY
6:05	MEDEITATION/INSPIRATIONAL MUSIC	7:30 SUPER SAINTS
7:00	OUR FATHER'S PLAN	8:00 VATICAN WORLD NEWS
7:30	CROSSROADS (EWTN)	8:15 ATAPE LOCAL NEWS
8:00	VATICAN WORLD NEWS	8:20 VATICAN ENGLISH PROGRAM
8:15	VATICAN PROGRAM	9:00 TOK STREET ABOUT HVAIDS
8:35	MUSIC	10:00 CATHOLIC JUKEBOX
9:30	BACKSTAGE (EWTN)	10:30 VATICAN ENGLISH PROGRAM
10:00	WAVE FACTOR	10:50 NON-STOP GOSPEL MUSIC
11:00	NON-STOP GOSPEL MUSIC	
12:00	ANGELUS	
12:05	VATICAN WORLD NEWS	6:00 ANGELUS
12:20	VATICAN ENGLISH PROGRAM	6:05 MEDITATION/INSPIRATIONAL MUSIC
12:40	REFLECTION MUSIC	7:00 VATICAN WORLD NEWS
1:00	OUR FATHER'S PLAN	7:15 VATICAN ENGLISH PROGRAM
1:30	AFTERNOON GOSPEL MUSIC	7:35 NON-STOP GOSPEL MUSIC
3:00	CHAPLET OF DIVINE MERCY	8:00 SCRIPTURE MATTERS WITH DR. SCHOTT HAHN (EWTN)
3:20	NON STOP GOSPEL MUSIC	9:00 VATICAN WORLD NEWS
4:00	BACKSTAGE	9:15 VATICAN ENGLISH PROGRAM
4:30	NON-STOP GOSPEL MUSIC	9:35 KIDS SING ALONG
5:00	WORLD OVER NEWS	10:00 CATHOLIC JUKEBOX
6:00	ANGELUS	10:30 NON-STOP GOSPEL MUSIC
6:05	VATICAN ENGLISH PROGRAM	12:00 ANGELUS
6:30	MIRACLES OF THE CROSS	12:05 VATICAN WORLD NEWS
7:00	HOLY ROSARY	12:20 VATICAN ENGLISH PROGRAM
7:30	CROSSROADS	12:40 REFLECTION MUSIC
8:00	VATICAN WORLD NEWS	1:00 FIRST COMES LOVE DR. SCHOTT HAHN (EWTN)
8:15	VATICAN ENGLISH PROGRAM	1:30 AFTERNOON GOSPEL MUSIC
8:35	NON-STOP GOSPEL MUSIC	3:00 CHAPLET OF DIVINE MERCY
9:00	SUNDAY EUCHARIST LIVE	3:20 NON-STOP GOSPEL MUSIC
10:30	NON-STOP MUSIC	4:00 CATHOLIC JUKEBOX
11:00	IN THE LORD'S VINEYARD	4:30 NON-STOP GOSPEL MUSIC
12:00	ANGELUS	5:00 SCRIPTURE MATTERS
12:05	VATICAN WORLD NEWS	6:00 ANGELUS
12:20	VATICAN ENGLISH PROGRAM	6:05 VANIMO LOCAL NEWS
12:40	GOSPEL MUSIC	6:10 VATICAN ENGLISH PROGRAM
3:00	CHAPLET OF DIVINE MERCY	6:30 FATIMA, HEAVEN'S PEACE PLAN
3:20	GOSPEL MUSIC	7:00 HOLY ROSARY
5:00	SIGNS OF THE TIMES (RTA)	7:30 DOCTORS OF THE CHURCH
6:00	ANGELUS	8:00 VATICAN WORLD NEWS
		8:15 VANIMO LOCAL NEWS
		8:20 VATICAN ENGLISH PROGRAM
		9:00 TOK STREET ABOUT HVAIDS WITH FR. JUDE
		10:00 CATHOLIC JUKEBOX
		10:30 VATICAN ENGLISH PROGRAM
		10:50 NON-STOP GOSPEL MUSIC





"Stopim AIDS - Inapim Tok Promis" PNG i wok long Inapim Tok Promis

Em i wanpela ten eit (18) krismas pinis taim Papua Niugini i bin bungim dispela sik ol i kolim HIV/AIDS (HIV-Human Imuno Vairus) na (AIDS - Akwait Imun Difisensi Sindrom).

Nogat man i bin save long dispela sik, na ol helt wokmanmeri i no bin save long HIV/AIDS. Nesenel Dipatmen bilong Helt i bin sanapim wanpela Nesenel AIDS Savelens Komiti long stretim dispela hevi long pinis bilong 1980s.

Nogat inap save namel long ol helt wokmanmeri na pablik insait long PNG i bin wankain tasol olsem ol arapela kantri long wol. Em i bin wanpela nupela birua na i NOGAT MARASIN bilong stretim.

Ol saintis na dokta long olgeta hap long wol i wok long traim i kam inap nau long painim marasin tasol i nogat wanpela marasin i kamap yet long pinisim dispela sik olgeta.

Tenpela krismas bihain long 1987, gavman i go pas long kamapim Nesenel AIDS Kaunsel Ekt long 1997 we i go pas long kamapim Nesenel AIDS Kaunsel long 1998 wantaim sekretariat bilong em yet (NACS).

Nesenel AIDS Kaunsel i kisim luksave na wok bilong menesim na kodinetim mali-sektorel bekim long HIV/AIDS hevi insait long PNG.

AusAID i bin givim bikpela halvim na sapot long bekim hevi bilong HIV/AIDS insait long Papua Niugini.

Bikpela kempen we Nesenel AIDS Kaunsel i go pas long en i bin seksekim planti manmeri husat i no bin gat gutpela tingting long en, na planti arapela i no bin wanbel long wok bilong en. Tasol em i gutpela tu olsem ol pipel i bin stat toktok long dispela samting na ol i no hait na ronawe abrusim.

Long 2002, UNAIDS (Yunaitet Nesens Join Program long HIV/AIDS) i stori olsem dispela sik i painim pinis mak we olgeta manmeri



Dairekta bilong Nesenel AIDS Kaunsel Seketeriet - Dokta Ninkama Moiya

insait long PNG i ken kisim.

Wantaim het tok "Together Striving To Control and Prevent HIV/AIDS in Papua New Guinea" o Wok bung wantaim long daunim na banisim Papua Niugini long HIV/AIDS, Nesenel AIDS Kaunsel i go het long sampela bikpela kempen, ol polisi pepa na ol lo long helpim ol pipel bilong PNG long save gut long HIV/AIDS. Namba wan kempen we i bin kisim tok orait bilong NAC na i bin kamaut olsem wanpela etvataismen insait long midia i bin kisim planti kros toktok long en na pablik i bin les long en. Ol pipel yet i no wanbel long kain toktok dispela kempen i bin yusim tasol Nesenel AIDS Kaunsel Seketeriet yet i bin bilip strong olsem ol i mas toktok na noken haitim stori olsem dispela kain bikpela sik i ken bagarapim planti manmeri.

Dispela i lukim ol kain kain grup manmeri, na moa yet Katolik Sios husat i les long putim ol etvataismen bilong NACS insait long ol wikli niuspepa bilong ol. Tasol tupela yia i lus na long 2004/2005 pes bilong dispela sik nogut na ol kempen i wok long strong moa. Planti manmeri i wok long save moa long HIV/AIDS na nau ol i ken toktok long en na i luksave olsem dispela sik bai stap yet na mipela olgeta i mas wok bung long daunim.

Planti etvataismen na skul samting i bin kamap wantaim halvim i kam long AusAID aninit long Nesenel HIV/AIDS Sapot projek na ol i givim bikpela



Wanpela long ol bikpela wok bilong Nesenel AIDS Kaunsel em long sanapim ol Provinsel AIDS Komiti long karim na mekim sampela bekim long level bilong ol provins na distrik. Dispela foto i soim ol lain i sindaun long wanpela provinsel woksop bilong Hailans rijen we i bin kamap long Goroka long mun Oktoba long dispela yia.

halivim long 5 milien pipel insait long kantri.

K100 milien halivim i kam long AusAID i go long Nesenel AIDS Kaunsel i lukim planti kain kain senis i kamap insait long kantri aninit long wok karimaut bilong Midium Tem Plen (MTP). Planti long o moni i go long mekim ol IEC (Infomesen, Edukesen na Komyunikesen) samting, na hap i go long ol non gavman ogenaiesesen na sios opis long kirapim ol program bilong ol long komyuniti level. Ol provinsel program wantaim ol Provinsel AIDS Kaunsel (PAC) i kisim bikpela hap sapot i kam long AusAID.

Ol arapela developmen patna em Yuropien Yunion (EU) husat i wok long sapotim Nesenel Pia Edukesen Program na ol UN Ejensi i wok long givim teknikel halivim.

Lidasip program bilong UNDP i kirap wantaims trong na wok bung bilong Spesol Palamentari Komiti long HIV/AIDS na ol bikpela nius midia opis husat i wok long karim ol dispela toksave. Wanpela nupela opis husat i kamap insait long dispela pait agensim HIV/AIDS insait long PNG em i Global Fund husat i wok long mekim wok sapot na Monitoring na Iveluesen bilong program na tu ol i mekim ol wok program long sapotim dispela bekim.

Wok monitoring na iveluesen program em i bikpela samting tru nau long wanem NACS i mas makim ol hul insait long ol program bilong en long strongim bikpela wok bekim

groa bilong HIV/AIDS o karim hevi bilong sindaun nating long bihain taim."

Em i tok, "PNG i wok long sindaun antap long wanpela bikpela bom nogut na olgeta manmeri i mas go pas long ol HIV/AIDS program long luksave long ol laik bilong o pipel".

Dairekta bilong Nesenel AIDS Kaunsel Seketeriet, Dokta Ninkama Moiya i bin mekim wankain toktok na em i askim olgeta manmeri insait long PNG long halivim na sindaun insait long olgeta wok program bilong daunim na banis agensim HIV/AIDS.

Em i tok het tok bilong Wol AIDS De bilong dispela yia em i toksave gen long mipela olgeta. Em i tok promis mipela i bin mekim insait long kantri

long halivim mipela yet long daunim dispela binatang nogut.

"Nau mipela i gat 11,000 kes na samting olsem 40,000 i go inap 60,000 pipel husat i karim dispela sik insait long PNG, i nogat moa gutpela banis. Em i kamap olsem ples bilong mekim bikpela pait na mipela i mas karim ol strongpela samting long pait long dispela woa na harim tok long dispela ABC toksave we Nesenel AIDS Kaunsel i wok long strongim.


Ol praivet sitisen o manmeri na ol ogenaiesesen na opis i mas abrusim ol kain toktok nogut we i ken daunim dispela ABC toksave we ol i tok long yusim stret kondom o karamap bilong sem sapos A na B bilong dispela toksave em ol i no

bihainim," Dairekta bilong Nesenel AIDS Kaunsel, Dokta Ninkama Moiya i tok.


Bikos het tok bilong 2005 Wol AIDS De em Stopim AIDS - Tingim Tok Promis, Papua Niugini i wok long bihainim tok promis bilong em long daunim, luksave long en na banis agensim groa bilong HIV/AIDS.

Plis makim dispela de Desemba 1, 2005 na givim luksave long en bilong ol pipel i stap wantaim na i karim hevi bilong dispela sik na ol lain husat i lusim laip bilong ol, olsem ol pikinini i sindaun wantaim dispela HIV/AIDS sik.

Dokta Ninkama Moiya Dairekta - NACS



Givim luksave long Wol AIDS De 2005



Plis givim luksave long dispela de, Desemba 1, 2005 na long dispela de, soim pasin bilong rispek na onaim ol pipel i stap wantaim na i karim hevi bilong dispela binatang nogut, HIV na ol lain husat i lusim laip bilong ol na moa yet, long ol pikinini husat i karim hevi bilong dispela sik HIV/AIDS.

Protect yourself from AIDS

Supported by the Australian Government PNG National AIDS Council

Moa long 11,850 gat HIV/AIDS

Salome Vincent i raitim

SPESEL Palamenteri Komiti bilong HIV/AIDS, i holim wanpela bung las wik long Gordon Sekenderi Skul long Mosbi long kisim tok-tok bilong ol manmeri husat i wok long helpim Papua Niugini long pait agensim HIV/AIDS.

Dispela bung i lukluk long ol grup olsem Nesenel Aids Kaunsel (NAC) we ol i toktok wantaim medikel etvaisa, Dokta Joachim Pantumari na Agnes Gege.

Wanpela bikpela samting siaman bilong dispela Palamenteri AIDS Komiti, Dokta Banare Bun na ol memba bilong em i mas save, em namba bilong ol manmeri insait long kantri husat i gat HIV/AIDS.

Narapela samting tu

em wanem kain ol lain insait long populesen bilong kantri i stap long birua bilong kisim HIV/AIDS o i gat HIV/AIDS.

Statistiks Opisa bilong Nesenel Aids Kaunsel, Agnes Gege i givim ol dispela namba.

Em i tok long 1987 ol i kisim namba wan ripot bilong HIV/AIDS na long dispela taim i bin 6-pela tasol.

Ol namba bilong dispela sik

Long mun Mas 2005, ol i kisim olsem 11 850 manmeri i gat dispela sik.

Em i tok NCD i gat bikpela namba moa long ol arapela provins olsem Westen Hailans husat i namba tu na Morobe i namba tri long wanem planti ol ripot i wok long kam insait long Nesenel AIDS Kaunsel bilong ol.

Misis Gege i tok sapos ol i kisim namba

bilong ol arapela provins, ating ol i ken soim tu olsem olgeta provins i gat bikpela hevi wantaim dispela sik.

Long Gaip na Sentrel Provins, em i tok planti ol manmeri wantaim dispela ol sik em ol yangpela meri na ol man husat i no lapun tumas. Ol pikinini o ol yangpela manmeri bilong kantri i stap long birua bilong kisim AIDS o binatang bilong HIV.

Gavman na sios i gat strong long pait agensim

Em i tok gavman na sios em tupela bikpela grup long go pas long dispela wok bilong pait agensim HIV/AIDS, tasol ol program ol i mekim i mas stap oltaim.

Em i tok planti ol meri tasol i mekim wok bilong helpim ol sios long bringim senis long pasin bilong ol pipel

long givim baksait long HIV/AIDS.

I mas i gat ol nupela lo i kamap

Misis Gege i tok strong long Dokta Banare Bun na komiti bilong em olsem ol lo we i banisim ol marit manmeri long mekim pasin pamuk ausait long marit, i mas kamap strong na ol pipel i mas luksave long ol dispela lo.

Dokta Pantumari i tok tu olsem ol i mas wok hat long mekim ol grup we ol man tasol i ken sindaun wantaim na toktok long dispela hevi bilong HIV/AIDS o mekim ol program we bai ol man i mas stap insait.

Em i tok planti taim ol i no save givim planti luksave long wanem kain ol wok ol man i ken mekim long pait agensim HIV/AIDS insait long kantri.



STRONGPELA WOK SKELIM: Ol memba bilong Palamen Komiti long HIV/AIDS. Ol i sanap strong long wok bilong kisim tingting na toktok bilong pablik long dispela bikpela hevi i wok long bagarapim laip bilong planti pipel insait long kantri.



AUTIM TINGTING: Tupela bikmeri bilong wanpela grup i save wok wantaim ol turangu i gat HIV/AIDS.



KISIM TINGTING: Ol memba bilong Palamen AIDS Komiti i kisim tingting bilong pablik na ol grup i save wok wantaim ol manmeri i gat HIV/AIDS.

AusAID sapotim ol AIDS aweanes na senisim pasin

Salome Vincent i raitim

AUSAID, dona ejensi opis bilong Australia gavman i givim bikpela mani helpim long daunim-sik HIV/AIDS insait long kantri na wanpela 5-pela yia projek em i wok wantaim Nesenel AIDS Kaunsel Seketeriet bai pinis long mun Oktoba neks yia.

Spesol Palamenteri Komiti bilong HIV/AIDS Siaman, Dokta Banare Bun i bin toktok wantaim projek dairekta bilong AusAID, Barbara Smith.

Barbara i toktok long dispela sapot projek we AusAID i kari-maut wantaim Nesenel AIDS Kaunsel i bin stat long yia 2000 yet na bai pinis long mun Oktoba long 2006.

Barbara i tok, i gat 6-pela rot bilong kari-maut dispela projek bilong stopim HIV/AIDS long kalap i go long ol arapela manmeri.

Namba wan rot em long sapos

tim edukesen long skulim ol manmeri long senisim pasin bilong givim baksait long dispela hevi; namba tu em long skulim ol manmeri long ol stretpela rot bilong lukautim komyuniti na givim sapot; namba tri em long soim ol long ol gutpela pasin na ol lo we i ken lukautim ol; namba 4 em long putim ai long namba bilong hamas manmeri i gat HIV/AIDS, sekim sapos namba i wok long senis; namba 5 em long givim helt sevis long ol manmeri i gat HIV/AIDS na ol dispela hap i nogat; na namba 6 em long menesim dispela projek na givim risos sapot long husat i askim na long helpim ol patna bilong ol insait long dispela projek.


Barbara i tok AusAID i mekim wok long givimaut planti karamap, wok bilong lukautim ol wok manmeri husat ol i trenim long toktok long ol sik nogut long sem o STI na HIV/AIDS, skruim

wok bilong aweanes bilong HIV/AIDS na kamapim wanpela program we ol bai lukluk long givim ol sik manmeri gutpela kaikai.

Sampela ol sapot wok ol i mekim em long trenim ol meri long HIV/AIDS na ol i yusim ol midia program olsem Soul For Real bilong PNG FM long givim skul bilong yusim karamap.

Ol sios i no sapatim aweanes bilong karamap olsem na nau AusAID i laikim ol sios long mekim aweanes bilong skulim ol manmeri long helpim na lukautim ol manmeri i gat HIV/AIDS, na noken tanim baksait long ol o rausim ol long komyuniti.

AusAid i kisim gutpela bekim long pablik long ol aweanes ol i mekim na ol i lukim olsem planti ol manmeri i luksave long dispela sik, tasol ol i gat planti wok yet i stap long mekim long strongim tingting long abrusim.



Wol AIDS De 2005

"Stopim AIDS - Inapim Tok Promis" PNG i wok long Inapim Tok Promis



Namba na tebol bilong HIV Provins we ol i painim dispela sik

Baim ol volantia wok manmeri

... Long strongim wok bilong aweanes bilong AIDS

Table 1.3 HIV/AIDS Infection long PNG stat long 1987 inap long 31/03/2005
Provins na Seks (Man o Meri)

Province of Infection	Male		Female		Total	
	No.	%	No.	%	No.	%
Western	121	2	96	2	218	2
Gulf	10	0	18	0	29	0
Central	2	0	2	0	4	0
NCD	3327	59	3086	56	6678	56
M/By	28	0	38	1	77	1
Oro	36	1	44	1	82	1
SHP	72	1	63	1	141	1
Enga	244	4	271	5	536	5
WHP	900	16	867	16	1854	16
Chimbu	111	2	124	2	260	2
EHP	311	5	376	7	770	6
Morobe	287	5	332	6	690	6
Madang	57	1	54	1	136	1
E Sepik	32	1	37	1	74	1
W Sepik	11	0	16	0	31	0
Manus	27	0	10	0	39	0
M/P	31	1	14	0	45	0
ENB	50	1	38	1	101	1
WNB	16	0	22	0	42	0
NSP	5	0	9	0	15	0
Bilong narapela kantri	0	0	0	0	13	0
No save sapos man o meri	7	0	8	0	17	0
Total	5685		5525		642	11852

8. Tebol i soim Jenda o man na meri na krismas

Table 1.6 HIV/AIDS infeksi long PNG, stat long 1987 inap long 31/03/2005
Krismas grup na Seks

Krismas grup	Man		Meri		Totol			
	No.	%	No.	%	No.	%		
Anini long 2 yias	71	1	51	1	123	1		
2 - 9	148	3	155	3	308	3		
10 - 14	25	0	43	1	68	1		
15 - 19	118	2	379	7	498	4		
20 - 24	412	7	981	18	1398	12		
25 - 29	638	11	815	15	1459	12		
30 - 34	668	12	630	11	1308	11		
35 - 39	481	8	357	6	846	7		
40 - 44	376	7	203	4	582	5		
45 - 49	217	4	85	2	304	3		
50 - 54	163	3	53	1	218	2		
55 - 59	58	1	7	0	65	1		
60 & ova	76	1	9	0	85	1		
Nogat rekot long wanem seks	2234	39	1757	32	599	93	4590	39
Total	5685		5525		642		11852	

Bikpela wari i stap bikos mak long 15 inap long 44 krismas i kisim dispela sik i bikpela tru. Ol manmeri long dispela grup em ol i strongpela na ol i wok. Sapos dispela mak i go het yet, PNG bai bagarap taim ol strongpela, savelain na yangpela i dai. Lukim tu olsem mak long ol pikinini i gat 2 yia inap long 9 na i kisim AIDS i go antap na i soim mak long ol mama i gat bel i givim binatang i go long ol bebl.

6. Rot we Binatang bilong AIDS i kalap long narapela

Table 1.5 HIV/AIDS infeksi long PNG, stat long 1987 inap long 31/03/2005
Kategori na Seks

Table 1. Kategori i gat tu ol lain we i no putim rot sik i kalap long en

Kategori na Seks	Man		Meri		Totol			
	No.	%	No.	%	No.	%		
Blood Transfusen o kisim long blut long haus sik	0	0	0	0	0	0		
Heterosexual o manmeri slip wantaim	1169	21	1324	26	2505	21		
Homosexual- o man i slip wantaim man	10	0	1	0	11	0		
Perinatal o mama i gat bel i givim long pikinini	78	1	70	1	151	1		
Unknown	4428	78	4130	81	627	98	9185	77
Total	5685		5525		642		11852	

Tasol PNG i mas pait hat long dispela sik i mas no bagarapim em. Wantaim helpim mani na ol risos na ol projek ol dona ejensi olsem AusAID, Yunaitet Nesens na Wol Helt Ogenaisesen lain, Yuropian Yunien, Nu Silan, Britis Hai Komisn, JICA, ol Non Gavman Ogenaisesen na ol Sios, moa yet, Katolik na Angliken Sios na sapos ol Palamen lida i go pas long pait egensim sik ya na tu sapos pipel i senisim pasin long wokim nabaut, PNG i ken daunim mak bilong AIDS i bagarapim moa lain na futja bilong kantri na pipel. Taim yumi toktok long senisim pasin, narapela samting we kantri i mas luksave na traun senisim em long poveti o pasin bilong sot long samting. Tude, planti pipel bilong yumi i bungim hevi long mani i sot. Ol famili i sot long mani long pelm skul fi, kaikai na mani long lukautim ol yet olgeta de.

Salome Vincent i raitim

NAMBA bilong HIV/AIDS i stat long kamap bikpela long 1997 na yumi abrus pinis long traun long kamapim ol progrem we i ken wok hariap long daunim dispela sik long kalap long ol arapela, Dokta Esorom Daoni bilong Helt Dipatmen i tok.

Taim em i givim ripot bilong em long Dokta Banare Bun na ol arapela memba bilong Spesel Palamenter Komiti bilong HIV/AIDS, Dokta Daoni i tok planti ol meri husat i gat dispela sik i stap namel long 15 na 35 krismas na ol man em 35 krismas na i go antap. Dispela i soim olsem ol

man bilong 35 krismas na i go antap i wok long slip wantaim ol meri namel long 15 na 35 krismas.

Wanpela pablik spika, Gabriel Murua i sapatim dispela toktok taim em i tok sampela ol bikpela man i yusim ol naitklap olsem ol ples bilong mekim pasin pamuk wantaim ol yangpela meri o ol i givim ol samting long ol olsem mobail telepon we ol i ken ringim ol na tokim ol long wanem hap ol i ken bung.

Em i tok sampela taim ol kain klos olsem sotpela siket ol meri i save putim long go danis i save pulim ol man long mekim ol kain kain pamuk pasin.

Mista Murua em wanpela man


husat i save mekim wok bilong em yet long tok klia na skulim gut ol manmeri long HIV/AIDS.

Em i tok sapos gavman i baim ol volantia wokmanmeri, ating bai ol i strongim wok bilong mekim aweanes bilong AIDS.

Long toktok bilong tupela man wantaim, ol i tok i mas gat gutpela lidasip na i mas gat moni helpim i kam long gavman na ol manmeri bilong karimaut dispela wok bilong pait agensim HIV/AIDS.

Dokta Daoni i tok planti taim ol i kisim mani long ol dona ejensi tasol. Em i tok moni ol i save kisim, planti ol i yusim long baim ol wok manmeri na liklik hap tasol i go long karimaut ol wok progrem bilong ol.


BSP
PERSONAL LOANS



Bank South Pacific

Let BSP take the financial pain out of "Back-to-School", with a timely

School Fee Personal Loan



BSP understands the importance of a good education and the financial decisions that have to be made for the forthcoming school year.

We can provide you with a suitable School Fee Loan, at highly competitive rates, with flexible repayment plans, to put your mind at ease over a 12 month period.

Benefits to you:

- Competitive Fixed Interest Rates
- Fast Loan approval
- Security not essential to secure a School Fee Loan

Fixed repayment structure to clear your loan over 12 months, to allow for future years' loans

We're ready to help:

For fast Personal Loan answers, just phone our Personal Loan Call Centre on

180 1212

Our friendly staff will discuss the options available to you and explain our requirements in more detail.

*Conditions Apply

ONLY A NATIONALLY OWNED BANK LIKE BSP UNDERSTANDS PNG BANKING NEEDS

Bank South Pacific
bsp.com.pg

Ripot bilong Spesol Palamenteri Komiti long Woi AIDS De

SPESEL Palamenteri Komiti bilong HIV/AIDS Edvokasi i mekim wanpela wok painimaut long ol wei bilong daunim HIV/AIDS insait long Papua Niugini. Dispela Komiti bai raitim wanpela ripot bilong wok painimaut we bai soim ol samting ol i laikim bai Palamen i senisim polisi, stretim o mekim ol gutpela fainensel risos na mekim save o stretim ol lo.

Dispela wok painimaut em wanpela we Palamen i mekim na i lukluk strong i go insait long em. Namba bilong HIV i wok long go antap-kantri i mas tanim dispela long wanem yumi les long kamap olsem ol kantri long Afrika. Sapos yumi ino wok hariap, namba bilong ol HIV bai go antap tru insait long 10-pela yia long PNG. Dispela bai bagarapim ikonomi, stopim ol helt sevis na planti famili bai stap wantaim HIV.

Yumi nogat wei long tok olsem kain sindaun bilong Afrika bai no inap kamap long PNG. PNG em wanpela kantri husat i gat planti kalsa na ol tokples long i arapela kantri. Moa long ol pipel i stap long ol longwe ples tasol HIV i go pinis long dispela ol hap long olgeta hap bilong kantri. Sapos wanpela longwe ples i kisim dispela sik, em bai kalap i go long ol arapela kwiktaim.

Palamenteri Komiti i putim tupela komiti i stap aninit long em long harim toktok bilong ol lain husat i go pas long dispela pait egensim HIV o ol manmeri husat i gat dispela sik.

Nambawan taim bilong dispela bung i kamap long Gordon Sekonderi Skul long Pot Mosbi, long Trinde Novemba 23rd i go long Fonde Novemba 24. Siaman bilong komiti Hon. Dokta Banare Bun, Ho. Bob Danaya (MP), Hon. Isaac Taitibe (MP) Hon. Benny Allan (MP), i go pas long dispela bung. Ol toktok i kam long planti bilong ol ogenaisesen wantaim ol toktok long pablik na ol manmeri husat i wokim pamuk pasin.

Tupela komiti husat i kam aninit long Palamenteri Komiti i lusim Pot Mosbi pinis long o aut na holim ol kibung long ol ples we i gat bikpela namba tu bilong dispela sik. Arapela komiti i bin pinisim 2-dei kibung bilong ol long Lae na nau ol i bai raun i go long Hilans we bai gat ol arapela kibung, we bai kamap long Goroka (dei 1 na 2 bilong mun Desemba) na long Simbu (dei 5 na 6 bilong mun Desemba). Arapela sab-komiti i bin lusim Tabubil na nau bai ol i raun i go olsem long Mendi na Wabag we bai ol i holim ol kibung bilong ol long wanikain de olsem long Goroka na long Simbu.

Dispela tupela komiti bai kamap olsem wanpela komiti taim ol i bung long Hagen we bai ol i holim ol kibung bilong ol long 8 - 9 Disemba. Dispela grup bai lusim Maunt Hagen we bai ol i kam bek long Pot Mosbi na holim laspela pablik bung long 14 Desemba long 10 kilok long Palaman Haus. Komiti bilong HIV/AIDS i askim Paiminista na 6-pela arapela Minista long givim painimaut i go long komiti na long bekim ol askim bilong ol.

Painimaut we ol i givim i go long komiti i soim wanpela rong insait long sosaiti we lo ol i putim, i no moa wok na ol sevis, i moa go aut long ol pipel. Dispela painimaut i soim planti kainkain hevi tasol i soim wanpela peten o rot:

- Seks-industri o wok bilong bai moni long silip wantaim ol arapela i wok long bikpela bilong wanem dispela i wok long pulim planti ol yanpela manmeri. Komiti i harim olsem ol yanpela skul manki i wok long yusim belo mani bilong ol long baim ol meri long slip wantaim ol.
- Hevi bilong dring na kisim spak brus i wok long kamap bikpela namel long yanpela man. Komiti i harim olsem ol yut we tingting bilong ol i no stret bilong wanem ol i kisim bia na spak brus, i save putim ol yet i go insait long ol pasin we i no gutpela, dispela i save mekim ol i stap birua long kisim sik HIV. Sampela bilong dispela ol pasin nogut em vaioleins na reip. Pasin bilong baim ol meri long silip wantaim ol i soim ripot olsem planti yanpela man i

wok long stap insait long dispela wok.

- Ona o papa bilong ol naiktab i no putim ol karamap (o kondom) we ol kastoma bilong ol i ken kisim ol. Komiti i harim olsem sampela ol ona i les long ol karamap i stap long ol klab bilong ol bilong wanem ol pilim olsem em i rongim "Kristien bilip" bilong ol. Dispela ol ona i amamas tasol long salim bia long ol yanpela we i sapos long dring yet, kisim ol yanpela we i sapos long wok long ol klab ong wok long ol na i givim wanpela hap we i ken kirap pasin bilong slip nambaut.
- Ol seks wok meri i no save bihainim pasin bilong yusim kondom olgeta taim - planti bilong ol no nap. Dispela em bilong wanem sampela taim ol i save bihainim laik bilong ol man, husat i les long putim karamap we ol i save kros, na long arapela taim ol ejensi we ol i wok long i no save givim ol karamap long ol wok manmeri bilong ol.
- Hevi (vaioleins) insait long haus na tu long sait bilong meri i no helpim long givim long nid bilong ol pikinini i kirapim sampela long go insait long dispela seks-industri. Sampela taim em i kamap bilong wanem famili i nogat mani - na long arapela taim em i kamap bilong wanem man i bikhet. Komiti i harim tok i kam long ol sinia ami opisa olsem sampela soldia husat i gat posting autsait i no nap long givim helpim i go bek long ol meri na pikinini bilong ol long ples. Ol seks weka i tok olsem patna bilong ol i save pilai mani, i save patim ol (vaioleins) na nogat gutpela save bilong ol long sait bilong silip wantaim man bilong ol, long dispela na man bilong ol i lusim ol wantaim ol pikinini long stap ol yet. Planti i gat ol pikinini, na i no bin gat wei long helpim ol pikinini bilong ol.
- Sik STI we ol i ken stretim, ol i no save kisim marasin. Komiti i harim olsem i gat hevi long kisim ol risos - sampela taim em mani, man yet, sampela taim arapela risen na sampela taim olgeta. I no save gat marasin o i no gat wok manmeri bilong haus sik taim marasin i stap. Komiti i harim tu olsem taim marasin i kamap i nogat wok bilong ol bilong wanem ol i abrusim deit bilong yusim.
- Namba bilong STI i wok long go antap na i go yet. Taim wanpela i slip wantaim arapela husat i gat STI dispela i apim namba bilong kisim HIV. Taim wanpela wantaim STI i no kisim marasin hariap dispela i ken mekim HIV i kamap.
- Nogat gutpela plening long ol lokal eria i mekim na namba bilong ol setelmen i go antap na dispela ol i stap long hap i nogat wei long sapatim ol yet. Nogat mani (poveti) i stap namel long planti famili we i bruk, pasin bilong stil na sik - na tu bikpela asua bilong kisim sik HIV.

Sampela bilong dispela ol peten em i stap ples klia long taim yet na lukluk bilong komiti em long painim nupela wei long lukluk long dispela ol hevi na long stretim ol.

Moa infomesen bilong ol pablik kibung i stap long ol lokal Provinse AIDS komiti o long Palamenteri Komiti Opis (diteil i stap daunbilo).

Ol pipel husat i laik rait i ka mi mas salim pas bilong ol bipo long 9 Disemba. Moa infomesen long hau yu ken salim pas bilong yu, yu ken kisim long HIV/AIDS Komiti Sekretariat Opis.


Komiti Seketeri

Spesol Palamentari Komiti long HIV/AIDS
P.O Box Parliament Haus
Waigani
NCD.

Telipon: 675 3255247
Feks: 6753255246
Mobail: 6756833701
Email: HIV_inquiry@yahoo.com



SPESEL PALAMEN KOMITI MEMBA: hai Komisina bilong Briten David Gordon-Macleod i givim ripot bilong em long pablik enkwairi we Spesel Palamen Komiti lain i bin holim long Gordons Sekonderi skul, Pot Mosbi



SAB KOMITI: Komiti i sindaun long kibung long Save the Children long Lae, Morobe provins. John Power em Komiti konsalten, Dokta Banare Bun em Komiti Siaman, na Ben Kiagi, Palamen komiti memba.



BIKPELA WARI LONG OL BAREKS: Meja Thomas Tibong na Lefthenen Kenel William Bartley i givim ripot long pablik enkwairi long Lae Provinse Hai skul. Ol bin givim ripot bihainim wanpela wok painimaut long ol lokal bareks we i luksave long 30 pesen mak we HIV i kalap i go long narapela long ol bareks.

Ol kopi koporetiv fama kisim moa long K822,000

James Kila i raitim

PLANTI handret memba bilong ol koporetiv maketing grup em Kopi Industri Koporesen (CIC) i bin helpim ol wantaim teknikol etvais o stia tok i laki tru taim ol i kisim moa long K822,000 nupela moni i kam long ovasis bihain long ol i salim kopi bilong ol aninit long koporetiv.

CIC Koporetiv Maketing Kodineta Brian Kuglame i bin tokaut las wik taim sampela sinia menesmen bilong CIC i bin go long ol ples olsem Kundiawa, Goroka, Mendi na Banz Westem Hailans long givim sek moni i go long ol wan wan smolholda fama husat i bin bungim kopi bilong ol na salim i go ovasis.

Mista Kuglame i tokaut olsem

dispela moni em ol lain smolholda fama i kisim i soim pasin bilong wok bung wantaim long redim gut kopi bilong ol long salim insait long grup na kisim gutpela prais.

Insait long dispela moni mak ol smolholda fama insait long ol provins long kantri i kisim em Isten Hailans (K431,000), Westem Hailans (K175,000), Simbu (K97,000), Morobe (K72,000), Madang (K45,000), Sauten Hailans (K5,000) na Enga (K2,600).

Mista Kuglame wantaim ol sindia menesmen bilong CIC i bin raun i go long ol ples na bungim ol smol holda fama na givim ol wan wan sek moni bilong ol.

Bikpela toktok Mista Kuglame wantaim ol arapela opisa i bin givim long strongim wok bilong ol fama em olsem ol i mas wok

strong long kopi bilong ol olgeta taim maski prais i go daun o go antap. Kopi em i wanpela strongpela komoditi insait long intansenel o wol tred o wok bisnis.

Mista Kuglame, husat em wanpela strongpela na hat wok opisa bilong CIC i tokim ol smol holda fama olsem ol i mas wok hat na tingim bihain taim bilong ol pikinini bilong ol.

Wanem moni ol i kisim em ol i mas sevim na mekim gutpela wok long en. Noken yusim moni nating nating long baim bia na amamas wantaim ol poroman na lus tingting long famili.

Em i tok tu olsem ol papa i mas tingim ol famili o pikinini bilong ol long bihain taim na planim kopi bilong ol dispela pikinini. Bihain ol pikinini i ken yusi ol kopi ya long lukautim sindaun bilong ol.

Finshafen kamapim "lewakai padi" (rais)

Paulus Tali i raitim

OL PIPEL bilong Finsafen long Morobe Provins nau i amamas long kamapim 'Lewakai' pedi rais bilong ol yet.

Dispela nupela rais bilong Finsafen yet em 15,700 samting fama i groim long ol ples i stat long Burum na i go olsem long Kuat, Kote, Mape na Yabim.

Wanpela yangpela man Bafiu long Pindiu distrik, nem bilong em Dexey Sewey em i siaman bilong Humako Pama Groas Asosiesen, pastaim i bin skul long Erap Didiman na ol Taiwan i lainim em long planim rais.

Bihain long em i go long ples na karim ol pikinini rais i go na em planim na givim long ol arapela fama long planim. I no long taim olsem 3-pela mun tasol rais i kamap nau ol lukim olsem em i isi tru long mekim moni long en.



Siaman bilong Humako Farmers Asosiesen Dexey Sewey i hapim tupela paket bilong Lewakai rais em ol i planim long Finschafen, Morobe provins.

Long dispela tasol as sapos yu go long Finsafen bai yu no inap lusim rais we ol wok bilong Finsafen i kamapim, klostu bai yu lukim olsem trukai o sunlong rais, tasol sapos yu traim kaikaim lewakai rais em i swit moa.

Ol i pekim long 1 kilogram paket na yang-

pela Sewey yet i tokim Wantok Niuspepa, olsem em i stat planim long yia 2000 na pinis long 2005.

"Kaikai bilong em i kamap na em i soim mak olsem bipo mi kik soka bol go inap nau em i go long gol stret.

"Hatwok bilong mipela i karim kaikai nau long mipela

Finshafen pipel bilong wanem mipela i namba wan lain long kisim Gutnius i kam tasol i nogat gutpela samting kamap.

"Na ol lida bilong bipo nau i lus tingting long mipela," em i tok

Em i kam long Lae long lukim ol lain Finshafen long ol i mas sapatim em long tokaut



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Gnetum gnemon (tulip)

Nem bilong en: TULIP

Ples we em i save groa:

Gnetum i gat tupela ten eit (28) spisis bilong ol tropikel lianas, o ol liklik bus diwai. Gnetum gnemon i save groa long olgeta hap bilong PNG long ol ples daun na ol lain diwai we i no bikpela tumas, moa long ol andastori na graun we i no save holim wara. Dispela spisis em ol i save groim klostu long ol ples na ol olupela gaden.

Wanem kain diwai:

Gnetum gnemon em i wanpela liklik i go namel sais diwai we longpela bilong em i go inap 25 mita, sampela taim bikpela bilong namel bilong em i save abrusim 50 sentimita. Bikpela bun bilong em i save groa antap i go olgeta long het bilong em. Ol han diwai bilong em i save kamap daunbilo long bikpela bun bilong em. Ol lip i bikpela liklik na raun na nus bilong em i sap. Longpela bilong ol lip em 20 sentimita.


Flaua bilong em i save kamap olsem ol liklik katres. Kala bilong ol i yelo, na ol flaua i save kamap bung bung. Prut bilong em i olsem wanpela liklik mango. Em i ret.

Rot bilong yusim:

Bipo ol i save groim tulip long kaikaim prut na lip bilong en. Ol yangpela lip na ol liklik kru bilong ol em i gutpela long kukim wantaim ol arapela kumu. Insait skin diwai bilong em i gutpela long mekim rot bilong ol bitum na umben long kain kain sais bilong holim na kukim ol pik, sikau na mumut. Bikpela bun na ol han diwai bilong em ol i save yusim bilong sanapim ol haus.

Taim bilong karim plaua:

Taim bilong em long karim flaua em i save bihainim ples we em i groa.



Bungim na prosesim ol sit:

Dispela taim namel long taim bilong flaua na taim bilong prut i mau em inap long tripela mun. Ol sit i mau em yu ken kisim long diwai o long graun. Ol prut we i mau pinis i save pundaun long graun we ol rat, na mumut i save kaikaim ausait mit bilong en na lusim ol pikinini i stap ples klia.

Rot bilong groim insait long neseri:


Propagesen o wok bilong groim insait long neseri em i isi tru long wanem yu ken putim sit i go insait long graun na em yet bai groa. Yu ken yusim ol kating, o ol kru bilong em long groim ol arapela diwai.

McCARTHY & ASSOCIATES (FORESTRY) PTY. LTD.
National & International Forest Consultants
mccat@datec.net.pg

"Long kisim tok stia long olgeta wok diwai"

Cat® Vibratory Soil Compactors

CS-563E
CP-563E



Designed to provide...
Outstanding Performance,
Reliability and Fuel Efficiency.

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Select low amplitude when operating next to structures, when approaching final density, or to avoid fracturing aggregates. Patented eccentric weight design assures positive amplitude selection and helps extend vibratory system service life.

Hastings Deering



Product People Commitment.
We deliver.

PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



HARIM TOK PISIN LONG
INDIA AUSTRALIA
101.9FM
Port Moresby

Tok Pisin Service
6am - 7am
5995; 6020; 9710; 1280(KHZ)

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun Mas 2005

MANDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afeas
7AM	Stesen Pas
7.01PM	Stesen Op
7.15PM	Ol Hetlain na Program Priviu
7.30PM	Spots
7.30PM	Nius na Karent Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afeas
7AM	Stesen Pas
7.01PM	Stesen Op
7.15PM	Ol Hetlain na Program Priviu
7.30PM	Musik na Chit-Chat
7.30PM	Nius na Karent Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afeas
7AM	Stesen Pas
7.01PM	Stesen Op
7.15PM	Ol Hetlain na Program Priviu
7.30PM	Musik na Chit-Chat
7.30PM	Nius na Karent Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afeas
7AM	Stesen Pas
7.01PM	Stesen Op
7.15PM	Ol Hetlain na Program Priviu
7.30PM	Musik na Chit-Chat
7.30PM	Nius na Karent Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afeas
7AM	Stesen Pas
7.01PM	Stesen Op
7.15PM	Ol Hetlain na Program Priviu
7.30PM	Musik na Chit-Chat
7.30PM	Nius na Karent Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE	
Nait	7PM Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE	
Nait	7PM Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femili Blong Serah (Radio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

PACIFIC BEAT

Ol Fiji i bin laik kisim bek moni bilong ol

TUPELA long ol 9-pela eks-sevisman bilong Fiji, husat i bin wok olsem ol sekyuriti gat long ailan bilong Bogenvil i stap nau long Pot Mosbi.

Insait long dispela samting we ol i nau kolim "meseneri" o paitman tok kamap, toktok i kamap olsem i gat narapela as long wanem tru na ol i kisim dispela wok.

Wanpela bilong ol man Fiji i tokim wanpela redio stesen long Bogenvil olsem ol i stap long Bogenvil long kisim bek moni we ol manmeri bilong Fiji i bin putim i go insait long moni skim bilong Noah Musingku.

Ol polis insait long Papua Niugini i laik kisim Mista Musingku long wok em i bin mekim insait long dispela mani skim U-Vistrak we i bin pinisim planti moni tru bilong ol pipel.

Husat i askim:

Caroline Tiriman

Husat i bekim: Emosi Rakai, Seken Seketeri, Fiji Hai Komisen, Port Mosbi; Fereti Rokodi, eks-sevisman bilong Fiji.

TIRIMAN:

Tupela man Fiji, Fereti Rokodi na Semi Baroi, nau i lusim pinis Bogenvil behain

long ol i stap moa long 4-pela wik long ailan.

Lusim bilong tupela long Bogenvil em bihin long wanpela gutpela raun i go long Tonu, long bik ples Bogenvil, we Seken Seketeri long Fiji Hai Komisen long Port Mosbi, Emosi Rakai i bin go.

Wantaim heipim bilong ol atoriti long Bogenvil gavman na ol memba bilong dispela "Meekamui gavman" insait long no-go hap bilong Bogenvil, Mista Rakai i bin bung wan-taim dispela tupela man.

Tasol nau i lukim olsem i bin gat arapela as long wanem stret na dispela ol man Fiji i bin stap insait long Bogenvil: ol i bin stap long kisim bek mani we i stap insait long dispela feiled mani skeim U-Vistrak.

Wanpela bilong dispela tupela man Fiji, Fereti Rokodi, i bin tok klia long wok bilong em long lokel midia.

ROKODI: Long tok klia long yupela, mipela i sekim ol invesmen bilong ol manmeri bilong Fiji.

Dispela ol man husat i go wantaim mipela, ol tu i bin putim man ii go

insait long dispela skeim, long dispela olsem as bilong mipela long kam, mi bilip insait long hat bilong mi, olsem nogat samting i wok long kamap long kirapim dispela ol wari. Tasol, olgeta man i save tingting narakain.

Ol i wok long trenim ol pipel long hap, i no long kisim ol pipel long pait egensim otonomes gavman. Mipela i kamap wantaim tingting olsem as bilong wok bilong mipela em i no long sekim ol invesmen bilong mipela, tasol long tokaut long tok bilong God i go long ol defens pipel long hap na tu autim tok bilong God i go long ol manmeri bilong Tonu.

Dispela hevi we i kamap, mipela i ken go bek na toktok wantaim ol arapela man na kisim ol kam aut bipo long 28-dei bilong Desemba. Mi les long stap moa, bilong wanem mi laik lukim ol famili bilong mi. Mipela i stap tripela wik olgeta, na nau em namba 4 wik. Semi na mi, i save beten, mipela i bin beten yet long yia 1999, mipela i weit 6-pela yia. Na mi bilip wantaim olgeta hat bilong mi long ol toktok mipela i holim

wantaim direkta bilong U-Vistrek, olsem peiaut bai kamap bipo long 25-de bilong Desemba.

Bikpela tingting bilong mi em long tok olsem mi no bilipim em, tasol mi no nap long tok baksait long dispela, bilong wanem em dispela tasol mi nau Sami i wok long beten long, nau insait long Fiji ol pipel i wok long beten tu long dispela.

Tasol long tok klia long yu ken, mi laik go bek long hap behain long mi kam long Mosbi to toktok wantaim direkta long kisim dispela ol pipel i kam aut.

TIRIMAN:

Long wankain taim tu, Seken Seketeri bilong Fiji Hai Komisen long Port Mosbi, Emosi Rakai, i tok olsem em i laik go bek long Bogenvil long kisim ol arapela man Fiji. Mista Rakai i tok olsem, em i mas go bek long no-go hap long kisim bek dispela gutpela sindaun namei long Bogenvil na Fiji.

RAKAI:

Tingting bilong mi i bin strong tru na taim mi bung wantaim Mista Musingku, mi bin tokim em olsem mi bin laik go bek wantaim

8-pela ol man Fiji, tasol wok ol i salim mi i go long em, "sapos mi no nap long kisim olgeta 8-pela man, mi mas traime long kisim wanpela long kam bek na toktok wantaim midia na long stretim ol ripot bilong midia."

Mi wok long toksave long Sir Michael Somare na ol pipel bilong Fiji o ekting sif eksekutiv opisa long taim mi kam aut long miting wantaim Noah na mipela i wanbel olsem Fereti na Sami long kam, sem taim mi salim toksave i go long komisen bilong ol long Port Mosbi.

Taim bilong mi long opis i bin pinis long 9 Oges, ol i surukim i go long pinis bilong neks mun, sapos taim i tok orait, mi i orait tasol long go ken long Tonu long kisim arapela 6-pela husat i stap yet, long dispela mipela i ken kamapim ken gutpela pasin poroman we i stap pinis.

Na wantaim dispela mi laik tok tu olsem gavman bilong Fiji i stap wantaim mipela long ol wei, we mipela i wok long kamapim, we mipela i ken kisim olgeta aut na mi laik tok yumi stat nau wantaim dispela proses.

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

<p>RAGBI LIG OKUK MORI ROGERSON KAP Sarere - Disemba 3, 2005 Oval 2 Pul D - B Gret 09:00 Flame Nambis Storms vs East Nokondis 09:40 Moitaka Dragons vs Morobe United 10:20 Kone Sharks vs NBAA 11:00 Makana Cowboys vs Hila Kenis 11:40 Bomai Eagles vs Boroko Bulldogs Pul D - A Gret 1:00 Flame Nambis Storms vs East Nokondis 2:00 Moitaka Dragons vs Morobe United 3:00 Kone Sharks vs NBAA 4:00 Makana Cowboys vs Hila Kenis 5:00 Bomai Eagles vs Boroko Bulldogs Oval 3 Pul A - B Gret 09:00 Bekiho United vs Saraga Saints 09:40 Limestone Bears vs 8 Mile Settlers 10:20 Kipo Tigers vs Vanuatu Raiders 11:00 Gordon Ridge vs D6 Mosquitoes 11:40 Hebou Tigers vs N33 KM Storms Pul A - A Gret 1:00 Bekiho United vs Saraga Saints 2:00 Limestone Bears vs 8 Mile Settlers 3:00 Kipo Tigers vs Vanuatu Raiders 4:00 Gordon Ridge vs D8 Mosquitoes 5:00 Hebou Tigers vs N33 KM Storms</p>	<p>Sande - Disemba 4, 2005 Oval 2 Pul C - B Gret 09:00 Vadavada United vs Kanage Spiders 09:40 Gouno Nomads vs 4 Mile Cats 10:20 9 Mile Crushers vs Negefi Bears 11:00 F O Barbarians vs Bomai Yal 11:40 Backyard Tigers vs Fincorp Warriors Pul C - A Gret 1:00 Vadavada United vs Kanage Spiders 2:00 Gouno Nomads vs 4 Mile Cats 3:00 9 Mile Crushers vs Negefi Bears 4:00 F O Barbarians vs Bomai Yal 5:00 Backyard Tigers vs Fincorp Warriors Oval 3 Pul B - B Gret 09:00 6 Mile Warriors vs GH CKO 09:40 Kerowagi United vs Daima Gunz 10:20 GH Eagles vs 7 Mile Jets 11:00 Pulumpa vs Mondo Tigers 11:40 5 Mile Spiders vs Wildlife Pythons Pul B - A Grade 1:00 6 Mile Warriors vs GH CKO 2:00 Kerowagi United vs Daima Gunz 3:00 GH Eagles vs 7 Mile Jets 4:00 Pulumpa vs Mondo Tigers 5:00 5 Mile Spiders vs Wildlife Pythons MORATA RAGBI LIG Sarere - Disemba 3, 2005</p>	<p>C Gret 09:00 Raiders vs East Eels 09:30 Com Tigers vs Knights Newtown 10:00 TS Hawks vs Megusa Brothers 10:30 Talapia Magpies vs West Kanges 11:00 Gateway Sharks vs Wata Rangers 11:30 Kongo Rats vs Northern Warriors 12:00 Mumut vs M3 Bulldogs B Gret 1:00 Raiders Guburi vs Eastern Eels 1:40 Community Tigers vs Newtown Knights 2:20 TS Hawks vs Megusa Brothers 3:00 Talapia Magpies vs West Kanges 3:40 Gateway Sharks vs Wata Rangers Sande - Disemba 4, 2005 B Gret 09:00 Kongo Rats vs Northern Warriors 09:40 Mumuts vs M3 Bulldogs A Gret 10:30 Guburi Raiders vs Eastern Eels 11:30 Community Tigers vs ewtown Knights 12:30 TS Hawks vs Megusa Brothers 1:30 Talapia Magpies vs West Kanges 2:30 Gateway Sharks vs Wata Rangers 3:30 Kongo Rats vs Northern Warriors 4:30 Mumut vs M3 Bulldogs VOLIBOL MORATA WOMENS VOLIBOL KOMPETISEN Sarere - Disemba 3, 2005</p>	<p>1:00 Newtown Knights vs Gateway Sharks 1:30 Northern Warriors vs West Kanges 2:00 Kong Rats vs M3 Bulldogs 2:30 Eastern Eels vs Talapia Magpies 3:00 Megusa vs Guburi Raiders 3:30 Comm Tigers vs Wata Rangers 4:00 Mumut vs TS Hawks Sande - Disemba 4, 2005 1:00 Mumut vs Wata Rangers 1:30 Eastern Eels vs M3 Bulldogs 2:00 TS Hawks vs Northern Warriors 2:30 Kongo Rats vs Comm Tigers 3:00 Talapia Magpies vs Megusa 3:30 Guburi Raiders vs Gateway Sharks 4:00 Knights vs West Kanges NETBOL PRAIVET KAMPANI NETBOL Sande - Disemba 4, 2005 Primia Divisen - Kot 2 1:00 Courts vs P-Print 1 1:45 Fairdeal vs Daltron 2:30 Brian Bell vs BSP 1 3:15 Kina vs Kenmore Divisen 1 - Kot 3 1:00 STC Fin vs NTIL 1:45 Pryde vs SP Brewery 1 2:30 Datec 1 vs HDPNG 3:15 OSL vs Theodist Divisen 2 - Kot 4 1:00 ANZ vs GFI 1:45 Datec 2 vs Pomtrans</p>	<p>2:30 QBE vs AHC 3:15 Coca Cola vs Lamana Divisen 3 - Kot 5 1:00 WPC Askonce vs Bishop Brothers 1:45 PWC vs Brian Bell 2 2:30 Curtain Brothers vs Kumul Hotels 3:15 LBC vs National Division 4 - Kot 6 1:00 SP Brewery 2 vs Andersons 1:45 PNGSF vs BSP 2 2:30 Moore vs Meddent 3:15 WPC 2 vs STC Shipping Divisen 5 - Kot 7 1:00 Renos vs Boroko Motors 1:45 Able Computing vs POSF 2:30 Century 21 vs Mirupasi 3:15 Pacific Industries vs Fincorp Divisen 6 - Kot 8 1:00 Raywhite vs RH Hypermart 1 1:45 Paraka vs STC Hardware 2:30 Johnstons Pharmacy vs Ela Motors 3:15 Hertz vs Air Niugini Divisen 7 - Kot 9 1:00 Pro-Clean vs APNG 1:45 City Pharmacy vs Star-Fish 2:30 DHL vs P-Print 2 3:15 Cul-Delight vs Arnotts 1 Divisen 8 - Kot 10 1:00 Kassman vs Barlow 1:45 AFL vs Copytek 2:30 Nasfund vs STC Hotels</p>	<p>3:15 Young & Williams vs Bishop Brothers 2 Divisen 9 - Kot 11 1:00 Kenmore 2 vs Veupunama 1 1:45 RH Hypermart 2 vs MRDC 2:30 Deloitte vs Global 3:15 IPA vs Temis Divisen 10 - Kot 12 1:00 Arnotts 2 vs Stop N Shop 1:45 Sinton vs EFM 2:30 PDE vs Adsteam 3:15 Indies vs Veupunama 2 SOFBOL POT MOSBI WOMENS SOFBOL 2005/06 SISEN Sarere - Disemba 3, 2005 Daimon 3 08:00 Dolphins vs Chebu (U16) 09:30 Airways Bears vs Kopex (U16) 11:00 Airways Bears vs Gazelle (B) 12:30 Kopex vs Bre Wantoks (B) 14:00 Dolphins vs Gazelle (A) 15:30 Airways Bears vs BRE Wantoks (A) Daimon 2 08:00 BRE Wantoks vs SP (U16) 09:30 Admiralty vs Tikina (U16) 11:00 Chebu vs Dolphins (B) 12:30 Manalos vs Tikina (B) 14:00 Admiralty vs SP (B) 15:30 Chebu vs SP (A) Bye: Admiralty (A); Manalos (U16)</p>
--	--	---	--	---	--

Vuvu Sekenderi Skul manki winim namba tu gol long Pasifik Skul Gem

Pasifik Skul Gem

FRANCIS Kompaon, Gret 11 Vuvu Sekenderu Skul sumatin i winim namba tu gol long Pasifik Skul Gem long Melbon, Australia long Tunde dispela wik.

Kompaon i bin resis long 100m sprin bilong ol ronman husat i gat hevi long bodi we em i kamap long taim 12.12 seken.

Tasol pinis taim bilong Kompaon long dispela resis long taim em i ron long nesenel sempionsip long Lae dispela yia em 11.23 seken. Dispela i min olsem Kompaon inap spit moa long displea 12.12 seken we em i kamap long em.

Long Mande dispela wik yet Kompaon i bin ron long 200m sprin we em i winim long taim 24.3 seken. I tru em i kamap namba wan long dispela resis na winim gol medol pastaim taim bilong em i stap long 23.3 seken. Gen PNG Disabiliti spot

menesa Sophie Tuna i tok Kompaon i ken go moa long dispela spit.

Long amamas long kamap bilong em PNG Disabiliti Spot Federesen na Paralympik Komiti presiden Ben Theodore i tok planti manmeri i bin helpim Kompaon long kamap long dispela ol resis na long em i winim ol gol medol dispela em i gutpela nius.

"Mi ting kain ron bilong em bai strongim tingting bilong ol arapela etlit husat i kamap long ol pilai," Theodore i tok.

Em i tok tenk yu long ol lain olsem PNG Spot Komisen, PNG Spot Federesen, Is Nu Britan Disebel Bod na St Mary's Vuvu Hai Skul long sapot bilong ol long Kompaon.

Kompaon i go wantaim PNG Swimming tim tasol aninit long grup ol i kolim etlit o pilai wantaim hevi long bodi na em tasol i kamap long ol ron long tim bilong PNG.

Ol narapela em ol swima.

Wollom kamapim ol krismas pilai

POT Mosbi Not Is elektoret bai pairap wantaim kainkain ol pilai long dispela krismas taim Mema Caspar Wollom i statim ol pilai long dispela wiken.

Ol pilai we bai stat long dispela wiken na i go insait long krismas taim em long tupela tas ragbi lig kompetisen na tupela soka kompetisen.

Tupela tas ragbi pilai bai kamap

long Laloki ausait long Pot Mosbi siti-na Gordon Polis Bareks.

"As bilong kamapim dispela ol pilai em long bungim ol pipel wantaim na long mekim ol yangpela i no ken pas long pasin raskol na ol arapela pasin nogut," Wollom i tok.

Wollom i wanpela strongpela sapota bilong ol spot na olsem em i bin sponsaim ol tim olsem Vipers.

Koime brukim 100/200m rekot gen

etletik



GIVIM SIKSTI: Mae Koime taim em i ron long 100m na 200m sprin long Brisben, Australia las Sarere.

PNG spitmeri Mae Koime i brukim gen nesene rekot bilong em we em i bin kamapim long las wik long 100m resis we em i kamap long taim 11.79 seken long Brisben, Australia long las wik Sarere.

Na long 200m sprin Koime i kamap long taim 24.31 seken.

Long dispela taim em i resis wantaim ol spit meri bilong Australia na dispela presiden bilong PNG Etlek Union Tony Green i tok i givim gutpela taim long Koime long taim 6l. "Dispela em i narapela bikpela mak bilong Mae," Green i tok we em i stap wantaim ol rana long Brisben.

"Kosa bilong em Lloyd Way i bin givim liklik wok long trening bilong em long givim em taim long redi gut long dispela resis na mak em Koime i kamap long em i gutpela tru," em i tok.

Na Salome Dell i skruim yet ol gutpela taim bilong em long 800m resis tasol ol dro we ol i kamapim i no bin helpim Dell long kamap long taim em i mas kamap long em, Green i tok.

"Resis long 8 resis dispela Kainantu meri i win gut tru na kamap long taim 2 minit 18.1 seken."

Dispela resis em ol i winim long taim 2 minit 14 seken na laspela meri husat i kamap long dispela resis i kamap long taim 2 minit 16 seken. Sapos Dell i bin resis long narapela grup em bai inap abrusim dispela taim," Green i tok.

Tasol Dell i kamapim narapela gutpela mak long 400m resis long avinun we em i kamap long taim 58.62 seken. Dispela resis em meri Western Hailans Toea Wisil husat i win long taim 57.40 seken.

Wisil i winim gut tru narapela Australia meri Karla Leyden.

Na Maria Kaupa i no inap kamap long ol pilai long hevi bilong sua long lek.

Koime na ol narapela PNG meri etletik tim i stap long Brisben long redim ol yet long Mas 6, 2006 Melbon Komenwel Gem.

Dispela ol meri i stap long hap long wanem ol i kamapim ol gutpela mak na winim ol medol long resis bilong ol long ol bikpela resis.

Tim bilong ol man i mas mekim olsem sapos ol i laik stap long wankain trening.



KLIA: Darusila William bilong Admiralty i ron long laip bilong em taim em i kam long bes egensim Wantoks Lisa Polum i no hariap long autim em.




BILONG MI: Fairdeal Ranu Ray (GS) i no wari sapos Karen Gavera bilong PNG Printing i sanapim strongpela banis long pasim em. Tasol turangu Ray wantaim Faideal i no bin pilai strong.



SOT: Oge Numata bilong Telikom i traim tasol em i hat long pasim longpela han bilong Geua Raula bilong Palamen long NCD Pablik Sevens netbol pilai long Rita Flynn Kot las Sarere.



BUN PAIRAP: Ol bun i pairap tru long Hohola ragbi lig taim Valley Brothers (wantaim bal) i bingim MB Reds long Hohola ragbi lig pilai graun las Sarere.



I KAM: Andrew Liwon bilong Ice Kopex i redi tasol long hamarim bal long taim of i pilai wantaim Manalos long Pot Mosbi A Gret sofbol pilai long Bisini Daimon las Sande.



SIL YAH: Tupela meri bilong Kipo danis grup bilong Lufa distrik i soim Okuk Mori Rogerson Sil we NCD Rijinol Memba Sir William Skate i lonsim wantaim kap long las Sande.

Ronaldinho winim Golden Bol awot olsem Yuropian-Soka-P'laia

PARIS, Frans: Ronaldinho, wampela Brasil intenesenel pilaia husat i pilai long Spain long dispela wik i winim Golden Bol Awot insait long Yuropien soka.

Long taim em i kisim dispela awot em i salensim ol narapela na i tok em i ken kisim dispela awot gen long sampela moa yia.

Em i tok dispela em i stat bilong ol gutpela samting we sampela manmeri i ting stail na strong bilong em i pinis.

"Mi laik kam bek na win long narapela yia na ol yia i kam bihain," Ronaldinho i tok. "Dispela awot i kirapim laik bilong mi long pilai hat moa na stap namba wan pilaia yet."

Long Spain Ronaldinho i save pilai wantaim FC Barcelona we long taim bilong makim husat i namba wan pilaia long Yuropian soka em i stap sampela mak antap liklik long Chelsea pilaia bilong Ingran Frank Lampard na Liverpool Steven Gerrard.

Na wina bilong las yia Andriy Shevchenko husat i pilai wantaim AC Milan i kamap namba faiv long dis-



Getty Images

TENK YU: Ronaldinho husat i winim Golden Bal Awot olsem Yuropian-Pilaia-Bilong-Yia.

pela yia bihain long Arsenal Thierry Henry.

"Bihain long mi pilai wantaim Barcelona na Brasil ol samting i stat long kamap gut," Ronaldinho i tok.

"Olgeta taim mi save putim mak long helpim klab na kantri bilong mi." Em i namba


tri Brasil pilai bihain long Rivaldo long 1999 na Ronaldo long 1997 na 2002.

"Dispela driman i karim kaikai," Ronaldinho husat i winim FIFA pilaia bilong yia long las yia, 2004. "Taim mi lukim olgeta nem long pepa na lukim nem bilong tupela

pilaia bilong mi, Ronaldo na Rivaldo, mi luksave olsem dispela em i bikpela samting tru."

"God i save givim samting long ol man. Sampela long rait, sampela long danis. Mi em i givim mi save bilong pilai soka," Ronaldinho i tok.

Gutpela, nogut na nogut olgeta



STRONG LIKLIK: Mike Kahn bilong Rockets i tingtin planti i stap long wanemwe ol bai mas pilai strong.

AMERIKA: Ol samting i wok long kamap strong wantaim Houston Rocket... hariap tumas.

Gutpela nius em olsem i planti fridom i stap long rot bilong ol long pilai bilong ol long Westen Konferens. Dispela em sapos ol i abrusim Antonio Spurs na Dallas Mavericks.

Tasol maski long dispela ol Rocket i putim lek i go daun pinis long wara bipo long pinis bilong mun long sisen. Na bikpela askim bipo long ol em long wanem wei ol bai mekim olgeta samting i kamap gut, em long mekim skru bilong Tracy McGrady i kamap orait.

Long lukluk bilong ol man ol Rocket i statim kompetisen wantaim 3-11 sans we ol i lusim 7-pela pilai olgeta long wanpela taim we nau i lukim olsem long 10-pela pilai ol i kamap long ol Rockets i winim tasol 2-pela long dispela pilai. Ol i gat rekot nogut long Westen Konferens we difenda bilong ol Rafer Alston em bun lek bilong em i bruk liklik na Saina pilaia Yao Ming i no inap long helpim tim i go moa yet wantaim McGrady. Dispela i min olsem tru ol i Rockets i stap long taim nogut.

Taim bilong Kangaroos i pinis



INGLAN: Australia Kangaroo prop Petero Civonceva i tok em i sem long stap insait long namba wan Australia tim we i lus krangki na bagarapim gut nem na biknem bilong Australia ragbi.

Dispela 24-0 lus long ol Nu Silan Kiwis long las Sande long fainol bilong Trai Nesen ragbi lig kap resis i soim olsem strong bilong Australia i pinis.

Win bilong Nu Silan i kamap bihain long 27-pela yia em ol i wok long traim long rausim dispela strong bilong Australia.

"Tru, tru dispela em i bikpela sem," Civonceva i tok. "Mipela ol lain husat ol bai tok olsem mipela i namba wan lain long lus long dispela Trai Nesen pilai. Mipela i nogat eskus."

Australia i bin mekim nem long ragbi lig long las 30 yia na las Sande em i kamapim wanpela rekot nogut long dispela ol yia.

"Olgeta dispela (gutpela) rekot i kapsait," Civonceva i go moa long



I PINIS: (l-r) Anthony Minichello, wampela pilaia na Willie Mason i paul long lus bilong ol long Kiwis 24-0.

tok. "Mipela i no traim long kamapim gutpela pilai."

"(Long dispela pilai) mipela i wok long difen tasol na taim mipela i kisim bal mipela i no traim long setim mipela na pinisim gut pilai."

Long mipela i laik long plen gut na long ol asua mipela i mekim i kilim mipela gut," em i tok.

"Mipela bai mas stap olsem tasol wantaim dispela lus, bungim mipela gen na traim long winim gen long narapela yia," winga Matt King i tok.

Em i tok dispela presa

bilong ol pilaia i skruim na holim yet dispela gutpela rekot bilong Australia i stap long han bilong ol.

"Mipela i lusim dispela nem em mipela i bin gat long en," King i tok.

"I bin i gat liklik presa long rekot bilong Kangaroo na mipela i no bin traim long holim gut dispela rekot."

"Mipela i nogut tru. Olgeta lain i save long wanem kain wei em mipela i pilai long em, i gat planti ol samting em yu ken tokaut long em." Em i bagarapim mipela.

Liklik skin Hatton mekim planti man kirap nogut

AMERIKA: Ricky Hatton i sotpela na i pat wantaim kain wei we ol manmeri bai i no inap long laikim tumas.

Na planti taim em i save karim blut wantaim long ol pait bilong em.

Bodi bilong em i pulap long ol mak bilong sua em i kisim long ol pait wankain olsem Imelda Marcos (meri bilong bipo Filipino president Ferdinand Marcos) husat i gat planti su long wanpela taim.

Tasol aninit long boksing let bilong em bagaros i winim 40-pela pait na 30-pela nokaut. Na sampela taim em i save mekim ol teknikal fau tasol ol referi i abrusim long lukim o i lukim tasol i no laik long mekimsave long em.

Dispela man maski bodi bilong em i liklik i no man nating. Em i sempion bilong Intenesenel Boksing



TRU YET: Ricky Hatton husat i liklik man tasol i save autim liket bilong ol man long gutpela sais em ol man i hat long paitim.

Federesen na Wol Boksing Asosiesen long junia laitweltawet divison.

Las wiken bagaman i rausim trausis bilong narapela man ol i ting i man nogut bilong ring-

Carlo Maussa.

Bipo long Maussa em Kostya Tszyu husat liklik man yah i winim long Jun.

Planti ol bikpela man i ting ol bai winim em tasol nogat yah.

Funk mekim laspela lap

LA QUINTA, Kalifornia: Wanem kain Skin pilai olgeta em Fred Funk i winim we long stat em i putim pink siot long namba tri hol na pinis long lukim pilai em i wokabout wantaim olgeta mani i go.

"Wow," Funk i tok taim em i no inap long bilipim dispela win bilong em long las Sande long 18 grin hol. Dispela win i lukim em i kisim \$US550,000 na 6-pela skin long \$US925,000 na 15-pela skin long namba wan pilai bilong em.

Funk i bin gat tu-



YES YAH: Fred Funk i hapim han long amamas long win bilong em las Sande.

putt birdie long pa-5 long 18 hol, we em i kisim rekot seting win long taim Tiger Woods i abrusim 8-fut Birdie putt.

Dispela 49-yia man

i kamap olsem lapun man long winim Skin Gem we em i kisim \$US700,000.

"Mi kirap nogut long mi kisim askim long stap insait long dis-

pela samting." Funk husat i winim namba wan Pilaia Sempionsip long Mas long kamap long Skin Gem i tok.

"Olgeta taim mi save lukim long TV na mi kirap nogut long stap insait long em. Em samting mi no bin gat driman long em."

"Namba wan samting em mi no bin driman long winim Pilaia Sempionsip pilai."

Na long taim em i win Fred Couples husat ol i lukim olsem em i king bilong dispela pilai i kirap nogut longlus bilong em.

SPOT RAUN

wantaim

SCOTT VAVINE



Redim ol tim bilong 2007 PNG Gem

LONG las wik toktok mi bin tok strong long wanwan ol provins i mas luksave na kaunim olgeta wei bilong redim tim bilong ol bipo long ol i kamap long 2007 PNG Gem.

Hia mi laik skruim moa ol dispela ol toktok. Sampela ol wei em:

- OL provinsol spot plening komiti i mas hariap long holim wanpela miting long klostu long pinis bilong wanwan yia we dispela i mas stat long 2006;

- RAITIM i go daun wanem ol hevi em ol i bungim long redim ol tim, long stap bilong ol na pilai na kamap bilong ol long pilai;

- OL i mas kamap wantaim sampela ansa bilong dispela ol hevi em ol i bungim;

- OL provinsol spot plening komiti i mas bungim olgeta lain husat ol i save i stap o bai stap long helim na kamapim gutpela tim bilong ol;

- OL provinsol spot plening komiti i mas kamapim fainans o mani komiti i kamapim mani bilong ol;

- LONG hevi bilong mani sapos ol i bungim ol provinsol spot plening komiti i mas skelim na painim aut ol pilai em ol i gutpela long ol na olsem ol bai mekim gut. Dispela em long nogut ol i lingting long salim olgeta man na taim mani i sot tim bai bungim hevi o nogut ol i no salim provinsol tim bilong ol. Mipela i laik lukim olgeta provins i kamap;

- OL provinsol spot komiti i mas helpim long lukim olsem ol distrik pilai i kamap long painim ol gutpela pilaia long ol ples na

- OL provinsol spot komiti i mas stretim ol provinsol tim bilong ol long laspela hap bilong 2006 na namba wan hap bilong 2007 bipo long ol i salim nem bilong ol pilaia long tim bilong ol.

Long taim dispela ol samting i bikpela ol samting we wanwan ol provinsol spot komiti i redim tim bilong ol ol i mas long wankain taim lukluk long sampela bilong dispela ol samting:

- LUKLUK bilong makim menesmen tim bilong ol. Ol i mas makim ol manmeri husat i gat save na wei bilong lukautim ol spot tim;

- MAKIM bilong ol tim kosa na menesa i mas bihain save na ekspirians em ol i gat long en. Dispela em long ol i no ken bungim hevi we opisel i no save long strongim na helpim ol pilaia;

- KAMAP wantaim ol tim we ol inap long kamap wantaim mani na salim ol. Moa yet kamap wantaim ol tim we ol i save ol i gat sans long win. Dispela i no min olsem ol i no ken salim ol arapela tim. Sapos ol i gat mani ol i ken salim olgeta tim em ol i redim long ol;

- OL opisel i mas stap olsem ol opisel na i no ken mekim wok bilong ol arapela lain ol i laik kamap olsem ol pilaia. I bin gat kain hevi i kamap;

- I MAS i gat grup long provinsol spot komiti we ol i kamap bipo long ol tim i kamap long ol pilai long lukluk raun long ol ples na save long ol hap we ol tim bilong ol bai stap na save long wei em tim bilong ol bai stap. Dispela em long ples bilong ol tim long stap, long rot bilong i go i kam long ol pilai, ol ples bilong pilai, ol stua, ol maket, haus sik na ol arapela hap bilong amamas;

- BASET bilong tim i mas stret long lukautim tim long tim i no ken bungim hevi sampela memba long tim bilong ol i go hangre o i nogat wei long painim rot na go kam long ol pilai na

- OL i mas bihainim Sata bilong ol Pilai na Lo bilong Pilai. Ol i no ken mekim ol samting we ol i askim ol opisel bilong spot long bihainim laik bilong ol.

Sapos ol i bihainim dispela ol toktok ol pilai bilong 2007 i bilong ol.

Ol provins we i laik save moa wei bilong spot edministresen i mas ringim opis bilong mi long telepon namba 325 1991. Dispela spot edministresen program i gutpela long wanem em bai redim ol pilaia na tim long kamap gut long 2007 PNG Gem.

... i kam long pes 32 PNG boksing redi long Komenwel Gem

Ol narapela paitman husat i stap long trening skwat bilong PNG Amata Boksing Yunion Komenwel tim em Jack Willie (lait flai wet), Paul Lari (flai wet) Billy Mamu (batam wet), Rickson Yamo (lait wet), Chavis Kora (lait welta wet), John Korake (midol wet), Vincent Kora (lait hevi) na Toksy Seteme (hevi wet). Olgeta boksa i bilong Pot Mosbi tasol Seteme wanpela i bilong Goroka.

Long toktok long ol boksa Avira i tok Chavis Kora i wanpela ekspriens paitman na ol i laik putim em long planti ol pait bipo long em i go long Komenwel Gem. Na long ol boksing han glav, pans, het gia Avira i tok PNGABU i amamas long sponsaim ol boksing samting i go long Misin.

"Mipela i amamas long dispela samting em mipela i mekim na mipela i redi long helpim long wanem kain wei em Misin i laikim helpim bilong mipela."

Long makim maus bilong Siti Misin jenerol menesa Ben Gawi i tok tenk yu long PNGABU na i tok ol manki bilong em bai yusim gut dispela ol samting.

"Mipela bai yusim dispela ol samting long rehabilitetim ol manki bilong mipela," em i tok. "Tenk yu long helpim bilong yupela," em i tok.

Pilai bungim ol pipel: Skate

ragbi lig

Paul Zuvani i raitim

PILAI em i gutpela long wanem em i bungim yumi wantaim, Nesanel Kapitol Distriik Rijinol Memba Sir William Skate i tok taim em i lonsim Okuk Mori Rogerson kap na sil long namba tu na tri pilai bilong Pot Mosbi Ragbi Lig pilai graun las Sande.

Sir William i tok pilai i gutpela long wanem em i kamapim gutpela sindaun long laip bilong man.

"Dispela em i bikpela (ragbi lig) resis we planti manmeri i kamap long lukim na pilai," Sir William i tok. "Long spot yumi i ken pait egensim raskol pasin, spak pasin, pasin bilong pamuk na abrusim hevi bilong kisim sik HIV/AIDS."

"Mipela i pilai tu long rispekim mipela yet na long ol narapela."

"Pilai i bungim yumi wantaim olsem wan pipel."

Em i tok maski ol i rausim em long gavman em bai pait yet long go bek long gavman na helpim ol tiklik manmeri.

Sir William i givim K3,000 long ol eksekutiv long ronim



KISIM: (l-r) Okuk Mori Rogerson, Sir Joseph Nombri, Sir William Skate na Alois Kingsley long de bilong lonsim kap na sil.

ol pilai. Wantaim em long dispela lonsing de em Memba bilong Madang Alois Kingsley, bipo PNG embeseda long Japan Sir Jospeh Nombri na sponsa bilong Mosbi Not Is ov sisen ragbi lig pilai Okuk Mori Rogerson.

Kingsley tu i givim K3,000 long long sapatim dispela ol pilai.

Rogerson i givim K5,000 mani na givim kap na sil long ol eksekutiv wantaim prais

mani long ronim ol pilai.

Rogerson long taim bilong lonsim dispela kap na sil aninit long nem bilong em i tok ol tim i mas pilai strong long soim olsem ol i strongpela tim bipo long ol i winim dispela kap na sil.

"Yu mas soim yu yet pastaim bipo long yu kamap long fainol na kisim dispela sil na kap," Rogerson i tok. Na em i amamas long wok em ol eksekutiv i mekim.

Royals, Masalais wetim fainols

ipatas ragbi lig kap Bustin Anzu i raitim

YASKOM Royals bilong Laiagam na Kundiawa Masalais Simbu i wet tasol long semi fainol bilong Coca-Cola Ipatas Kap (CCIC) long narapela wik.

Tupela tim bilong Hailans i win long pul bilong ol long pul A we tupela i soim gutpela stail bilong ol long 4-pela de bilong pilai na nau bai sambai tasol long win bilong narapela pul pul B long pilai egensim ol.

Gem namel long Kundiawa Masalais na Mendi Royals i bin wanpela gutpela pilai tru we tupela tim wantaim i pilai hat. 10-pela minit i stap yet na skoa i sanap 4-1 we ol boi Simbu i go pas.

Bihain klostu long ful taim ol i putim narapela trai na kisim skoa bilong ol i go olsem 8-1 na ol i win. Ol polisman bilong Mendi i kikim wanpela fit gol insait long namba wan hap bilong pilai na ol birua bilong ol



MAMA! Ol MDC Royals bilong Mendi i korakum long wanpela pilaia bilong Kundiawa Masalais.

i putim wanpela trai tasol.

Pul B pilai bai stat long tumora Fraide, i go inap long wiken na pinis long narapela wik Tunde, Ol semi fainols bai kamap long Fonde na gren fainol bai kamap long Disemba 11.

Bustin Anzu i raitim

WINA bilong Lae Ragbi Lig 14B Pirates i putim wanpela tingting tasol long dispela Coca-Cola Ipatas Kap (CCIC) - stap insait long fainols long neks wik. Na dispela tingting bilong ol bai kamap long namba wan pilai bilong ol tumora (Fraide 2nd).

Pirates, wanpela bilong tupela tim bilong Lae husat i ron insait long dispela resis, bai pilaim namba wan pilai bilong ol wantaim Mount Hagen Tigers na bihain pilaim Mendi Menjiles na pinisim

wantaim Porgera Wests.

Long soim strong bilong ol, bikpela resis bai kamap taim ol i bungim Menjiles, tim bilong Mendi husat i stap nau long Pot Mosbi long wanem ol i gat ol gutpela pilai husat i save pilai insait long Pot Mosbi ragbi lig kompetisen.

Klab opisel Hove Genderiso i tok ol manki bilong em husat i save pilai wantaim Lae Bombers olsem Thomas Kale, Jerry Bomai na Nishion Tapao na Noten Zon stap olsem Benson Joel, David Blackman na Jeremiah Lakalyo bai go

pas long dispela ol pilai.

Genderiso i tok ol i bin gat sampela fiklik hevi long klab bilong ol tasol dispela i no samting bai go wantaim CCIC. Em samting bilong ol long edministretiv sait.

Bikpela tingting bilong ol nau em long painim rot long ol i winim ol tim insait long pul bilong ol na go long ol fainol na winim bikpela prais moni wantaim Kap.

Bosman bilong klab bilong Baunderi Rot Genderiso i tok ol sapota bilong ol bai pulim lain bilong ol i go daun long

"Olgeta pilai i ron gut tru long stat bilong pilai long Fraide kam inap long nau (Tunde) na dispela i soim olsem pasin bilong pilai i senis na mi amamas long lukim dispela. Wankain pilai tu bai kamap long narapela long pul B," Lepa i tok.

Sampela tim husat i no stap insait long dispela fainol resis i go bek long ples bilong ol stat long Sande.

Long pul B gem, dispela pilai namel long Mendi Menjiles na Pot Mosbi Tarangau bai strongpela pilai tru.

Menjiles, tim bilong Mendi husat i winim gren fainol long 2004, tasol nau ol i stap long Pot Mosbi, bai pairapim bun bilong tupela.

Ol manki Mendi i save long gem plen bilong ol long wanem, dispela kain stail tasol i mekim na ol i win long las yia.

Tasol ol manki long bik pul Pot Mosbi, aninit long lukaut bilong kosa na olpela Kumul fowat Dokta James Naipao, sampela senis na das bai

Lae ragbi lig na givim ol sapat long ol manki, wankain pasin ol i bin wokim long 3-pela sisen i go pinis long pilai bilong ol yet long Lae ragbi lig.

Ol pilaia husat bai karim nem bilong Lae ragbi lig insait long dispela resis em: Joel, Blackman, Bomai, Kale (c), Kaks Gene, Ginive Wai, Ben Kumba, Peter Putz, Yapao, Lakalyo, Max Titus, Sepsy Kari, Peter Gene, Rex Kaina, Wax Wagane, Kolin Tamake, Ailan Huanja, Nambi Joe, Peter Kianuge, John Akoko, Foma Fou, David Bill, Toi Gotona na Elizah Emika.

Spot kamapim gutpela sindaun long 8 Mail

JOE KANEKANE
husat i bin wok wantaim Wantok Niuspepa bipo na nau i wok wantaim Komyuniti Jastis Liesen Yunit aninit long Jastis Dipatmen i rait long kain wok em spot i mekim long 8 Mail komyuniti ausait long Pot Mosbi Siti. Dispela i namba wan hap bilong stori. Namba tu hap bai kamap long narapela wik.

Spot laipstail
Namba wan hap

OL lain manmeri husat i kam long bikpela siti bilong Papua Niugini- Pot Mosbi bai save yet long 8 Mail Setelmen. Na ol lain husat i stap pinis i save wanem hap em 8 Mail Setelmen. 8 Mail Setelmen i stap wan mail ausait long mak bilong siti.

Dispela Setelmen i drai ples na i wanpela komyuniti we planti ol bikmanmeri i nogat bikpela o gutpela luksave long ol lain i stap.

Tasol tru olsem i gat 13,000 manmeri long olgeta hap bilong Papua Niugini i stap long dispela kona.

Long as bilong ol i kam long kainkain ples wantaim tingting bilong ol dispela i bin hatpela wok long sampela bikman bilong ol husat i bin gat tingting long bungim olgeta lain wantaim.

Kain hatwok i bin stap longpela taim.

Dispela i bin i go inap ol i kamap wantaim tingting bilong kirapim ol pilai.

Dispela ol pilai em Henry Sape, bipo wokman bilong Dipatmen bilong Jastis na Atoni Jenerol husat i stap long 8 Mail tu na lukim 8 Mail i go bikpela i bin bungim sampela manmeri we ol i kamapim Pis na Gut Oda Komiti. Sampela bilong dispela ol lain husat Sape i bungim ol em bipo polisman Nicholas Torohasi, fama David Wai, meri lida Elizabeth Kuri, ol pasto na sampela sios lida.

Dispela komiti i bin sindaun, autim, skelim na glasim ol tingting. Na long ol tingting ol i kamap wantaim tingting bilong kamapim na holim ol pilai i bikpela tru. Ol i tok long spot dispela bai bungim ol pipel wantaim na kamapim gutpela sindaun.

"Em i no isi long bungim ol pipel. Ol i kam long olgeta hap wantaim pasin bilong ol yet na dispela i save hat planti taim (long bungim ol)," Sape i tok.

"Mipela i kamap wantaim tingting bilong kamapim ol pilai long wanem ol pilai i gat strong bilong pulim na bungim ol manmeri. Na sapot (long dispela tingting) i kam gut."

Long dispela 15 wik bihain long ol pilai i stat long Ogas dispela yia, 2005, tingting, spirit na laik bilong ol manmeri long kamap long pilai i bikpela tru.



Foto: JOE KANEKANE

REDI: Ol Pohnu Yuniated soka tim bilong ol meri i redi long pairapim bal long pilai bilong ol las wik.

Pilai spot na kamap long lukim ol pilai i olsem kamap long wanpela pati. Olgeta manmeri- papamama, ol ausait lain, ol wantok, ol lain husat i kamap long mekim maket na ol hap ples klostu long setelmen olsem long 9 Mail na McGregor Polis Bareks, olgeta i stap long hap sapatim na singaut long tim bilong ol na bungim ol nupela manmeri na kamapim poroman pasin. Ol lain husat i mekim maket i amamas long salim samting bilong ol. I nogat wanpela man o meri i abrusim dispela gutpela bung na amamas.

"Mi ting dispela (tingting bilong kamapim ol pilai) i stretim dispela hatwok em mipela i bin gat long em long traim bungim ol pipel," Wai husat i stap long dispela Setelmen long taim Setelmen i stat yet i tok.

"Olgeta (yangpela) i stap long tim na olgeta i toktok long pilai tasol," em i tok.

Wai na Justin Leahy wantaim bilong Hailans pastaim long ol pilai i stat i save hatwok long painim na kisim bek ol stil ka long setelmen na givim bek i go long papa bilong ol nau i no moa bungim dispela hevi.

Tupela i lukim bikpela senis long pasin na sindaun bilong ol pipel. Ol yangpela i no moa stap nating nau

bagarapim ol arapela manmeri na samting biong ol na stil. Nogat. Dispela i senis.

Olgeta i laik pas long sampela samting. Wankain olsem long sut tingting bilong bihainim poroman bilong ol dispela tingting bilong kamapim ol pilai i kamapim kaikai bilong hatwok em mipela i gat long en long bungim ol pipel wantaim na kamapim gutpela sindaun. Ol yangpela long hia i no moa toktok long arapela samting. Ol i toktok long pilai bilong ol- long tren, lukluk i go bek long pilai bilong ol na painim ol rot bilong stretim pilai bilong ol."

"Long yia i go pinis, dispela kain pasin bilong ol yangpela long seksek long stretim ol yet na kamap long ol pilai i nogat tru. Dispela nau i senis bihain long ol pilai i kamap," Leahy i tok.

Leahy wantaim meri bilong em i sponsaim wanpela tim we ol arapela bikpela manmeri long komyuniti tu i sponsaim ol tim we ol i sapatim. Laik bilong olgeta manmeri long kamap na strongim tim bilong ol i bikpela.

Sina Manboab husat i bipo wokman bilong Telikom i tok ol yangpela husat i les pinis long stap nating nau

i ken tok amamas long samting ol i lukluk long en.

Em i tok long kain bel kirap bilong ol yangpela (long kamap na stap) insait long ol pilai i soim olsem bai gat ol bikpela samting i kam yet.

"Bihain long ol pilai i stat yu lukim stret wanem wok ol i mekim. Ol i tingting moa long pilai bilong ol. Ol i laik yusim na soim dispela save na strong ol i gat long en egensim ol arapela yangpela long pilai. Olgeta bai lukluk long poin tebol, skelim tim bilong ol wantaim ol arapela," Manboab i go moa na tok.

Ol meri nau i gat bel isi olsem ol i ken lusim haus bilong ol na i no inap wari long ol man i brukim na stilim o bagarapim samting bilong ol.

"Bikpela pret na hetpen i pinis," Rhonda Justin i tok. "(Bipo) olgeta taim mipela i go long taun mipela bai oltaim i save fusim wanpela man long em i stap bek na was long haus. Nau mipela i ken lusim haus i stap nating na i no inap wari long samting bilong mipela i bagarap."

Inap olsem 16-pela klab i kamapim ol tim long tripela gret- A, B na C Gret. Tasol sampela moa i laik long kamapim tim na long dispela Wai i tok em i hat. Em i tok sapos ol i kisim sampela moa ol tim o klab i nogat inap taim long holim ol pilai na pinis long taim.

"Mipela i gat tupela fil tasol. Na ol tim i stat pilai olsem long moning taim yet long 6 kilok na i save pinis long wankain taim long avinun samting," Sape i tok. "Sapos ol i stat bihain long taim ol arapela tim bai i nogat taim bilong pilai."

Tupela pilai graun i no stret tumas olsem yumi ken lukim long ol bikpela pilai graun tasol ol manmeri i traim yusim gut dispela ol pilai graun.

Ol manmeri yet long Setelmen long as bilong ol i laik pilai i stretim ples na kamapim pilai graun.

"Mipela i mas putim gutpela tingting long het bilong ol yangpela nau olsem laik bilong ol long kamapim ol gutpela pilai i kamap. Dispela i min olsem kamapim gutpela pilai graun, painim ol samting bilong ol long pilai wantaim."


"Ol manmeri nau i laik pilai. Inap long planti mauswara. Nau em i taim bilong mekim samting tru," em i tok.

... I go moa long narapela wik.



Foto: FAIL PHOTO

PASIM: Wankain pilai i kamap long Oro Viles Setelmen long 8 Mail yet tasol long narapela sait long ATS. Hia yu ken lukim pilai bilong Asum Naies i redi long hetim bal i go bek long birua pilaia bilong em long gren fainol pilai i no longtaim i go pinis.



WANTOK SPOTS



Paul Zuvani i raitim

EITPELA elit (namba wan) boksa bilong Papua Niugini Amata Boksing Union (PNGABU) nau i wok long redi long go long Mas 6, 2006 Melbon Komenwel Gem.

Seketeri bilong Union John Avira i tokaut long dispela long taim PNGABU i givim ol samting bilong pait long ol manki long Siti Misin long Badii, Pot Mosbi aste.

Avira i kisim dispela taim long tok olsem Union bai yusim tupela pait- Petron Kap na ol paitman bilong Jayapura long makim fain-ol skwat bilong Komenwel Gem. Long Petron Kap em ol paitman bilong Brisben, Australia we ol bai kam pait long Pot Mosbi long dispela mun.

Na long ol paitman bilong Jayapura (West Papua) we ol bai kam pait long Januari long Pot Mosbi tu, dispela i bekim bilong wokabaut bilong ol PNG boksa i go pait long Jayapura las mun bihain long nesanel boksing sempionsip long Aitape, Sandaun provins.

"Sapos dispela ol paitman i soim olsem ol i strong yet mipela bai kisim olgeta i go long Komenwel Gem," Avira i tok.

"Mipela i tingting planti long dispela ol pilai (Komenwel Gem). Na mipela i mekim ol boksa i tren hat."

"Mipela hop olsem olgeta i stap fit yet na bai go long ol pilai."

"Trening bilong mipela i go gut. I nogat hevi. Mipela bai yusim Petron Kap na bekim wokabaut bilong ol paitman bilong Jayapura. Dispela long skelim ol paitman bilong yumi."


Na boksa John Korake long 75 kilo grem divison i tok em i tren gut na redi long ol pait.

"Trening bilong mi i go gut," Korake i tok.

Nau yet Korake i holim nesanel taitol long divison bilong em.

Long dispela divison em i winim brons medol long 2003 Fiji Saut Pasifik Gem na silva medol long 2005 Osenia Boksing sempionsip.

... i go moa long pes 30



... ol i givim tu helpim long PNG Siti Misin

TAIM NAU: (l-r) Billy Mamu (54kg) na John Korake (75kg) i taim han long soim we bilong pait long ol manki Siti Misin long Badii aste.

Foto: PAUL ZUVANI

Brian Bell
Shop with a friend

Christmas 2005

5 PACKAGES BILONG WINIM WORTH K21,000 EACH OR K10,000 CASH!!
DRAW BAI KAMAP LONG HAUS & HOME (EMTV)

WINIM WANPELA FANTASTIC SHARP CHRISTMAS PACKAGE OR K10,000 CASH!!

- SHARP 26" LCD TV NA CABINET
- SHARP MICRO COMPONENT DVD STEREO SYSTEM
- SHARP DVD PLAYER NA KARAOKE
- SHARP VCD PORTABLE STEREO
- SHARP 14" TV NA CABINET
- SHARP HUGE 490LT FRIDGE/FREEZER
- SHARP MICROWAVE OVEN
- SHARP VACUUM CLEANER

NA 10 PELA LIKLIK PRIZES bilong 14" SHARP TVs!

WANTAIM K20 YU SPEND BAI YU GAT SANS LONG ENTA NA WINIM DISPLA BIKPELA SHARP KRISMAS PACKAGE!

WINNERS BAI KAMAP LONG HAUS & HOME (EMTV) NA TU LONG OL NEWS PAPERS

PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918 GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg